

Ἰ'ΣΙΙΣἸ ἰ ἸΓ°ΘΣΛ

لِإِنجِيلِ مَامَشْ ثِ يُورَا يَجْ ن
رْمُومِن قَارِن-أَسْ مَرْقُسْ

(سْ ثَمَارِيغْثْ نْ أَرِيْفْ)

ⵎⵓⵔⵓ ⵉⵎⵎⵓⵔⵉⵏ ⵉⵏ ⵎⵓⵔⵓ

ⵉⵏⵏⵓⵛⵉⵏ ⵎⴰⵎⵛⵓⵜ ⵉⵏ ⵓⵔⵔⴰ ⵉⵃⵓⵏ ⵓⵎⵓⵎⵏ ⵕⴰⵣⵏ-ⴰⵔⵓ ⵎⵓⵔⵓ

(ⵔⵎⴰⵣⵉⵎⵏⵜ ⵏ ⴰⵣⵣⵓⵔ)

ⵉⵏⵏⵓⵛⵉⵏ ⵎⴰⵎⵛⵓⵜ ⵉⵏ ⵎⵓⵔⵓ، ⵉⵏⵎⴰⵣⵉⵎⵏⵜ ⵣⵣⵓⵔ

L'Évangile selon Marc, en Tamazight du Rif

El Evangelio según San Marcos, en Tamazight del Rif

The Gospel of Mark, in Rif Tamazight

ⵉⵏⵏⵓⵛⵉⵏ ⵕⵣⴰⵎⴰ

Latin	Arabe	Example	Sentido / Sens	Latin	Arabe	Example	Sentido / Sens
Č č	تَش	وْتَشْمَا	sœur, sister, أخت	P p	پ	پيرو	le Pérou, Peru, بيرو
G g	ك	كَارُو	tabac, التبغ, tobacco	Ĥ ĥ	ز	زَبْدَا	toujour, دائما, still
Ğ ğ	دَج	دَجِيْرَث	nuit, night, ليلة	Z z	ز	تَزِي	bile, النكد

ⵉⵏⵏⵓⵛⵉⵏ ⵕⵣⴰⵎⴰ: ⵓⵏⵓⵔⵓⵔ 2013

Pour le commander / Para pedidos / For orders:

ⵉⵏⵏⵓⵛⵉⵏ ⵎⵓⵔⵓ:

E-mail: rifiradio@gmail.com

www.AwarnArebbi.net

Contact : (212) 06 76 79 91 94

Droit d'auteur © 2013

لِإِنْجِيلِ نِ سِيدِنَا عِيسَى

مَامَشْ ثِ يُورَا يِجْ نِ زُمُونِ قَارِنِ-أَسْ مَرْقُسْ

يَحْيَى يَسُوجَاذْ أَبْرِيذْ إِ لِمَسِيحِ

1 ¹أَمْزَوَارُو نِ لِإِنْجِيلِ نِ عِيسَى لِمَسِيحِ مِيسْ نِ أَرْبِي. ²مَامَشْ يَقَارْ
لِكِتَابِ نِ نَبِيِّ إِشْعِيَا:

"أَقَا تُسَكِّيغْ-دِ يِجْ نِ أَرْسُولِ يِنُو زَآشْ،
حَمَا أَذْ يَسُوجَاذْ أَبْرِيذْ نَشْ-

³ثَمِيغَا تَزَاغَا ذِي رَحْرَا:

سُوجَاذْ أَبْرِيذْ إِ سِيدِي أَرْبِي،

كَمْ يِيرِيذِنِ نَسْ نِيشَانْ-

⁴يُوسَا-دِ يَحْيَى غَارِ رَحْرَا. تُتَحَدَاثْ إِ يُوذَانِ حَمَا أَذْ تُوبِنِ أَذْ طَهَّارِنِ سِ
وَآمَانِ حَمَا أَذْ تَوَاغْفَرْنَتْ زُمُعْصِيَاثِ نَسْنِ. ⁵تَآسْنِ-دِ غَارِسْ مَارَا يِمَزْدَاغِ نِ
ثُمُورْتِ نِ يَهُودِيَا ذِ مَارَا يِمَزْدَاغِ نِ لِقُدْسِ، تَعْتَارَافِنِ سِ زُمُعْصِيَاثِ نَسْنِ،
يَحْيَى يِنَطَهَّارِ-يِنِ سِ وَآمَانِ ذِكْ يَغْرَارِ نِ لَأُرْدُنِ. ⁶أَرْوُضِ نِ يَحْيَى خَدْمِنِ-

ث س شَعْرَن وَرْغَم، ذِي نَصِّ نَسِّ يَج ن تُحْرَازَت ن يِيْرَم- تِتِّ تُمُوْرْغِي
ذ تَامَانَت تَحُوْرْشَت. 7 تِنُحَدَاث يِقَار: "أذ د يَاس مَنْبَعْد إِ نَش يَجَن يَجْهَد
خَافِي، وَار سُدْبِهْدَجْع آذ هُوِيْع حَمَا آدَاس فَسِيْع وُزَا ذ يَفِيْرَان ن تِسِيْرَا نَس-
8 نَش طَهَّارَغ- كَنِيو س وَامَان، نَتَا أَكْنِيو يَطَهَّار س أَرْوَح يَقْدُسَن."

يَحْيَى يَنْطَهَّار سِيْدَنَا عِيْسَى س وَامَان

9 ذِي زَيَامَاث نِي يُوسَا-د عِيْسَى زِي دُشَار ن نَاصِرَا، إِ يِدْجَان ذِي
تُمُوْرث ن لَجَلِيل، يَطَهَّار-يْت يَحْيَى ذَك يَغَزَار ن لَأُرْدُن- 10 وَامِي د يُوزِي
زَك وَامَان، زُخْدَنِي يَزْرَا أَجْنَا يَنُوْرْم، ذ أَرْوَح ن أَرْبِي يَهْوَا-د حَاس أَمَشْنَاو
يَج ن ثَذْبِيْرث. 11 نَج ن تَمِيْجَا زَك وَجَنَّا ثَقَار: "شك ذ مَمِي يِعِيْزَن، فَرَحْغ
زَايَك-"

إِبْرِيْس يَنْجَرَاب سِيْدَنَا عِيْسَى

12 زُخْدَنِي يِيوِي-ث أَرْوَح غَار زَخْرَا- 13 نِكَا أَرْبِعِيْن يَوْم ذِي زَخْرَا نِي
يَنْجَرَاب-يْت شَيْطَان- أَقَا-ث مَانِي دْجَان زُوْحُوْش، لَمَلَايَكَاث تَسْحَارَنَت
خَاس.

سِيدِنَا عِيسَى نِتْرَاغَا-دِ اِ يِمَحْضَارِن نَس يِمَزُووَرَا

14 وَا مِي حَبْسِن يَحْيَى، نِرُوح عِيسَى غَار ثُمُورْت ن لَجَلِيل، نِتَحَدَّات س لَانْجِيل ن أَرَبِّي. 15 نِقَّار: "نِيُوض-د زُوَقْت، زُمْلَك ن أَرَبِّي يُودَس-د. تُوُبْت، أَمْنْت س لَانْجِيل."

16 وَا مِي يَكُورْخ شَطَّ ن زَبْحَار ن لَجَلِيل، نِزْرَا سَمْعَانَ ذ وُومَاس أَنْدَرَاوُس نَطْرَن نِرَاشِيوِين ذِي زَبْحَار- نَشِي تَحْدَجَاقِن يِسْرَمَانَ. 17 نِنَّا-أَسَن عِيسَى: "أَرَا حَتِيو-د أَكْذِي، أَقَا زُخُو أَكْتِيو أَرَّغ ذ يَحْدَجَاقِن ن يُوذَانَ." 18 زُخْدَنِّي سَمْحَن ذِي نِرَاشِيوِين نَسَن، ذَفَارَن-ث. 19 نِعْدُو شَوَايْت أَغِيرِين، نِزْرَا يَعْقُوب ذ يُوَحْتَا نَارَوَا ن يِج ن وِرْيَاز وُومِي قَارَن زَبْدِي، ذِي نَغْرَابُوت عَدْرَن نِرَاشِيوِين نَسَن. 20 زُخْدَنِّي يِرْعَا-يَاسَن-د عِيسَى، سَمْحَن ذِي بَابَانْسَن زَبْدِي ذِي نَغْرَابُوت أَك يَخْدَامَن، ذَفَارَن-ث.

سِيدِنَا عِيسَى يِسُوْفُوغ يِج ن جَن ذ أَعْفَانَ

21 وُذْفَن غَار وِبِيَلَاج ن كَفْرَنَاحُوم- ذِي نَهَار ن سَبْت ن لِعِبَادَا يُودَف ذِي ثَمَزِيدَا ن وُوذَايِن، نَبْدَا يِسْرَمَاد- 22 تَعَجْبِن ذَك وَسْرَمَاد نَس رَاحَقَاش غَارَس نِزْمَار اِي زِي يِسْرَمَاد، وَار يَدْجِي بُو آمَشْنَاو يِمَسْرَمَادَن ن شَرِيْعَا. 23 ذِيْنِي ذِي ثَمَزِيدَا يِج ن وِرْيَاز ذَايس جَن ذ أَعْفَانَ، نِسْغُويُو، 24 نِقَّار: "مِين دَاش

يُرُوْحَن دَايْنَع، آ عَيْسَى نَاصِرِي؟ مَا تُوسِيْد-د اَخَانَع ثَقْضِيْد؟ نَش سَنَع مِيْن
ثَعْنِيْد؛ شَك ذ اَرْسُوْل مُقَدَّس ن اَرْبِي!"

25 يُسْبِد-يْت عَيْسَى، يْتَا-آس: "سَقَار شَك، فَع زَايس!"

26 يُسْرَجِيْجَاي-يْت جَن نِي اَعْفَان، يُعِيْض س يَح ن ثَمْبَجَا تُوعَزَا، يُفَع
زَايس. 27 ذَهْشَن مَارَا يُوْدَان نِي، نَان اِ وَايَاوِيَا: "مِيْن يَعْنَا مَانَايَا؟ اَسْرَمَاذ-أ ذ
جُذِيْد ذَايس جَهْد! يِتَامَر وُزَا ذ جُنُون يِعْفَان، تَكْن-آس اَرَاي- " 28 زُخْدَنِي
يِنْتَاشَر زُخْبَار نَس ذِي مُكْرُ اَمَشَان ذِي جَوَايَه ن لَجَلِيل-

سِيْدْنَا عَيْسَى يَسْكَنْفَا نَدُكُوَاژْت ن سِمَعَان

29 وَاْمِي د يَفَع زِي ثَمْرِيْدَا ن وُوْدَاين، يُوسَا-د غَار ثَدَارْت ن سِمَعَان ذ
اَنْدَرَاوُس اَكذ يِعْقُوْب ذ يُوْحَنَّا. 30 يُوْفَا نَدُكُوَاژْت ن سِمَعَان تَزَر، ذَايس
ثَمْسِي- زُخْدَنِي سِيُوْرَن اَك عَيْسَى خَاس. 31 تَقْرَب غَارَس، يُطَف-يْت زَك
وَفُوْس نَس، يُسْكَعْد-يْت- ثَفَع-يْت ثَمْسِي، ثَبْدَا تَسَخَار خَاسَن- 32 غَار
وَعَشِي وَاْمِي ثَعْرِي ثَفُوْشْت، وُوِيْن-د غَارَس مَارَا يِنِي يَهْرَشَن ذ يِنِي ذِي
دُجَان جُنُون، 33 مُوْنَن مَارَا اَيْتَاب ن ثَنْدِيْنْت ذِيْنِي غَار ثَوَارْت. 34 يُسْكَنْفَا
اَطَّاس ن يَمَهْرَاش ذَايسَن لَانُوَاع ن زَهْرَاشَاث- يُسُوْفَع اَطَّاس ن جُنُون، وَار
ثَن يَجِي اَذ سِيُوْرَن مِيْنَرِي جُنُون-أ سَنَن مِيْن يَعْنَا-

35 نِيوْشَا نَس زِيْش وَامِي عَاذ وَار يَصِيْح زَحَاز، نِكَا رِيْفَغ، نُرُوْح غَار يَج
 ن وَمَشَان يَخْرَا، نِتْرَا دَجَا ذِيْنِي. 36 يِرْزُو خَاس سِمَعَان ذِيْنِي كِدَس يَدَجَان.
 37 وَامِي ت وَفِين نَّان-آس: "مَارَّا رَزُون حَاك."
 38 نِتَّا-آسن: "يَا لَاهَم اَكْذِي، اَنْرَا ح غَار رَدْشُور نَغْنِيْت يُودَسْن حَمَا اَد
 حَدْغ وَرَا ذِيْنِي. خ مَانَا يَا مِيْخَف د وَسِيْغ." 39 نُرُوْح يَتَحَدَاث ذِي تَمَزِيْدَاوِين
 ن وَوُذَايْن ذِي مَارَّا تَمُورْت ن لَجَلِيل، نِسُوفُوْغ جُنُون.

سِيْدْنَا عِيْسَى يَسْكَنْفَا يَجْن يَهْرَش س جَذَام

40 يُوسَا-د غَارَس يَجْن يَهْرَش دَايَس جَذَام. نِحْشَم-يْت، نُوْصَا خ يَفَادَنْ
 نَس، نِتَّا-آس: "شَك، مَرَا نَخْسَد، نُرْمَرْد اَذَابِي تَصْفِيْد."
 41 نِقْس-آس اِ عِيْسَى، نِحَاذَا-ث س وَفُوس نَس يِتَّا-آس: "وَاه، حُسْغ، اَد
 تَكْتَفِيْد!"

42 ذَكْ وَمَشَان يَكْس-آس جَذَام، نِدُوْر يَصْفَا. 43 زُحْدَنِي نِسْكَ-يْت
 عِيْسَى، نُوْصَا-ث اَطَّاس 44 يِتَّا-آس: "خَزَار، وَار قَار وَالُو اِحْد، مَاشَا رُوْح
 غَار زَفْقِيَه نَسْطَهَارْد-آس يَخْف نَش، اَكْ صَدَقْت اِي زِي يُوْصَا مُوسَى حَمَا
 اَد شَهْدَن خ مِين يُوْقَعَن."

45 مَاشَا نَتَّا يِرُوْح يِنْدَا يَسَاوَاز اَطَّاس، نِسْيُوْص زَحْبَار اَز وَامِي يَدُوْر عِيْسَى
 وَار يِرْمَر اَد يَاذَف غَار نَتْدِيْنْت بَرَا مَا اَد يَسْتُوْفَر يَخْف نَس. نِدَجَا ذَكْ
 يُمُوشَان يَخْرَان، نُوْذَان تَاسَن-د غَارَس زِي مَارَّا يُمُوشَان.

سیدنا عیسیٰ یسکنفا یح ن ونشروف

2 ¹ منبَعْدِ اِشَانِ وُوسَان، ٲدور-د عیسیٰ عَاوَد غَارِ كَفَرْنَا حُوم، سَرِّين بَلِي
 اَقَا-ث ذِي ثَدَّارْث. ² مُونن اَطَّاس ن زَغَاشِي، اَز وَاَمِي وَاَر يَّقِيم وُزَا ذ
 یح ن وْمَشَان وَاخَا زَاث اِ ثَوَّارْث- ئِسَّاوَاَز اَكْسِن س وَاوَاَز ن اَرَّبِي. ³ وُوسِين-د
 شَان یوْذَان، وُوین-آس-د یح ن ونشروف یسین-ث اَرْبَعَا اِذْسِن ذِي ثَاثُوْث
 نَس- ⁴ وَاَر زَمِیرِن اَث سِیْذِن غَارِس مِیْنَزِي ذِین اَطَّاس ن زَغَاشِي- قَرَعِن
 سَقْف شَوَّایْت رَزْمِن-ث، سَهْوَان اَنْشَرُوف نِي ذِي ثَاثُوْث نَس غَارِ وْمَشَان
 مَانِي یَدْجَا عِیْسَى-

⁵ وَاَمِي یَزْرَا عِیْسَى لِاَیْمَانِ نَسِن، ئِئَا-آس اِ ونشروف نِي: "آمِّي، تَوَاغْفَرْنَت-
 اَش زَمْعَصِيَاث اِی ثَكِّیْد."

⁶ شَان یَمْسَزْمَاذِن ن شَرِیْعَا اِی یَقِیْمِن ذِیْنِي قَارِن ذِي نَفْسِ نَسِن: ⁷ "مَامَّش
 یَسَّاوَاَز بِنَاذِم-أْ اَمُو؟ ئِقَّار اَوَاَز وَاَر یَحْرِیْن خ اَرَّبِي- وُكْ یَزْمَرِن اَذ یَعْفَر
 زَمْعَصِيَاث غَیْر اَرَّبِي وَحْدَس!"

⁸ زَخْدَنِي یَسِّن عِیْسَى زِي اَرْوَحِ نَس مِیْن تَفَكَّرِن ذِكْ وُورِ نَسِن، یئَا-آسِن:
 "مَامِی تَفَكَّرَم اَمُو ذِكْ وُورِ نَوْم؟ ⁹ مِیْن یَسْهَزِن اَطَّاس اَس یِیْنِي اِ ونشروف:
 تَوَاغْفَرْنَت-اَش زَمْعَصِيَاث اِی ثَكِّیْد؟ نِغ اَس یِیْنِي: كَار یِیْنِي ثَاثُوْث نَش
 وُیُور؟ ¹⁰ خَسْغ اَذ تَسْنَم بَلِي مِیْس ن بِنَاذِم غَارِس ثِرْمَارِ خ ثَمُورْث حَمَا اَذ

يُغْفَرُ زُمْعِصِيَاثَ. "أَوْشَا يِنَّا-أَسِ إِ وَنَشْرُوفِ نِّي: 11 "أَدَّاشِ يِنِيغ، كَار، يُسِي
 تَاشُوثِ نَش، رَاحِ أَذِ تَرُوحِذِ غَارِ ثَدَّارِثِ نَش!"
 12 زُخْدَنِّي يِكَّار، يُسِي تَاشُوثِ نَس، يُفَّغِ زَاثِ إِ يُوْدَانِ مَارًا. كُرْشِي
 ذَهْشَن، حَمْدَنِ أَرْبِي نَّان: "عَمَّارِصِ وَارِ نَزْرِي مَانَايَا يُوْقَعِ قَبْرَ."

سِيدْنَا عَيْسَى يُتْرَاغَا-دِ إِ لَآوِي

13 يَفَّغِ عَيْسَى عَاوِذِ غَارِ طَارْفِ نِ زَبْحَارِ، وَسِينِ-دِ غَارِصِ مَارًا زَغَاثِي
 يَسْرَمَادِ-أَسِن. 14 وَامِي يِكُورِ سَنِّي، نَزْرًا لَآوِي مِيْسِ نِ حَلْفِي يَقِيْمِ ذِكْ
 وَمَشَانِ مَانِي جَمْعَنِ صَّرِيْبَا. نِنَّا-أَسِ عَيْسَى: "ذَفَارِ-أَيْ-دِ." نِكَّار، نِذْفَارِ-يِثِ.
 15 نَقِيْمِ عَيْسَى ذِي ثَدَّارِثِ نِ لَآوِي، يِتِّتْ نَتَّا ذِي مَحْضَارِنِ نَسِ. أَطَّاسِ نِ يِنِّي
 يَجْمَعَنِ صَّرِيْبَا ذِي يِنِّي يَعْصَانِ قِيْمَنِ تَتَّنِ أَكْدَسِ رَاحَقَّاشِ نَشْنِي أَطَّاسِ إِ يِثِ
 يِتْدَفَارِنِ. 16 شَانِ يَمْسَرْمَادِنِ نِ شَرِيْعَا زِي رُحْبِ نِ يَفْرِيْسِيْنِ زُرِينِ عَيْسَى
 يِتِّتْ أَكْدِ يِنِّي يَجْمَعَنِ صَّرِيْبَابِ ذِي يَمْدُوكَا زِ نَسِنِ وَارِ يَحْرِينِ، نَّانِ إِ يَمْحَضَارِنِ
 نَسِ: "مَائِي يِتِّتْ أَكْدِ يِنِّي يَجْمَعَنِ صَّرِيْبَا ذِي يِنِّي يَعْصَانِ؟" 17 نِسْرَا-يَاسِنِ
 عَيْسَى، نِنَّا-أَسِن: "نُودَّانِ يِدْجَانِ مَلِيحِ وَارِ تَحْدِيْجِيْنِ بُو وَضِيْبِ، تَحْدَا جَانِ-
 ثِ يَمَهْرَاشِ. وَارِ دِ وَسِيْغِ أَذِ رَاغِيْغِ يِنِّي يِدْجَانِ نِيْشَانِ. وَسِيْغِ-دِ غَارِ يِنِّي
 يَعْصَانِ."

ب2:16 مِينِ عَنَّانِ يِنِّي يَجْمَعَنِ صَّرِيْبَا؟ نَشْنِي ذِي وَدَايِنِ خَدْمِنِ أَكْدِ لَمُخْرِنِ نِ أَرُومَانُوسِ.
 وَدَايِنِ نَضْنِي قَارِنِ بَلِي يِنِّي يَجْمَعَنِ صَّرِيْبَا عَصَّانِ أَطَّاسِ. عَاوِذِ أَرِينِ أَمْقَرَانِ نِ يِنِّي يَجْمَعَنِ
 صَّرِيْبَا رَنِينِ شِي حَجَا حَمَا أَتَّتْ يَسِينِ إِ يِيْخَفِ نَسِنِ.

أَسْقِسِي خ وَزُومِي

18 ئِمْحَضَارَن نِ يَحْيَا ذِ يَمْحَضَارَن نِ رَحْب نِ يَفْرَسِين زُومَن - وُسِين-د غَار عَيْسَى ، نَّان-أَس : "مَائِي يَمْحَضَارَن نِ يَحْيَا ذِ يَمْحَضَارَن نِ رَحْب نِ يَفْرَسِين تَزُومَان ، ئِمْحَضَارَن نَش وَار تَزُومِين شَا؟"

19 نَّان-أَسَن عَيْسَى : "مَا زَمَرَن يَمْدُوكَاَرَن مُوزَايِ آذ زُومَن ذِي رَفَارَح نَس؟ مَاحَنَدُ مُوزَايِ أَكِدْسَن وَار زَمَرَن آذ زُومَن - 20 مَاشَا آذ دَ أَسَن وُوسَان آذ يَمِيسِي مُوزَايِ زِي زُوسَط نَسَن - رُخْدَنِيَتِ آذ زُومَن ذِي نَهَار نِي - 21 وَار يَدَجِي حَدَّ يَتْرَقَاعَ أَرُوضِ ذِ أَبَايِ سِ يَجِ نِ ثُرْقِيَعَتِ نِ تُوبِ ذِ جَدِيدِ - مَاعَار؟ رَاحْقَاشِ ثُرْقِيَعَتِ نِي نِ جَدِيدِ آذ تَجْمَعِ أَوْشَا آذ دِ تَكْسِ زَكِّ وَارُوضِ نِي ذِ أَبَايِ - رُخْدَنِيَتِ آذ يَمْعَرِ وَشَارِيَكِّ! 22 حَتَّا ذِ أَمَانِ نِ وَضِيَرِ ذِ جَدِيدِ وَارِ خَدَجْنِ ذِكِّ بِيَرْمَاونِ يَقْدِيمِن ، حَمَا وَارِ دُوقُوزِنِ آذ زَدَجْعِنِ وَامَانِ نِ وَضِيَرِ آذِ ضِيَعِنِ بِيَرْمَاونِ نِي . مَاشَا أَمَانِ نِ وَضِيَرِ ذِ جَدِيدِ خَدَجْنِ ذِكِّ بِيَرْمَاونِ ذِ جَدِيدِ -"

مِينِ يَدَجَانِ حَلَالِ ذِي نَهَارِ نِ سَبْتِ

23 ئِجِ نِ نَهَارِ نِ سَبْتِ ، يُعْذُو عَيْسَى ذِكِّ وَبَرِيذِ ذِي زُوسَطِ نِ يَمْنَدِي - ئِمْحَضَارَن نَسِ كُورِنِ تَكْسِنِ ثِيذَرِين . 24 نَّان-أَسِ زَبْعَاضِ زِي رَحْبِ نِ

يَفْرِيَسِينِ: "خَزَار! مَايَمِّي يَمْحَضَارن نَش تَكْن مِين يَدَجَان حَرَام ذِي نَهَار
ن سَبْت؟"

25 جَاب-يشن عَيْسَى: "مَا وَار ثَغْرِيم شَا مِين يَكَّا دَاوُد وَامِي يَحْدَاج،
يُدْجُوز نَتَا ذِي بِنِي اَكِدْس؟ 26 يُوَذَف غَار ثَمْرِيذَا ن أَرَبِّي ذِي زَمَان ن أَيْبَاثَار
أَرَايس ن زَفْقُهَا، يَيْسِي أَغْرُوم نِي إِي يَدَجَان ذ صَدَقْت، يَشِي-ث، يُوشَا-
يَاسن إِي بِنِي اَكِدْس، وَآخَا مَانَايَا وَار يَدْجِي شَا حَلَال غَيْر إِي زَفْقُهَا وَآهَا."
27 أَوْشَا يِنَا-أَسن: "نَهَار ن سَبْت يَتَوَاحِرْق إِي بِنَادَم، وَار يَدْجِي ذ بِنَادَم إِي
يَتَوَاحِرْقن إِي نَهَار ن سَبْت. 28 خ مَانَايَا مَيْس ن بِنَادَم إِي يَدَجَان ذ لِحَاكَم
حَتَا خ نَهَار ن سَبْت."

سِيدْنَا عَيْسَى يَسْكَنْفَا يَج ن وَرِيَاز ذِي نَهَار ن سَبْت ن لِعِبَادَا

3 1 يُوَذَف عَيْسَى عَاوَد غَار ثَمْرِيذَا ن وُودَاين يُوَفَا ذِي بِنِي يَج ن وَرِيَاز
فُوس نَس يُمُوث. 2 تَلَا حَاضن حَاس مَا آث يَسْكَنْفَا نَع لَّا ذِي نَهَار
ن سَبْت ن لِعِبَادَا، حَمَا آث تَاهْمَن. 3 نِتَا إِي وَرِيَاز غَار يَدْجَا فُوس يُمُوث:
"بَدَّ ذِي زُوسَط-." 4 يَسْقَسَا-ثن عَيْسَى: "مَا حَلَال ذِي نَهَار ن لِعِبَادَا أ نَكَّ
زُخِير نَع أ نَكَّ شَرِّ؟ أ نَسْنَجَم نَفْس نَع آث نَع؟" مَاشَا نَثْبِي سَقَارن. 5 نِخَزَار
غَارَسن س وَغَضَب، يَحْيِق زَا حَقَّاش وُز نَسن يَقْسَح. نِتَا إِي وَرِيَاز نِي: "سَرَح
فُوس نَش-." يَسْرَح-يَث، يَدُوز وَفُوس نَس يَكْنَفَا. 6 زُخْدُنِّي فَعْن زُحْزَب ن

يَفْرِيْسِيْنِ، مُوْنَن أَكْد يُوْدَان زِي زُحْرَب ن وَزْدَجِيْد هِيْرُوْدُس، فَكْرَن ذِي
مَامَشْ غَا كَنْ اَذ نَعْن عِيْسَى-

أَطَّاس ن يُوْدَان ذَفَّارَن سِيْدْنَا عِيْسَى

7 نَفْع عِيْسَى اَكْث يَمْحَضَارَن نَسْ غَار زَبْحَار، بُذْفَار-يْت يَج ن لَعَدَد ذ
أَمْقَرَان ن يُوْدَان زِي ثُمُورْث ن لَجْلِيل، ذ ثُمُورْث ن يَهُودِيَا، 8 ذ لُقْدَس،
ذ ثُمُورْث ن إِدُومِيَا، ذ وَجَمَّاض-يْن إِ يَغْزَار ن لَأُرْدُن، عَاوْذ زِي جَوَايَه ن
صُور ذ صِيْدَا- وُسَيْن-د غَارَس أَطَّاس ن زَغَاشِي وَامِي د آرِيْن زَخْبَار إِ مَارَا
مِيْن يَكَّا- 9 نِيْنَا-أَسْن عِيْسَى إِ يَمْحَضَارَن نَسْ: سُوْجْدَم-أَبِي يَج ن نَعْرَابُوت
حَمَا وَار خَافِي تَمَزَاحِيْمَن زَغَاشِي- 10 نِسْكَتْنَا أَطَّاس ن يُوْدَان، أَر وَامِي مَارَا
يِنِّي ذِي يَدَجَا زَحْرِيْق مَزَاحَمَن حَاس، رَزُون آث حَادَان- 11 جُنُون ذ يِعْفَان
وَامِي ث زُرِيْن وَضَان غَار يَضَارَن نَسْ، سَعُوِيُون قَارَن: "شك ذ مِيْس ن
أَرَبِي- " 12 نُوْصَا-ثَن أَطَّاس يِنَا-أَسْن: "وَار نَحْبَرْم حَدَّ خَافِي-"

سِيْدْنَا عِيْسَى يَخْضَار نَعَاش ن أَرْسُول

13 نِكْكَعْد غَار وَذْرَار، نِيْرَاغَا-د خ يِنِّي يَخْس، أَوْشَا وَسَيْن-د غَارَس-
14 نِيْخْضَار زَايَسْن نَعَاش، نِكْكَي-ثَن ذ أَرْوَسْل حَمَا أَكِس يَزِيْن، أَثْن يَسْكَ
أَذ حَدْثَن، 15 أَغَارَسْن نِيْرِي نِيْرَمَار حَمَا أذ سُوْفَعْن جُنُون- 16 نَعَاش-أَ اَكْث
يَكَّا نَشِي سِمْعَان، نِسْمَا-يَاس بَطْرُس، 17 ذ يِعْقُوب ذ يُوحَنَّا ثَارُوا ن زَبْدِي،

ئِسْمًا-يَاسَن بُوَنَرَكْس (مَانَايَا يَخْس اذ بِيْنِي تَارَوَا ن وَاجَّاج)، 18 ذ اَنْدَرَاوَس،
ذ فِيلِيَّاس، ذ بَارْتُولُوْمَاي، ذ مَتِّي، ذ تُوْمَا، ذ يَعْقُوْب مِيْس ن حَلْفَى، ذ
تَدِّي، ذ سِمَعَانَ اِي تُوْعَا يَدَّافَاعَن خ تُمُوْرْت نَس، 19 ذ يَهُوْدَا اِسْحَرِيُوْطِي
وْنِي يَزْنَن عِيْسَى-

سِيْدَنَا عِيْسَى يَتُوَاجَاه بِيْنِي يَدَجَانَ ضَد نَس

20 تِرُوْح-د غَار تَدَّارْت، تُمُوْن عَاوُذ زَعَاشِي اَز وَاْمِي وَاَر يَزْمَر عِيْسَى ذ
يَمْحَضَارَن نَس اذ شَن وُزَا ذ اَغْرُوْم- 21 وَاْمِي سَزِيْن رَحْبَاب نَس خ مَانَايَا،
وُسِيْن-د حَمَا آت اَوِيْن اَكِيْدَسَن، نَّان يِرُوْح-اَس زَعَقْر-

22 تِمْسَرْمَاذَن ن شَرِيْعَا اِي د يُوْسِيْن زِي لُقُدْس نَّان: "ذَايَس بَعْلَزَبُوْل،
اَرَايَس ن جُنُوْن- تِسُوْفُوْع جُنُوْن مِيْنَزِي بَعْلَزَبُوْل يُوْشَا-يَاس جَهْد-ا."

23 تِرَاغَا-د خَاسَن، تِسِيُوْر اَكِيْسَن س رَمَعَانِي، تِنَّا: "مَامَش يَزْمَر شِيْطَانَ اذ
يَسُوْفَع شِيْطَانَ؟ 24 لَمَمَلَكَا اِي ذِي تَمْنَعَانَ اَيْتَبَاب نَس يَجَن اَكذ وَنَعْنِيْت وَاَر

تُرْمَر اذ تَقِيْم- 25 تَدَّارْت اِي ذِي تَمْنَعَانَ اَيْتَبَاب نَس يَجَن اَكذ وَنَعْنِيْت وَاَر
تُرْمَر اذ تَقِيْم. 26 مَرَا شِيْطَانَ يَكَّار اذ يَقْضَا خ شِيْطَانَ، وَاَر يَنْدُوْمِي شَا، اذ

يَفْنَا- 27 وَاَر يَزْمَر حَدَّ اذ يَهْجَم خ تَدَّارْت ن شَانَ يَجَن يَجْهَد بَاش اذ يَاشَار
اَكْثَرَا نَس اِلَّا مَرَا يَشَد-يْت ذ اَمْرُوَارُو، اُوْشَا اَدَاس يَاوِي مَارَا مِيْن غَارَس ذِي

تَدَّارْت- 28 اَقَا تَسْرَام رَحَق: اذ تُوَاغْفَرْنَت مَارَا رَمْعَصِيَاث اِي تَكْن يُوْدَانَ، ذ
مَارَا اَوَاز وَاَر يَحْرِيْن اِي قَارَن خ اَرْبِي- 29 مَاشَا وْنِي غَا بِيْنِيْن شَانَ وَاَوَاز وَاَر

يَحْرِيْن خ اَرْوَح يَقْدُسِن، وَار دَاس يَغْفَر لآ ذِي دُنْشَت اُو لآ ذِي لآخِيْرآ. "
30 مِيْنَزِي قَارَن قَا عِيْسَى ذَايس يِج ن جَن ذ اَعْفَان.

31 نُوسَا-د غَارَس يِمَاس ذ اَيْشَمَاس، بَدَن بَارَا اِ ثَدَارْث، سَكَن غَارَس،
رَاغَان-د خَاس. 32 رَغَاشِي قِيْمَن نَضَن-اَس، نَان-اَس: "اَقَا ذِيْن يِمَاش ذ
اَيْشَمَاش ذ سُويْشَمَاش ذِي بَارَا، رَزُون خَاك." 33 نِيْنَدَق-د، نِيْنَا-سَن: "مِيْن
عَنَان يِمَا ذ اَيْشَمَا؟" 34 نِيْخَزَار غَار يِنِي يَقِيْمَن نَضَن-اَس، اُوْشَا يِنَا: "اَقَا يِمَا
ذ اَيْشَمَا. 35 وَن يِتَكْن س مِيْن يِخَس اَرْبِي نِنَا ذ وُْمَا ذ وَتَشْمَا ذ يِمَا."

زَمَعْنَا ن وِنِي يِزْرَعَن

1 عَاوَذ يِنْدَا يِسْرَمَاد خ طَارْف ن زِبْحَار- اِمُون-د خَاس اَطَّاس ن
رَغَاشِي اُوْشَا يِنِيَا، يِقِيْم ذَك يِج ن تُعْرَابُوْت ذَك وَامَان، نُوْدَان قِيْمَن
مَارَا ذِي زِبْر خ طَارْف ن زِبْحَار- 2 يِسْرَمَاد-اَسَن اَطَّاس ن ثَمْسَرَايِيْن س
زَمَعَانِي- نِيْنَا-اَسَن ذَك وَسْرَمَاد نَس: 3 "صِنَطْث، يِفْع وَفَدَجَا حَمَا اَذ
يِزْرَع- 4 وَامِي يِزْرَع، ثَوْضَا-يَاس شَان زَرِيْعْت خ طَارْف ن وَبْرِيْد، وُسِيْن-د
يِجْضَاض شِيْن-ت- 5 شَان زَرِيْعْت نَعْنِيْت ثَوْضَا-يَاس خ يِزْرَا وَار ذِيْن بُو
شَر اَطَّاس. ذَغِيَا نَعْمِي-د رَاَحْقَاش وَار تُوْذِيْف شَا ذِي رَدَجَع ن ثَمُورْث-
6 مَاشَا وَامِي ثَسُومَر ثَفُوشْت، يِحْرَق اُوْشَا يُوْرَغ رَاَحْقَاش يِزُورَان نَس وَار
وَذِيْفَن غَار رَادَجَع ن ثَمُورْث- 7 شَان زَرِيْعْت نَعْنِيْت ثَوْضَا جَار يِسْنَان-
غَمِيْن-د اَكِس يِسْنَان جِيْفَن-ت، اُوْشَا وَار ثَكِّي بُو ثِيْذَرِيْن- 8 مَاشَا شَان

زَّرِيعَتْ نَعْنَيْتْ ثَوْضَا خِ ثُمُورْتْ تَصْبَحَانْتْ، تُسُوفَع-دِ ثِيذِرِينْ، كَثْعَدْن-ت-
 يد، مغرنت- زَبْعَاضْ كَيْنْتْ ثُرَاثِينْ، زَبْعَاضْ سَتِينْ، زَبْعَاضْ مِيَا. " 9 أَوْشَا يِنَا:
 "صَنْطْثْ مَلِيحْ، أَيِ يِنِي يِتْسَرَانْ-"

أَسْفَهْمْ نِ زَمَعْنَا نِ وِنِي يِزْرَعْنِ

10 وَامِي عَيْسَى يَقِيمْ وَحَدَسْ، سَقْسَان-ثِ يِنِي دَاسْ يِنْبَضْنِ أَكْذْ ثَعَاشْ نِ
 يِمْحَضَارْنِ خِ زَمَعَانِي-يَا. 11 نِنَا-أَسْنِ: "يِتْوَأَسْمَحْ إِ كَيْيُوْ أَدِ تَسْنَمْ مِينِ يُونُورْنِ
 ذِي زُمْلُكْ نِ أَرْبِي- إِ يِنِي زِي بَارَا مَارَا تَاسْ-أَسْنِ-دِ سِ زَمَعَانِي وَاهَا،
 12 حَمَا أَدِ خَزْرَنْ مَاشَا وَارْ تُوِيْرِينْ،
 أَدِ سَرَنْ مَاشَا وَارْ فَهْمَنْ وَارْ تُوِيْرِينْ شَا،
 وَارْ دَاسْنِ تَوَاغْفَرْنْتْ زَمُعْصِيَاثْ نَسْنِ-"

13 نِنَا-أَسْنِ: "مَا وَارْ ثَفْهِيْمَمْ زَمَعْنَا-يَا؟ مَامَشْ غَا ثَفْهَمْمْ مَارَا زَمَعَانِي؟
 14 أَفْدَجَاحْ يِزْرَعْ أَوَاژْ نِ أَرْبِي- 15 زَرِيعَتْ نِي إِكْثِ يُوْضَانَ خِ وَبَرِيدْ نَتَاثْ
 أَمْ يُوْذَانَ إِيِ تَسْرَانَ إِ وَوَاژْ نِ أَرْبِي، زُحْدْنِي يِتْرَاحْ شَيْطَانَ يِتْكَسْ أَوَاژْ نِي
 يِتْوَاژْرَعْنِ ذَايَسْنِ. 16 زَرِيعَتْ نِي إِكْثِ يُوْضَانَ خِ يِزْرَانَ نَتَاثْ أَمْ يُوْذَانَ إِيِ تَسْرَانَ
 إِ وَوَاژْ نِ أَرْبِي، زُحْدْنِي قَبْرَنْ-تِ سِ زَفْرَاحْثِ- 17 وَامِي وَارْ وُوثِينْ بُوْ يِزُورَانَ
 مَلِيحْ، ذَعْيَا تَنْقَرَاْعَنْ- خَمِي دِ تَاسْنِ زَمَحَايْنِ ذِ وَعَدْبْ خِ زَسْبَابْ نِ وَوَاژْ
 نِ أَرْبِي، ذَعْيَا تَفْغَنْ أَبْرِيدْ. 18 زَرِيعَتْ نِي إِكْثِ يُوْضَانَ جَارِ يِسْتَانَنْ نَتَاثْ أَمْ

يُودَانِ اِي تَسْرَانِ اِ وَاوَارِنِ اَرَّبِي، 19 ذَايَسِنِ اَمْنُوَسِ نِ دُنْشَتِ، تَحْسِنِ اَكْثَرَا،
 ذَايَسِنِ شَهْوَتِ نِ ثَمْسَرَايِيْنِ نَغْنِيْتِ، اُوْشَا يَتُوَاجِيْفِ وَاوَارِنِ اَرَّبِي، وَاَرِ يَنْفَعِ
 شَا. 20 مَاشَا زَرِيْعَتِ نِي اِكْثِ يُوْضَانَ ذِي ثُمُوْرْتِ ثُصْبَاحِ نَتَاثِ اَمِ يُوْدَانَ
 اِي تَسْرَانَ اِ وَاوَارِنِ اَرَّبِي، قَبْرِنِ-ثِ، نَفْعِنِ- رُبْعَاضِ ثَمْرِنِيْنِ ثُرَاثِيْنِ، رُبْعَاضِ
 زَايَسِنِ ثَمْرِنِيْنِ سَتِيْنِ، رُبْعَاضِ ثَمْرِنِيْنِ مِيَا."

زَمَعْنَا نِ زُقَنْدِيْرِ

21 نِيْنَا-سِنِ: "وُزَا ذِ يَجْنِ وَاَرِ دِ يَتِيْوِي زُقَنْدِيْرِ حَمَا اَخَاسِ يَقْرَبِ شَانَ
 وَفُنُوْشِ، نِغِ اَثِ يِكْثِ سُوَادَايِ اِقَامَا- لُعْكَسِ، اَثِ يِكْثِ خِ زَمْرَفَاعِ- 22 مَارَا
 مِيْنِ يُوْفُوْرِنِ اَذِ دِ يَظْهَارِ- مَارَا مِيْنِ يَتُوَاسْنُوْفُوْرِنِ اَذِ يَتُوَافْضَحِ- 23 صَنْطْثِ مَلِيْحِ،
 اَيِّي يِتَسْرَانَ."

24 نِيْنَا-اَسِنِ: "اَرْمِ-دِ زُبَاْرِ نُوْمِ اِ مِيْنِ تَسْرَامِ- رَعْبَرِ اِي ثِسْخَدَامِ ذِ وِنِي
 اِي كِذُوْمِ غَا يِسْخَدَمِ اَرَّبِي، اُوْ عَاذِ كُتَارِ- 25 مِيْنِزِي وِنِي يِدْجَانَ غَارِسِ
 يِتْمَرْنِي-يَاسِ، مَاشَا وِنِ وَاَرِ غَارِ يِدْجِي شَا، ثِتْمِيْسِي-يَاسِ وُزَا مِيْنِ غَارِسِ-"

زَمَعْنَا نِ زَرِيْعَتِ يِتْمَعُوْرِنِ

26 نِيْنَا: "زُمْلِكِ نِ اَرَّبِي اَمْشَنَاوِ يِجِ نِ بِنَادِمِ يِزْرَعِ زَرِيْعَتِ خِ ثُمُوْرْتِ-
 27 نِيْطَطَّصِ سِ دَجِيْرْتِ يِتْفَاقِ-دِ غَارِ صُبَاحِ يِتَافِ زَرِيْعَتِ تِكْكَعَاذِ تَمْعُوْرِنِ- نَتَا
 وَاَرِ يَسِيْنِ مَامَّشِ يِتُوْقِيْعِ مَانَايَا- 28 مِيْنِزِي ثُمُوْرْتِ تِيْشِ ثِحْبَا نَسِ نِيْثِ- ذِ

أَمْزَوَارُو تُغْمِي-د- أَوْمَبَعْدُ نُذَوَّرْ ذِ تِيذَرِين- أَوْمَبَعْدُ تِيذَرِين نِي تُعَمَّرَنْتْ سِ
 ثَحْبًا. 29 مَاشَا غِيرِ آذِ يُوْجِدْ يَمْنَدِي، زُحْدَنِي آذِ يَفِغْ آذِ يَمَجَارِ مِينَزِي زَوْقَتْ
 نِ وَمَجَارِ ثِيَوْض-د-

زَمَعْنَا نِ بُوْكَرْذَارِ

30 نِنَّا: "مِينِ ذِي يَنْشَابَاهِ زُمَّلْكَ نِ أَرَبِي؟ نِغْ سِ مِينَزِي غَا ثِ نُمَثْلْ؟
 31 زُمَّلْكَ نِ أَرَبِي أَمَشْنَاوِ يِجْ نِ زَرِيْعَتْ نِ يِجْ نِ نُوعْ نِ أَرَبِيْعِ قَارِن-أَسِ
 بُوْكَرْذَارِ- خَمِي ثِ زَرَعْنِ ذِي ثُمُورْثِ، تِيْزِي ذِي أَمَزِيَانِ قَاعِ ذِي مَارًا ثَحْبًا
 يَدْجَانِ خِ ثُمُورْثِ- 32 مَاشَا خَمِي ثِ زَرَعْنِ، آذِ يَمَعَارِ، آذِ يَدُوْرْ كُنَّارِ زِي
 مَارًا أَرَبِيْعِ، آذِ يَكْ زَفْرُوعِ ذِي يَمَقْرَانِن- وُزَا ذِي يَجْضَاضِ تَكْنِ ذَايسِ زَعُوَاشِ
 نَسْنِ ذِي تِيْزِي نَس-

33 نِسَاوَارِ عِيْسَى أَكْذِ زُغَاشِي سِ وَاطَّاسِ نِ زَمَعَانِي أَمِ يِنَا، عَلَاْحَسَابِ
 مِينِ زَمْرِنِ آذِ فَهْمِنِ- 34 وَارِ كِسْنِ يَسِيُوِيْرِ غَيْرِ سِ زَمَعَانِي- مَاشَا يَسْفَهْمِ
 يَمْحَضَارِنِ نَسِ مَارًا خَمِي كِسْنِ يَتِيْزِي وَحْدَسْنِ-

سِيذْنَا عِيْسَى يِهْدَنَّ زَبْحَارِ

35 ذِي نَهَارِ نِي، وَامِي دِ يِيَوْضِ وَعَشِي، نِنَّا-أَسْنِ يَمْحَضَارِنِ نَسِ: "يَالَهْ أِ
 نَزْوَامِ غَارِ وَجَمَّاصِ-يِنِ- " 36 وَامِي سَمْحِنِ ذِي زُغَاشِي، بُرَاحِ عِيْسَى أَكِسْنِ
 ذِي ثَعْرَابُوتِ نِي إِي ذِي يَدْجَا عَاذِ- أَكِسْنِ ذِيْنِي ثَعْرُوبَا نَعْنِيْتِ- 37 نِكَّارِ-د-

يَج ن اَرِيح يَجْهَد اَطَّاس ذِي رُبْحَار، رَمَوَّاج شَانْتَت نَعْرَابُوت نِي اَر وَامِي
 تُقَرَّب اَذ تَعْمَر س وَامَان. 38 نَتَّا يَدَجَا غَار پُوپَات ن نَعْرَابُوت يَطَّص يَسُومَت
 يَج ن نُسُونَتَا. ث سَفَاقن-ث نَّان-اَس: "اَلْمُعَلِّم، مَا وَارَش يَتِهِيْمِي شَا مَا نَايَا؟
 اَقَا-انغ نَتْمَتَّا!" 39 نِكَّار يَسْبَد اَرِيح، نِنَّا اِرْبَحَار: "سَقَار، قَضَع رَحْس!" اُوشَا
 بِيْد اَرِيح يِرْسَا رَحَار. 40 نِنَّا-اَسن: "مَامِي تَكُوذَم قَاع اُمُو؟ مَا عَاذ وَار ذَايَوْم
 بُو لِاِيْمَان؟" 41 كُوذَن اَطَّاس، نَّان اِ وَايَاوِيَا: "مِيْن يَعْنَا وَانِيْتَا؟ وُزَا ذ اَرِيح ذ
 رُبْحَار تَطَاعَان-اَس!"

بُجَن ذَايس جُنُون ذِي ثُمُورَث ن يَجْرِيْشِيْن

5 ¹ يُوُوض عِيْسَى غَار وَجَمَّاض-يِن ن رُبْحَار، غَار ثُمُورَث ن يَجْرِيْشِيْن.
² وَامِي يَضْرَا زِي نَعْرَابُوت يِرْقَا-ث زَكْ يِمَضْرَان يَج ن وَرِيَاز ذَايس
 جَن ذ اَعْفَان. ³ يَزْدَغ ذَكْ يِمَضْرَان، وَار يَزْمَر وُزَا ذ يَجَن اَث يِقَن وَاخَا
 س سَنَاسِر. ⁴ شَرْفَن-ث اَطَّاس ن تُوَازَاثِيْن زَكْ يِفَاسَن ذ يَضَارَن س سَنَاسِر
 ذ لَقْتِيْنَا، مَا شَا يِقَطُو سَنَاسِر يَتْرَزَا لَقْتِيْنَا. وَار يَزْمَر وُزَا ذ يَجَن اَث يِحْضَا.
⁵ نِيْتِيْرِي رِبْدَا دَجِيْرَث ذ نَهَار ذَكْ يِمَضْرَان ذ يَذُوْرَار، يُسْعُوِيُو، يُجَرَّح يَخْف
 نَس س وَرُزُو. ⁶ وَامِي يَزْرَا عِيْسَى زِي رَكُوَّاج، يُوزَرَّ غَارَس يَسْجَد-اَس.
⁷ نِيْنْدَق-د س يَج ن ثَمِيْجَا نَعْرَا، نِنَّا-اَس: "اَعِيْسَى مِيْس ن اَرِيْبِي يُعْرَان، مِيْن

ت 38:4 پُوپُو قَارَن اِ نِكَّارَمِيْن ن نَعْرَابُوت.

ث 38:4 نُسُونَتَا نَتَات ذ نُسُومَت.

ثُخَسْدَ زَائِي؟ تَتَارَغَ زَائِكِ إِ أَرَّبِي حَمَا وَارَ ذَائِي تَعْدِيدًا! " 8 ئِنَّا مَانَايَا مِينَزِي
عِيسَى يِنَا-آس: "آ جَنَ أَعْفَان، فَعَّ زَكَّ وَرِيَاز-أ!"
9 ئِسْفَسَا-ث عِيسَى: "مَامَشَ دَاشَ قَارَن؟".

ئِنَّا-آس: "قَارَن-أبِي أَبْرُو، مِينَزِي نَشِينِ أَطَّاسِ إِذْنَع- " 10 ئِحْشَم-يِثَ أَطَّاسِ
حَمَا وَارَ ثَنَ يِسْكَي بَارَا إِ جَّهَّا نِي- 11 ذِييِي يَجَ نَ ثَحِيمَرْتِ ذَ ثَمَقْرَانْتِ
نَ يِيْرَفَانِ ثَرُوسِ غَارِ وَذَرَار- 12 تَارَنَ زَائِسِ، نَانَ-آس: "سَكَّ-أَنَعِ غَارِ يِيْرَفَانِ
حَمَا أَدَائِسِنَ نَادَف- " 13 أُوشَا يَجِي-ثَن، فَعْنِ جُنُونِ نِي يِعْفَانِن، وَذَفْنِ ذَكَّ
يِيْرَفَان- ثَهْوَا ثَحِيمَرْتِ نِي خَ وَذَرَارِ غَارِ رَّبْحَارِ، ثَغْرَقِ ذِييِي- تُوْعَا لَعَدَدِ نَسِ
عَزَائِنِ أَرْفَائِن- 14 يِنِي يِرُوسِنَ رُوزِن، سُوْفَعْنِ رَخْبَارِ ذِي ثَنَدِيْتِ ذَ رَدَشُور-
فَعْن-دَ يُوْذَانَ حَمَا أَذَ خَزَارِنِ مِينِ يُوْقَعِن- 15 وَسِين-دَ غَارِ عِيسَى، وَفِينِ أَرِيَازِ
نِي إِ يِ ذِي تُوْعَا يِدْجَا أَبْرُو نَ جُنُونِ، يِقِيمِ يِرِضِ أَرُوضِ، يَكْنَفَا سَ رَعَقَرِ
نَس- أُوشَا كُوْذَنَ أَطَّاس- 16 خَبْرَن-ثَن رَشْهُوذِ خَ مِينِ يُوْقَعِنِ إِ وَرِيَازِ نِي إِ يِ
ذِي تُوْعَا دُجَانَ جُنُونِ ذَ مِينِ يُوْقَعِنِ إِ يِيْرَفَان- 17 أُوشَا بَدَانَ تَتَارَنَ زَائِسِ حَمَا
أَخَاسِنِ يِيْعَدَ زِي جَّهَّا نَسِن- 18 وَامِي تُوْعَا يِنَايِ ذِي ثَعْرَابُوتِ، ئِتَارَ زَائِسِ
وَرِيَازِ نِي إِ يِ ذِي تُوْعَا دُجَانَ جُنُونِ يِنَا-آس: "أَج-أَبِي أَكِشِ رَاخَع- " 19 مَاشَا
عِيسَى يُوْكِي، ئِنَّا-آس: "رُوحِ غَارِ ثَدَّارْتِ نَشَ ذَ رَحْبَابِ نَشِ، خَبْر-يِثِنِ سِ
مِينِ دَاشِ يِكَّا سِيئِدَ أَرَّبِي، ذَ مَامَشِ شَكِ يِرْحَم- " 20 ئِرُوحِ وَرِيَازِ نِي، ئِبْنَدَا
يِتَخْبَارِ ذِي إِقْلِيمِ وَمِي قَارَنِ دِيكَاپْلِسِ زِي مِينِ دَاسِ يِكَّا عِيسَى- مَارَا ذَهْشِن-

سِيذْنَا عَيْسَى يِسْكَنْفَا يَدِجِيس ن يَاكْرُس

21 وَاَمِي يذُوْر عَيْسَى ذِي تُعْرَابُوْت غَارِ جَهَّأ نِي مَانِيَس د يُوَسَا، ئِمُون حَاس زُغَاشِي ذِ أَمُقْرَان خ شَطَّ ن زَبْحَار. 22 يُوَسَا-د غَارَس يِجَن زِي أَرْوِيَاَس ن ثَمَزِيْدَا ن وُوْدَايِن قَارَن-أَس يَاكْرُس. وَاَمِي ث يَزْرَا يُوَصَا-يَاَس غَار يِضَارَن نَس، 23 ئِحْشَم-يِث أَطَّاس، ئِنَا-أَس: "يِدْجِي ثَمَزِيَانْت أَقَا ثَمْتَا. أَرَاَح-د سِرْس حَاس يِفَاسَن نَش حَمَا أَد تُكَنْفَا أَد تُكَأَر." 24 ئِرُوَح أَكِس، ذَفَارَن-ت أَطَّاس ن زُغَاشِي مَزَا حَا مَن حَاس.

25 ذِيْنِي يِج ن ثَمْعَارْثُ ثَنْعَاش يِسْكُوَسَا زَكْ وَاَمِي ثَهْرَش، تَاَزْرَس يِذَامَن-ج 26 تُعَدْب أَطَّاس خ يِفَاسَن ن وَاَطَّاس ن يِضْبِيِن. ثُضْبِع مَارَا مِيْن غَارَس بَزَا نَفْع. عَاذ كُتَار لِحَالَا نَس ثَرْنِي. 27 تَسْرَا خ عَيْسَى، ثَذْفَار-يِث جَار زُغَاشِي، ثُحَاذَا-يَاَس أَسْرَهَام نَس. 28 ثَنَا: "مَرَا غَيْر حَاذِيغ أَسْرَهَام نَس أَقَا أَد كَنْفِيغ." 29 أُوَشَا ئُكَنْفَا ذَكْ وُمَشَان، ثَسَن بَلِي دَات نَس ئُكَنْفَا زِي زَهْرَاش نِي. 30 ئِسْحَسَّ عَيْسَى ذِي نَفْس نَس بَلِي يِج ن جَهْد نَس يِفْع، ئِتْنَقْرَاب غَار زُغَاشِي يِنَا: "وِي ذَابِي يِحَاذَان أَرْوُض يُونُو؟" 31 نَان-أَس يِمْحَضَارَن نَس: "شَك تَوَا زِيْد شَحَار ن يُوْدَان تَمَزَا حَا مَن خَاك أُو ثَقَارْد وَي ذَابِي يِحَاذَان؟" 32 مَانَا يِقِيْم عَاذ يِخْرَار أُمُو ذ وَاْمُو حَمَا أَد يَزْر وَي يِكْنِيْن مَانَايَا. 33 وَاَمِي ثَسَن ثَمْعَارْثُ نِي مِيْن دَاس يُوَقْعَن، ئُوَسَا-د تُكُوْد تَرْجِيْجِي، ثُوَصَا غَار يِضَارَن

نَسْ نَتْنَا-آس مَارَا لِحَقِيْقَا. 34 نِتْنَا-آس: "آ يَدَجِي، لِإِيْمَان نَم يَسْنَجَم-يَشَم-
رُوح ذِي زَهْنَا، كَنَفَا زِي زَهْرَاش نَم."

35 وَامِي عَاذ يَسَاوَاز عَيْسَى، وَسِين-د زِي ثَدَارْت ن أَرَايس ن ثَمَزِيدَا ن
وُودَاين، نَانَ-آس: "يَدَجِيَش ثَمُوْت- وَار تَسَدَّاع بُو لَمُعَلَّم- " 36 نِسْرَا-يَاسَن
عَيْسَى إِ مِين نَانَ، نِتْنَا-آس إِ أَرَايس ن ثَمَزِيدَا ن وُودَاين: "وَار تَكُوذ شَا!
تُنْخَصَا أَذ تَامَنْد وَاهَا." 37 وَار يَجِي وَرَا ذ يَجَن آت يَذْفَار، غَيْر بُطْرُس ذ
يَعْقُوب ذ يُوحَنَّا يَدَجَان ذ وَمَاس ن يَعْقُوب- 38 وَامِي يَوْضَن غَار ثَدَارْت ن
أَرَايس ن ثَمَزِيدَا ن وُودَاين، نِتْوَازَا عَيْسَى ذِين لَهْرَج، تَرُون، سَعُويُون أَطَّاس-
39 وَامِي يُوذَف، نِتْنَا-آسَن: "مَايْمِي تَسَعُويِيوم، تَتْرُوم؟ تَحْنَجِيرْت وَار ثَمُوْت
شَا، أَقَا تَطَّص وَاهَا!" 40 ضَحْشَن خَاس، مَاشَا نِتَا يَسُوفَغ-يَشَن مَارَا سَنِّي-
يِيوي أَكِس ذِينِّي بَابَاس ذ يِمَّاس ن تَحْنَجِيرْت ذ يِنِّي أَكِس، يُوذَف مَاني
ثَدَجَا تَحْنَجِيرْت نِي- 41 نِطْف-آس ذَكْ وَفُوس إِ تَحْنَجِيرْت نِي، نِتْنَا-آس:
طَلِيْثَا قُومِي، يَعْني كَار آ تَحْنَجِيرْت- 42 زُخْدَنِّي نِكَار تَحْنَجِيرْت نِي، ثَبْدَا
ثَكُور. غَارَس ثَنَعَاش رَسْنَا- قِيْمَن تَعَجْبَن أَطَّاس- 43 يَوْمَر-يَشَن حَمَا وَار يَتَسَن
وُورَا ذ يَجَن مَانَايَا- نِتْنَا-آسَن وَشَم-آس مِين غَا ثَش-

تَازَرَن خ سِيدْنَا عَيْسَى زِي ثَنَدِينْت نَسْ

1 يَفَغ سَنِّي عَيْسَى، نِدُورْ غَار ثَمُورْت نَس- ذَفَارَن-ث يَمْحَضَارَن نَس-
2 ذِي نَهَارَن سَبْتَن لِعِبَادَا، نِبْدَا يَسْرَمَاد ذِي ثَمَزِيدَا ن وُودَاين- مَارَا

يِنِّي ذَاس يِتْسَرَان تَعَجْبِن ذَايس نَّان: "مَانيس ذَاس د يِتْكَ مَانَايَا؟ مِين تَعْنَا
 زَفْهَامْث-أَ أَيِ ذَاس يُمُوشِن؟ مَامَش وَقَعْنَت خ يِفَاسِن نَس لُمُعْجِيَزَاث-أ؟
 3 مَا وَار يِدْجِي نَتَا ذَ أَنْجَار مِيس ن مَرِيم وَمَاس ن يَعْقُوب ذَ يُوْسِيْس ذَ يَهُوْذَا
 ذَ سِمَعَانَ؟ مَا وَار دُجِيْنَت سُوَيْثِمَاس آقَا-ثِنْت اَكِذْنَع ذَا؟" خ مَانَايَا وَار ث
 قَبِيْرِن شَا.

4 نِتَا-أَسْن عِيْسَى: "نَّبِي مَحْتَارَم مَانِي مَا، وَلَكِن ذِي دَشَار نَس اَك رَحْبَاب
 نَس ذَ ثَدَّارْت نَس، لَّا!" 5 وَار يَزْمَر آرَ ذِيْن يِكَّ لُمُعْجِيَزَا اِلَّا يَحَاذَا س يِفَاسِن
 نَس ذُرُوس ن يِمَهْرَاش، يُسَكْنَفَا-أَن. 6 يِتْعَجَب رَاحَقَاش لِإِيْمَان نَسْن ذَ
 وَقَلِيل- يُكْثُور يَسْرَمَاذ ذِي رَدْشُور يُوْذَسْن-

سِيْدْنَا عِيْسَى يِسْكَ اَرُوسْل اَذ حَدَثِن

7 زِرْغَا-د عِيْسَى خ ثِنْعَاش ن اَرُوسْل، يُسْكَ-يَشْن ثِنَايْن ثِنَايْن. يُوشَا-أَسْن
 سُطْلَطَا خ جُنُون يِعْفَانِن- 8 يُوْصَا-ثِن يِنَا-أَسْن: "وَار كِيَوْم تِيُوِيْم وَالْوَاكْث وَبَرِيْد
 غِيْر اَعْكَاز- وَار تِيُوِيْم اَغْرُوم وَرَا ذَ اَقْرَاب وَرَا ذَ نَحَاس ذِي جِيْب نَوْم- 9 كَم
 ثِسِيْرَا، وَار تَكَم بُو ثِنَايْن يِتَشَامِيْرِن- " 10 نِتَا-أَسْن: "مَانِي مَا تُوْذَفَم غَار شَانَ
 ثَدَّارْت، قِيْمَم ذَايس آرَ غَا ثُوِيُورَم سَنِّي- 11 مَرَا وَار كَنِيُو قَبِيْرِن ذِي شَانَ
 وَمَشَانَ، نِغ مَرَا وَار حُسْن اَغَارُوم سَرِن، فُغَم سَنِّي مَسْحَم ثَعَجَاشْت زَكْ
 يَضَارِن نَوْم اَم يِج ن شَهَاذْث خَاسِن-

12 رُوحن تَحَدَّاثن يُوذَان حَمَا اَذ تُوْبِن- 13 سُوْفَعن اَطَّاس ن جُنُون، ذَهْنن س زَسْت اَطَّاس ن يَمَهْرَاش، سَكْنَفَان-ثن-

زَمُوْث ن سِيذْنَا يَحْيِي

14 يَبُوْض رَخْبَار غَار وَزْدَجِيذ هِيْرُوْدُس خ عِيْسَى، مِيْنَزِي يِسْم نَس يَنْوَر مَعْرُوْف- ذِيْنِي شَان يُوذَان قَارن: "وَائِيْتَا ذ يَحْيِي اِي د يِكَّارن زِي زَمُوْث! سُوْيِي اِي غَارَس جَهْد اِي زِي يِتْكَ لُمُعْجِيْزَات-"

15 ذِيْنِي يَنْعَنِي قَارن: "وَائِيْتَا ذ نَبِي اِيْلِيَّاس-"

ذِيْنِي عَاوْذ يَنْعَنِي قَارن: "وَائِيْتَا ذ نَبِي اَمَشْنَاو لَانَبِيَا يَقْدِيْمِن-"

16 اَزْدَجِيذ هِيْرُوْدُس وَامِي يِسْرَا مَانَايَا، ئِنَّا: "وَائِيْتَا ذ يَحْيِي نِي وَمِي قَسْغ اَزْدَجِيْف- بِيْكَار-د زِي زَمُوْث!"

17-18 قَبْر اِ مَانَايَا، اَزْدَجِيذ نَبِي هِيْرُوْدُس يَمْرَش اَك يَج ن ثَمْعَارْث قَارن-

اَس هِيْرُوْدِيَا- نِنَّا ذ اَرْوَس نَس- هِيْرُوْدِيَا تُوْعَا ذ ثَمْعَارْث ن فِيلِيْيَاس- بِيْسَكْ

هِيْرُوْدُس اَذ طَفْن يَحْيِي وَامِي ذَاس يَقَّار: "حَرَام اَذ تَاوِيذ ثَمْعَارْث ن وَوَمَاش-"

بِيْبَس- يِث ذِي رَحْبَس- 19 هِيْرُوْدِيَا ثَنْضَر ذَايَس ثِيْبَطَاوِين ثَرْزُو اَث تَنْغ مَاشَا

وَار ثَرْمَر. 20 مَائِي؟ رَاحَقَاش هِيْرُوْدُس يِتْكَوْذ زِي يَحْيِي- بِيْسَن بَلِي نِنَّا ذ

يَج ن وَرِيَاز يَدْجَا نِيْشَان، بِيْصَفَا- بِيْحَمَّات هِيْرُوْدُس، بِيْتَعْجِيْب-اَس اَوَاز اِيْثْ

يَقَّار، مَاشَا يَسْخِيَّاق-يِث-

21 تُوَسَا-آس-د لَفْرَصَا إ هِيرُودِيَا ذِي زُعِيد لَمِيلَاد ن هِيرُودُس، وَآمِي يَكَّا
 أَمْنَسِي إ يَمَقْرَانَن نَس ذ أَرُويَاس ن زَعَسْكَار ذ يَمَقْرَانَن ن ثَمُورْت ن لَجْلِيل-
 22 تُوَذَف-د يَدَجِيس ن هِيرُودِيَا، تَشْضَح يَعْجَب-آس زَحَاز إ هِيرُودُس ذ يَنِّي
 كِس يَقِيْمَن- نِيَّا وَزَدَجِيذ إ ثَحْنَجِرْت نِي: "تَار-آيِي مِين تَخْسَد، أَذَام-ث
 وَشَغ- " 23 جُودَج-آس يَنَّا-آس: "مِين ذَايِي عَا تَتَارذ، أَذَام-ث وَشَغ، وَآخَا
 أَزِين ن لَمَمْلَكَا يَنُو- "

24 تَفْع نِيَّا-آس إ يَمَّاس: "مِين ذَاس عَا تَارَغ؟"

نِيَّا-آس يَمَّاس: "خَسَغ أَزْدَجِيْف ن يَحِيِي- "

25 زُخْدَنِّي تَدُورْ ذَغِيَا عَار وَزَدَجِيذ، تَتَّار زَايس نِيَّا-آس: "خَسَغ زُخُو أَذَايِي
 تُوَشْد خ سِنِيْث أَزْدَجِيْف ن يَحِيِي!" 26 نَحِيْق وَزَدَجِيذ أَطَّاس، مَاشَا يَكَّا-
 آس أَرَاي زَاحْقَاش يَجُودَج زَاث إ يَنِّي كِس يَقِيْمَن- 27 زُخْدَنِّيْت يَسْكَ
 وَزَدَجِيذ عَار زُحْبَس أَعَسَّاس، يُومَر حَمَا أَذ د يَاوِي أَزْدَجِيْف ن يَحِيِي- نُرُوح
 وَعَسَّاس، نِقَسْ أَزْدَجِيْف ن يَحِيِي ذِي زُحْبَس- 28 يُوي-ث-يذ ذِي سِنِيْث،
 يُوشَا-آس-ث إ ثَحْنَجِرْت نِي أُوَشَا ثَحْنَجِرْت نِي ثِيوي-ث إ يَمَّاس- 29 وَآمِي
 سَرِين يَمْحَضَارَن ن يَحِيِي س مَانَايَا، وَسِين-د يُسِين دَات نَس كِين-ت ذَكْ
 وَنَضْر.

سِيذْنَا عَيْسَى يِسْشْ خَمْسَا آرْف ن يِرْيَاژن

30 مُونن آرُوئِئِل اَكذ عَيْسَى، خُبْرَن-ث زِي مَارَّا مِين كَّيْن ذ مَارَّا مِين سِرْمَذن. 31 اَطَّاس ن يُوذَان تاسن-د تَرَاحن- عَيْسَى ذ يَمْحَضَارن نَس وَار وُفِين رُوَقْث وَاحَا اذ شَن- خ مَانَايَا يِنَّا-اسن: "اَرَاحم-د وَحَذوم غَار يِج ن وَمَشَان يَخْرَا، ثِرِيْحِم شَوَايت- " 32 رُوحن وَحَذسن ذِي ثَعْرَابُوْت غَار يِج ن وَمَشَان يَخْوَا- 33 زُرِين-ثن اَطَّاس ن يُوذَان كُّورن اُوشَا سُنن مَانِي غَا رَاحن- فُغْن زِي مَارَّا ثِنْدَام، تَاژَرَن مَارَّا ذِيْنِي خ يِضَارن، زَوَارن-اسن ذِيْنِي- 34 وَامي د يِضْرَا عَيْسَى زِي ثَعْرَابُوْت، يِژْرَا رُغَاثِيْي- قُسن-اس مِينْزِي دَجَان اَمَشْنَاو يَحُوْرِيْن وَار غَارَسن وُو ثن غَا يِرُوْسَن، اُوشَا يِيْذَا يِسْرَمَاذ-اسن اَطَّاس ن ثَمْسَرَايِيْن.

35 وَامي يِرُوْح رُحَار، قُرْبَن غَارَس يَمْحَضَارن نَس نَان-اس: "رُوَقْث ثَعْدُو، اَمَشَان-ا ذ رُخْرَا- 36 سَكَّ يُوذَان غَار رَدْشُور ذ ثُوْدَرِيْن يُوذَسن، اذ سَنن مِين غَا شَن- "

37 يِرَا حَاسَن عَيْسَى يِنَّا-سن: "وُشَم-اسن كَّيُو مِين غَا شَن- " نَان-اس: "مَا ا نَرَاح ا نَسْغ اَغْرُوم ا مَارَّا يُوذَان-ا س مِيَاَتَايْن ن ثِيْپَاَسِيْن ن نُقَارْث، اَدَاسَن نُوش اذ شَن؟"

38 يِنَّا-اسن: "شَحَار غَارُوم ن وَغْرُوم؟ رُوْحم خَرَام- " وَامي خَرَارن، نَان-اس: "خَمْسَا ن ثُخْبَاژِيْن ذ ثِنَايْن يِسْرَمَان."

39 يُومَر-يشن حَمَا اذ سَغِيمِن مَارًا ذ لَفِرَقَات خ اَرَبِيع اَزِيَرَا. 40 قِيمِن ذ لَفِرَقَات خَمْسِين خَمْسِين، مِيَا مِيَا. 41 اَطْف خَمْسَا نِي ن ثُخْبَازِين ذ ثُنَاين نِي ن يَسْرَمَان، نِيْسِي نِيْطَاوِين نَس غَار وَجَنَّا اُوشَا يَشْكِر اَرَبِي، يَزَا اَغْرُوم نِي يُوْشَا-اَسْن-ث اِ يَمْحَضَارِن نَس اَكذ ثُنَاين يَسْرَمَان نِي حَمَا اَثِن فَرَقِن خ يُوْذَان نِي مَارًا. 42 شَيْن جِيُونِن مَارًا. 43 اُوشَا يَسِين نُنْعَاش ن يِنْدُوْثِن عَمْرِن س وَغْرُوم ذ يَسْرَمَان يَشْطِن. 44 لَعَدَد ن يِنِي يَشِين اَغْرُوم نَثْنِي خَمْسَا اَرْف ن يِرِيَازن-

سِيدْنَا عِيسَى يَكُوْر خ رَمَوَاج ن رِبْحَار

45 رُخْدَنِيْت يِنَا-اَسْن عِيسَى اِ يَمْحَضَارِن نَس اذ نِين ذِي ثَغْرَابُوْت اذ زُوَان غَار وَجَمَّاض-يِن غَار بِيْت صَيِّدَا، اُو نَتَا يَمْسَافَاض خ رَغَاشِي. 46 وَاْمِي خَاسِن يَمْسَافَاض، رُيُوْح غَار وَذَرَار اذ يَزَّادَج. 47 غَار وَعَشِي، ثَغْرَابُوْت ثَدَجَا ذِي زُوْسَط ن رِبْحَار، عِيسَى يَدَجَا وَحَدَس ذِي زُبْر. 48 يَزْرِي-ثِن ثَقْدَافِن، تَعْدَابِن مِينَزِي اَرِيْح يَتَّصُوْض-د زِي جَهَا نَعْنِيْت. عَزَاين يَقْرَب-د رَفَجَر، رُيُوْح عِيسَى غَار يَمْحَضَارِن نَس يَكُوْر خ يَصَارِن خ وَامَان ن رِبْحَار، نِيْحَس اَثِن يَعْدُو. 49 وَاْمِي ث زُرِين يَكُوْر خ وَامَان، تَغِيْر-اَسْن ذ رُخِيَاَز اُوشَا سَعُوْين. 50 مَارًا زُرِين-ث كُوْذِن. مَاشَا ذَغِيَا يِنَا-اَسْن: "اَهْنَام! اَقَا ذ نَش، وَار تَكُوْذِم شَا!" 51 نِيْنَا اَكْذَسِن ذِي ثَغْرَابُوْت، يِرْسَا اَرِيْح. تَعَجْبِن اَطَّاس ذِي نَفْس نَسْن 52 مِيَزِي وَار فَهِيْمِن لَمُعْجِيَزَا ن وَغْرُوم، تُوْغَا وُز نَسْن يَتَوَاقْسَح-

سِيدْنَا عَيْسَى يَسْكَنَفَا أَطَّاس ن يُوْدَان ذِي جَوَايه ن كَنِيَسَارَت

53 نَزُورَا عَيْسَى ذ يَمَحْضَارَن نَس رِبْحَار، وُوضَن غَار ثُمُورَث ن كَنِيَسَارَت،
قُنن ذِيئِي نَغْرَابُوت. 54 وَاَمِي ضَرِين زِي نَغْرَابُوت، رُخْدَنِي آيْتَاب ن ثُمُورَث
نِي عَقْرَن عَيْسَى. 55 تَاَزْرَن ذِي مَارَا ثُمُورَث نِي، بَدَان تَاوِين يَمَهْرَاش خ
ثَاَشُوت غَار مَانِي سَرَان يَدَجَا نَتَا. 56 مَانِي مَا يُوْدَف غَار يِبِيَلَاجَن، نَغ نِدَام،
نَغ رُكَاَمِپَاوَات، نُوْدَان سَرُوسَان يَمَهْرَاش ذِي رَسُوَاق. تَارَن-آس آثَن يَجَّ آذ
حَاَذَان غَيْر طَارْف ن وَارُوض نَس. مَارَا يِين ث يَحَاَذَان كَنَفَان.

لَعَادَاتِ اِي وَار د يُوَسِين شَا زِي اَرَبِي

7 ¹ رُحْب ن يَفْرِيَسِين د شَان يَمَسْرَمَاذَن ن شَرِيَعَا زِي لُقُدَس مُونَن
خ عَيْسَى. ² زُرِين شَان يَمَحْضَارَن نَس تَنن اَعْرُوم بَرَا مَا آذ سِيرْدَن
يَفَاسَن، يَعْني بَرَا مَا آذ كَن رُوضُو نِي. ³ مِينْزِي يَفْرِيَسِين د مَارَا وَذَاين، مَرَا
وَار سِيرْدَن يَفَاسَن نَسَن وَار تَنن شَا. طُفَن ذِي لَعَادَات ن رَجْدُود نَسَن.
⁴ مَرْمِي مَا د ذُورَن زِي شُوق، مَرَا وَار سِيرْدَن وَار تَنن شَا. ذَفَارَن أَطَّاس ن
رُحَاوِيَج نَغْنِيَت رَمْدَن-ثَن، تَطُفَن-ثَن أُو صَافِي، اَمَشَنَاو اَسِيرْدَن رُكِيَسَان د
يَعْرَافَن ذ رُقَشُوع ن نَحَاس د ثَاَشُوت.

5 سَفْسَان-ت يَفْرِيسِين ذ شَان يَمْسَرْمَاذَن ن شَرِيَعَا: "مَائِي يَمْحَضَارَن
نَش وَار تَكُن لَعَادَات ن رَجْدُوذ نَع؟ وَار سِيرِيذَن يَفَاسَن نَسَن قَبْرَ إِي غَا شَن
أَعْرُوم-"

6 نِنَّا-أَسَن: "آ لَمُنَافِقِينَ! نِنَّا زَحَقَّ نَبِي إِشْعِيَا وَامِي خَاوَم يَسِيوَر ذَكَّ يَج ن
زَمَان:

شَعْب-أ يَتَوَقَّار-أَبِي س وَاوَار وَاهَا،

مَاشَا وَر نَس يَكُوج خَافِي-

7 يُوذَان-أ عَبْدَن-أَبِي ذِي زَخَاوِي،

زَاحَقَّاش سَعَارَان تِمْسَرَايِين

ئِدْجَان زُوصِيَاث ن بِنَادَم-

8 مِينْزِي تَجِيم زُوصِيَاث ن أَرَبِّي، تَطْفَم ذِي لَعَادَا ن يُوذَان- " 9 نِنَّا-أَسَن

عَاوُذ: "مَلِيح! تَبْطَرَم زُوصِيَاث ن أَرَبِّي حَمَا آذ قِيَمَنَت لَعَادَات نَوْم! 10 مِينْزِي

مُوسَى يِنَّا: وَقَرَّ بَابَاش ذِي مَاش- أَقَا وَن غَا يُوُكَارَن بَابَاس نَع ذِي مَاس، تِنْتَخَصَا

آذ يَمَث- 11-12 مَاشَا كَنِيو تَقَّارَم بَلِّي وَار يَدْجِي بُو لَابُد إِ يُوذَان آذ وَقَرَن

نَع آذ عَاوَن لُوَالِدِين- تَمْنِيَاث إِي غَا وَشَن إِ لُوَالِدِين أَتَت وَشَن إِ تَمَزِيدَا-

13 أَمُو تَبْدَرَم زَمَعْنَا ن وَاوَارَن أَرَبِّي حَمَا آذ تَكَّم مَامَش ذَاوَم يَعْجَب زَحَاز

س لَعَادَات نَوْم إِي تَرْمَدَم- تَكَّم أَطَّاس ن زَحَاوِيَج أَمَشْنَاو مَانَايَا-"

14 عَاوَدِ يَزَاغَا-دِ عَيْسَى خِ زَغَاشِي، ئِنَّا-أَسَن: "صَنْطُثِ غَارِي مَارَا إِذُوم، فُهْمَم: 15 مَا ذِينَ شَانَ ثَمَسْرَايْتِ يِتَادْفَنِ ذِي بِنَادَمِ زِي بَارَا إِكْ يِدْجَانِ حَرَامِ حَاس؟ وَالُو- لِعَاكْس، مِينِ دِ يِتْفَغَنِ زِي بِنَادَمِ آقَا مَانَايِي إِكْ يِدْجَانِ حَرَامِ خِ بِنَادَم- 16 [صَنْطُثِ مَلِيح، آيِ بِنِي يِتْسَرَان!]"

17 وَامِي يَجَا زَغَاشِي، يُودَفِ غَارِ ثَدَارْتِ- سَفْسَان-ثِ يِمَحْضَارَنِ خِ زَمْعَنَا- يَا مِينِ يَخَسِ آذِ بِنِي؟ 18 ئِنَّا-أَسَن: "زَا ذِ كَنِيو وَارِ ثَفْهِيْمَم؟ مَا وَارِ ثَسِينِمِ بَلِي مَارَا مِينِ يِتَادْفَنِ ذِي بِنَادَمِ زِي بَارَا وَارِ يِدْجِي بُو حَرَامِ خِ بِنَادَم؟ 19 مِينِرِي وَارِ يِتِيذَفِ بُو غَارِ وُورِ نَس، مَاشَا يِتْرَاحِ غَارِ وَعَدِيْس، يِتْفَغَنِ زِي دَات- " (سِ مَانَا يَا يِرَا عَيْسَى مَارَا لَمَكَلَا حَلَال-). 20 ئِنَّا-سَن: "مَاشَا مِينِ دِ يِتْفَغَنِ زَكْ وَقْمُومِ نَتَا يِدْجَا حَرَامِ خِ بِنَادَم- 21 مَاغَار؟ زَا حَقَاشِ زِي ذَاخَر، زَكْ وُورِ نِ بِنَادَمِ إِيِ زِي دِ تَكَاَنْتِ لَأَفْكَارِ ثِعْفَانِينِ، بِنَادَمِ آذِ يِفْسَدِ، آذِ يَاشَر، آذِ يِنِغ، 22 آذِ يِرْنَا، آذِ يِضْمَع، آذِ يِكْ شَر، آذِ بِنِي زَبَاطِر، ئِخْرُويِضَن، زَقْبَاحِث، ئِيْطَاوِينِ نِ يُوذَان، تَكْبُر، ئِبُوْهَرِيَا- 23 مَارَا ثَمَسْرَايِين-أُ ثِعْفَانِينِ تَفْعَنْتِ-يِدِ زِي ذَاخَرِ نِ بِنَادَم، دِجَانْتِ حَرَامِ حَاس-"

لَايْمَانِ نِ ثَمْعَارْتِ نِ آيْتِ-كَنْعَانِ

24 نِكَارِ يُوِيُورِ سَنِي عَيْسَى، يِرُوحِ غَارِ جَوَايِهِ نِ ثَنَدِينْتِ نِ صُور، يُودَفِ ذَكْ يِجِ نِ ثَدَارْتِ. يِرْزُو وَارِ يِتْسَنِ حَدِّ بَلِي آقَا-ثِ ذِينِ، مَاشَا يُوذَانِ آرِين-دِ زَخْبَار. 25 زُخْدَنِي يِجِ نِ ثَمْعَارْتِ يِدْجِيْسِ ذَايِسِ جَن- وَامِي دِ ثَرَا زَخْبَار،

تُوَسَّا-د غَار عِيسَى تُوَصَّا-يَاس غَار يَصَارَن نَس. 26 تَمْعَارْت نِي ذ تِيُونَانَشْت،
لَأَصَل نَس زِي سُوْرِيَا فَيَقِيَا. تَتَار زَايس أَطَّاس حَمَا آذ يَسُوْفَع جَن زَك
يَدَجِيَس-

27 نِيَّا-آس عِيسَى: "ذ آمزَوَارُو آج يَحْنَجِرِن آذ جَاوَن- وَار يِعْدَرَّ آذ يَمِيَسِي
وَعُرُوْم ن يَحْنَجِرِن آذ يَمْنَصِر إِ يَفَزِين-"

28 تَرَّا خَاس تَمْعَارْت نِي نِيَّا-آس: "آ سِيَدِي، وَرَا ذ يَفَزِين سَوَادَاي إِ طَبْرَا
تَن مِين يُوَطَّان زَك يَحْنَجِرِن-"

29 نِيَّا-آس: "عَلَا حَسَاب آوَاز-أ إِ تَنِيذ، رُوْح آقَا جَن يَفَع زَك يَدَجِيَم-"
30 وَامِي تَدُوْر غَار تَدَارْت نَس، تُوَفَا يَدَجِيَس تَرَّرَ ذِي تَأَشُوْت نَس، يَفَع زَايس
جَن-

سِيَدْنَا عِيسَى يَسْكَنَفَا يَج ن وَذَهَشُوْر

31 يَفَع عِيسَى عَاوَدَ زِي جَوَايَه ن صُوْر، نِيكَآ خ تَمُوْرْت ن صِيَدَا، نِيْرُوْح
غَار زَبْحَار ن لَجَلِيل ذ إِقْلِيم نِي وَمِي قَارَن دِيكَآ پِلَس- 32 وَوِين-آس-د يَج
ن وَذَهَشُوْر ذ آزِينُوْن، تَارَن زَايس آخَاس يَسْرَس فُوَس نَس- 33 نَسْبَعْد-يْت
عِيسَى خ زُعَاشِي غَار يَج ن جَهَا، نِيكَآ يَصُوْضَانَ نَس ذَك يَمَجُوْنَن ن وَرِيَاز
نِي- وَامِي يَسُوْسَف عِيسَى، نِيْحَادَا-يَاس يَزَس نَس- 34 نِيَسِي تِيَطَّوِين نَس
غَار وَجَنَّا، يَرَّا نَفَس يِنَّا: "إِفَاتَح!" (آوَاز-أ يَخَس آذ يِنِي نُوْرزَم-). 35 زُخْدَنِيْت
كَنَفَانَ يَمَجُوْنَن نَس، نِيْضَرَق يَزَس نَس، يِنْدَا يَسَاوَاز نِيَشَانَ- 36 نِيْوَصَّا-ثَن

يِنَّا-آسَن وَار تَعَاوَاذِثُ وُزَا إِيَجَن مِين يَوْقَعَن- مَاشَا مَزْمِي مَا يَوْصَا-ثَن كُتَارَ،
تُخْبَرَن زَايسَ كُتَار- 37 تَعَجَبَن أَطَّاس نَّان: مَارَا مِين يِتَكَّ ذِ أَصْبَحَانَ. ئِتْرَا
يَذْهَشُورَن تَسْرَانَ، يَزِينُونَن سَاوَارَن-

سِيدِنَا عِيسَى يِسَشْ أَرْبَعَا أَرْفَ ن يُوذَانَ

8 1 ذِي زِيَامَاثَ نِي، مُونَن خَاسَن عَاوُذُ زَغَاشِي أَطَّاس أُو نَثِي وَار غَارَسَن
مِين غَا شَن- ئِرَاغَا-د عِيسَى إِي مَحْضَارَن نَس يِنَّا-آسَن: 2 "قَسَن-أَيِي
يُوذَانَ-أ، ثَرْت-يِيَامَ أَقَا-ثَن أَكْذِي وَار غَارَسَن مِين غَا شَن- 3 مَرَا سَكَّغ-ثَن غَار
تُوذَرِين نَسَن آمَن وَار شِين آذ نَزْفَن ذَكَّ وَبَرِيدَ، مِينَزِي شَا زَايسَن وَسِين-د
زِي زَكَّوَج-

4 نَّان-آسَ يِمَحْضَارَن نَس: "مَانِي غَا يَافَ شَانَ حَدَّ أَغْرُومَ إِي زِي غَا
يِسَجِّيُون يُوذَانَ-أ ذِي زَخْرَا-يَا؟"

5 ئِسْتَقْسَا-ثَن عِيسَى: "شَحَارَ غَارُومَ ن وَغْرُومَ؟"

أَرِين خَاس: "سَبْعَانَ ثَشْنِيْفِين-

6 يُومَر عِيسَى زَغَاشِي آذ قِيمَن ذِي ثُمُورْث- ئُطْفَ سَبْعَا نِي ن ثَشْنِيْفِين،
ئَشْكَرَ أَرْبِي، يِرْزِي-ثَن تَ يُوْشِي-ثَن تَ إِي مَحْضَارَن نَس أَثَن فَرْقَن خَ زَغَاشِي
نِي- أُوْشَا فَرْقَن-ثَن تَ 7 عَاوُذُ غَارَسَن زَبْعَاضَ ن يِسْرَمَانَ ذِي مَزْيَانَن- عِيسَى
يَشْكَرَ أَرْبِي، ئِنَّا-آسَن: "فَرْقَم-ثَن عَاوُذُ خَ زَغَاشِي-" 8 شِين جِيُونَن، شَطْن
سَبْعَانَ يِنْدُوْثَن عَمْرَن سَ يِرْقُوزَن- 9 تُوغَا ذِينِي شَانَ أَرْبَعَا أَرْفَ ن يُوذَانَ-

أَوْشَا يَمْسَافَا ضَحَاسَن- 10 زُخْدَنِيَّتْ يِنْيَا ذَكْ يِجْ نْ تُعْرَابُوتْ أَكْذْ يِمْحَضَارَنْ
نَسْ، يُرُوحْ غَارْ جَوَايَهْ نْ دَلْمَانُوثَا.

يُودَانْ وَارْ تَفْهِيْمَنْ مِيْنْ عَنَانْتْ لُمُعْجِيْزَاتْ نْ سِيْذَنَا عِيْسَى

11 وُسِيْن-دْ غَارَسْ زُحْزَبْ نْ يَفْرِيْسِيْنِ بَذَانْ تَمْنَعَانْ أَكِسْ، تَارَنْ زَايَسْ يِجْ
نْ لُمُعْجِيْزَا زَكْ وَجَنَّا حَمَا أَثْ جَرْبِن- 12 نِيْحِيْقْ ذَكْ وُورْ نَسْ، يِنَّا-أَسَنْ:
"مَائِمِيْ يُوْدَانْ نْ زُوْقْتْ-أَ تَتَارَنْ لُمُعْجِيْزَا؟ أَقَا تَسْرَامْ زَحَقْ: يُودَانْ نْ زُوْقْتْ-أَ
وَارْ ذَاسَنْ يَتْمُوْشِيْ لُمُعْجِيْزَا قَاع-"

13 يُجِّي-ثَنْ، يِنْيَا ذِيْ تُعْرَابُوتْ يِرُوحْ غَارْ وَجَمَّاضْ-يِنْ نْ زَبْحَار- 14 تُونْ
يِمْحَضَارَنْ وَارْ كِسَنْ دْ يُوِيْنِ أَغْرُومْ، غَارَسَنْ غِيْرْ يِجْ نْ تُشْنِيْفْتْ ذِيْ
تُعْرَابُوتْ- 15 يُوصَا-أَثَنْ عِيْسَى يِنَّا-أَسَنْ: "غَارُومْ! حَضَامْ يِخْفْ نُومْ زَكْ
وَنْتُونْ حْ نْ زُحْزَبْ نْ يَفْرِيْسِيْنِ ذْ وَنْتُونْ نْ وَزْدَجِيْذْ هِيْرُودُسْ-"

16 سِيُوْرَنْ جَارَاسَنْ نَّانْ: "يُقَارْ مَاْنَايَا زَاْحَقَّاشْ وَارْ غَارَنْغْ بُوْ وَغْرُومْ-"

17 يُسَنْ عِيْسَى مِيْنْ خَافْ تُوْغَا سَاوَازَنْ، يِنَّا-أَسَنْ: "مَائِمِيْ تُقَارْمْ جَارُومْ وَارْ
غَارَنْغْ بُوْ وَغْرُومْ؟ مَاْ عَاذْ وَارْ تُسِيْنِمْ؟ مَاْ عَاذْ وَارْ تَفْهِيْمِمْ؟ وُزْ نُومْ، مَاْ يِتْوَاْقْسَحْ
نِغْ؟ 18 غَارُومْ تُيْطَاوِيْنِ، مَاْ وَارْ تُوِيْرِيْمْ؟ غَارُومْ يِمَجُّونَنْ، مَاْ وَارْ تُسْرِيْمْ؟ مَاْ وَارْ
تُعْقِيْرِيْمْ؟ 19 وَامِيْ زُرِيْغْ حَمْسَا نِّيْ نْ تُشْنِيْفِيْنِ إِ حَمْسَا أَرْفْ نْ يُوْدَانْ، مُشْحَازْ
نْ يِنْدُوْثَنْ إِ يِ تُشُورْمْ سْ يِرُقُوْرَنْ يِشْطَنْ؟" نَّانْ-أَسْ: "تَنْعَاشْ- 20 يِنَّا-أَسَنْ:

"عَاوِذِ وَاَمِي رَزِيغِ سَبْعَا نِي نِ ثَشْنِيْفِيْنِ اِ اَرْبَعَا اَرْفِ نِ يُوْذَانَ، مَشْحَارِ نِ
يَنْدُوْتِنِ اِي ثَشُوْرَمِ سِ يِرْقُوْزِنِ يِشْطَنِّ؟" نَّان-اَس: "سَبْعَا." 21 يِنَّا-اَسْن: "مَا
عَاذِ وَاَرِ ثَفْهِيْمَمِ شَا؟"

سِيْذَنَا عِيْسَى يِسْكَنْفَا يِجِ نِ وُضْرَعَاَزِ ذِي يِيْتِ صَيِّدَا

22 وَاَمِي وُؤُضْنِ غَارِ دُشَارِ نِ يِيْتِ صَيِّدَا، وُؤِيْنِ-اَس-دِ يِجِ نِ وُضْرَعَاَزِ،
تَّارِنِ زَايِسِ اَثِ يِحَاذَا. 23 يَطْفِ فُوْسِ نِ وُضْرَعَاَزِ يُوْوِي-ثِ بَارَا اِ دُشَارِ نِي-
يُسُوْسَفِ خِ ثِيْطَاوِيْنِ نَسِّ، يِكَّا يِفَاْسِنِ نَسِّ خَاْسِ، يِسْتَقْسَا-ث: "مَا تَرَزْدِ
شَانَ رُحَاجْثِ؟"

24 يَحْزَارِ، يِنَّا-اَس: "تَوَاْرِغِ يُوْذَانَ اَمَشْنَاوِ رُشْجُوْرِ اِثِ يِكُوْرِنِ."

25 يِكَّا عَاوِذِ يِفَاْسِنِ نَسِّ خِ ثِيْطَاوِيْنِ نِ وُضْرَعَاَزِ نِي- يِكَنْفَا يِرْزَمِ ثِيْطَاوِيْنِ،
يُدُوْرِ يِتْوَاْرَا مَلِيْحِ. 26 يِسْك-يِثِ غَارِ ثِدَارْثِ نَسِّ، يِنَّا-اَس: "وَاَرِ تَرُوْاحِ شَا
غَارِ دُشَارِ نِ يِيْتِ صَيِّدَا."

بُطْرُسِ يِشْهَدِ خِ لَمْسِيْحِ

27 يِرُوْحِ عِيْسَى ذِ يِمْحَضَارِنِ نَسِّ غَارِ رَدُشُوْرِ نِ ثَنْدِيْنْتِ نِ قَيِّصَرِيَا نِ
فِيْلِيْبَاَسِ- ذِكْ وَبَرِيْدِ يِسْتَقْسَا يِمْحَضَارِنِ نَسِّ: "مِيْنِ قَارِنِ يُوْذَانَ خَاْفِي؟"
28 اَرِيْنِ خَاْسِ نَّان-اَس: "زُبْعَاَضِ قَارِنِ ذِ يَحْيَى، حَدِّ نَعْنِيْتِ يِقَّارِ ذِ اِلْيَاَسِ،
حَدِّ نَعْنِيْتِ يِقَّارِ بَلِيِّ شَكْ ذِ يِجْنِ زِي لَانِّيَا."

29 ئِسْقَسَا-ئِن عَيْسَى: "ئِي كَنِيو، مِين ذَايِي تَرِّيم نَش؟"
 ئِنْدَق-د بَطْرُس يِنَا-أَس: "شك ذ لَمَسِيح ن أَرَّبِي-"
 30 نِعْزَم-أَسْن يِنَا-أَسْن: "وَار خَافِي قَارْم مَانَايَا إِ حَدَّ-"

عَيْسَى يَسَاوَاز خ زَمُوْث نَس

31 ئَبْدَا يَسْرَمَاد-أَسْن، ئِنَّا: "ئِتَخَصَّصَا إِ مَّيْس ن بِنَادَم آذ يَتَوَاعَدَّب خ وَاطَّاس
 ن ئَمْسَرَايِين، أَث عَيْفَن يَمَقْرَان ن وُوذَايِن ذ أَرُوِيَّاس ن رَفَقْهَا ذ يَمْسَرَمَادَن
 ن شَرِيْعَا- أَث نَعْن، وِيس تَزْت-يَّام آذ يَكَّار زِي زَمُوْث- " 32 ئِسِّيُوْر أَكِسَن
 نِيْشَان خ مَانَايَا- ئِسْبَعْد-يْث بَطْرُس وَّحْدَس، ئِنْهَآ-ث-

33 مَاشَا عَيْسَى يَنْقَرَب غَارَس، ئِخْزَر غَار يَمْحَضَارَن نَس، ئِنْهَآ بَطْرُس يِنَا-
 أَس: "بَعْد خَافِي غَار زَكْوَّاج، آ شَّيْطَان! وَار تَفَكَّرْذ شَا آمَشْنَاو أَرَّبِي، تَفَكَّرْذ
 آمَشْنَاو بِنَادَم-"

34 يَزَّاعَا-د خ يَمْحَضَارَن نَس ذ زَعَاثِي، ئِنَّا-أَسْن: "وَنِّي يَخْسَن آذَايِي
 يَذْفَار نَش، آذ يَسْمَح ذَكَّ يِيخْف نَس، آذ يَكْسِي صَلِيْب نَس مِيخ غَا
 يَعْدَّب، آذَايِي يَذْفَار- 35 زَا حَقَّاش وَن يَخْسَن آذ يَرْبِح زَعَمَر نَس أَث يَخْسَر-
 وَن غَا يَخْسَرَن زَعَمَر نَس خ زَسْبَاب يُوْذ زَسْبَاب ن لِإِنْجِيل أَث يَرْبِح-
 36 مِيْزِي غَا تَنْفَع بِنَادَم مَرَا يَرْبِح دُنْشَت تَكْمَر آذ يَخْسَر زَعَمَر نَس؟ 37 مِين
 غَا يُوش بِنَادَم ذَكَّ وَمَشَان ن زَعَمَر نَس؟ 38 وَنِّي خَافِي غَا يَعْفَرَن، نِعْغ آذ

يَعْفَرُ خَ وَآوَارَ يُنُو ذِي زَمَانٍ- أَعْفَانُ يَخْدَعُنَ أَرَبِّي، أَحَاسُ يَعْفَرُ مَيْسَ نَ بِنَادِمِ
خَمِي دَ غَا يَاسَ سَ لَعَضَمَا نَ بَابَاسَ أَكَدَ لَمَلَايَكَاثَ يَقْدُسُنَ-

9 1 ثِنَّا-أَسْنُ: "أَقَا تَسْرَامَ رَحَقَّ: زَبْعَاضَ زَكَّ يِنِّي يَدَجَانُ ذَا أَكِيدِي وَارَ
تَمْتِينِ أَرَا غَا زَرْنَ زَمْلُكُ نَ أَرَبِّي يُوسَا-دَ سَ جَهْدُ-

سِيدِنَا مُوسَى ذَ سِيدِنَا إِلْيَاسَ ظَهَارَن-دَ أَكَدَ سِيدِنَا عِيسَى

2 ثَعْدُو سَتَّ-يِيَامَ، يِيَوِي عِيسَى أَكِسَ بَطْرُسَ ذَ يَعْفُوبَ ذَ يُوحَنَّا يِنْدَه-يَشَن
وَحَدْسَنَ غَارِ يِجَ نَ وَذَرَارَ يُوعَزَا. عِيسَى، نَتَا يَذُورَ أَمَ نُورَ قِبَاتَشَ إِ ثِيَطَاوِينِ
نَسْن- 3 يَذُورَ وَارُوضَ نَسَ ذَ أَشْمَزَارَ يِرَقَّ، وَزَا ذَ يَجَنَ خَ ثُمُورَثَ وَارَ يِرْمَرَاذَ
يِرَّ أَرُوضَ ذَ أَشْمَزَارَ أَمَ وَنِي- 4 ثِمُظَهَارَ-أَسْن-دَ ذِيَنِّي نَبِيَّ إِلْيَاسَ ذَ نَبِيَّ مُوسَى-
تَوَازَان-ثَنَ سَاوَارَنَ أَكَدَ عِيسَى-

5 ثِنْدُق-دَ بَطْرُسَ، ثِنَّا-أَسَ إِ عِيسَى: "آ لَمُعَلَّمُ، ذَ أَصْبَحَانَ أَكِشَ نَقِيمِ
ذَانِيَتَا- يَالَهَ، نَشِينِ أَّ نَكَّ ثُرَاتَا نَ يَقِيضَانَ، يُجَنِّ إِ شَكَّ، يُجَنِّ إِ مُوسَى،
وُنْغَنِيَتَ إِ إِلْيَاسَ- 6 مَاشَا وَارَ يَسِينِ مِينِ يَقَارَ مِينَزِي نَثْنِي كُودَن- 7 يُوسَا-دَ
يِجَ نَ وَسِينُو يَهُوَا-دَ خَاسَن- ثِنْدُق-دَ يِجَ نَ ثَمِيَجَا زَكَّ وَسِينُو ثِنَّا-أَسْنُ: "ذَ
وََا ذَ مِّي يِعِيَزَنَ، صَنْطَثَ غَارَس- 8 ذَغِيَا خَزَرَنَ يِمَحْضَارَنَ أُمُو ذَ وَامُو، وَارَ
وُفِينِ حَدَّ أَكِيدْسَنَ إِلَّا عِيسَى-

9 وَامِي د هَوَان زځ وذرار يوصا-ثن عيسي ينا-اسن: "وَار تَعْيِيدِم اِحَدَّ مِين تَرِيم اَر د غَا يگار ميس ن بناذم زي زموث." 10 كين-اس اراي خ مانايا. نثبي سيورن جارسن نان: مین یخس اذ پيني اذ د يگار زي زموث؟ 11 سقسا-ث يمحصارن نس نان-اس: "مايمي يمسرماذن ن شريعا قارن نبي الياس يتحصا اذ د ياس ذ امزوارو؟"

12 ننا-اسن: "ذ صح يتحصا اذ د ياس الياس ذ امزوارو اذ يعذر كوشي- وَلَكِنْ، مَايَمِي يَقَار لِكِتَاب بَلِي يَتَحَصَا-ياس ا ميس ن بناذم اذ يتواعدب، اَث عيفن؟ 13 اذ اوم بينغ: اقا الياس يوسا-د، كين زيس مین خسن امشناو مامش خاس يورا ذي لكتاب."

سیدنا عيسى يسكنفا یج ن وحنجیر ذایس جنون

14 ذوزن-د غار يمحصارن، توازان مونن-د خاسن زغاشي ذ امقران ذ شان يمسرماذن ن شريعا تمنعان اكدسن. 15 وامي ث توازان، مارا زغاشي ذهشن وزرن غارس حما اخاس سدجمن- 16 سقسسا-ثن عيسي: "مينخف تمنعام؟"

17 يرا خاس یج ن زي زغاشي ينا-اس: "آ لمعلم، اقا وويغ-اش-د مي، نتا ذایس جن ذ ازينون. 18 ماني ما يرقف-يث، يخطر-يث غار ثمورث، سوسفوغ كوفو زځ وقموم نس، نغزائر نغماس نس، نذور وار يتنهزي- تارغ زځ يمحصارن نش حما ازايس سوفغن جن، ماشا وار زميرن شا."

19 يَرَا حَاسِنَ عَيْسَى يَنَّا-أَسْن: "آ يُوذَانَ ن رُوقْت-أَ اِي ذِي وَار يَدَجِي لِإِيْمَانَ، مَشْحَارَ اِي كَوْمَ غَا قِيمِغَ أُو مَشْحَارَ ذَاوَمَ غَا صَبَارِغَ؟ أُويم-أَي-د أَحْنَجِير- " 20 وُورِين-ث-يَد اِ عَيْسَى، غَيْر جَن نِي يَزْرَا عَيْسَى، يُسْرَجِيغِي أَحْنَجِير يُوَضَا غَار ثُمُورْث، يُتْرَجِيغِي، يُتْك-أَس-د كُوفُو زَكْ وَقُمُوم نَس-

21 عَيْسَى يَسْفَسَا بَابَاس: "مَشْحَارَ زَكْ وَامِي ذَايس مَانَايَا؟"

يُنَّا-أَس: "زَكْ وَامِي يَدَجَا ذَا امْرِيَان- 22 أَطَّاس ن ثُوَارَاثِين يِنَطْر-يْث ذِي ثُمُوسِي نِغ ذَكْ وَامَانَ حَمَا أَث يِنِغ- مَاشَا مَرَا ثُرْمَرْد عَاوَن-أَنِغ، رُحْم-أَنِغ- " 23 يُنَّا-أَس عَيْسَى: "مَايْمِي ثَقَارْد مَرَا زَمْرِغ؟ وَنِي يُومَن يَزْمَر اِ كُرْشِي- " 24 رُخْدَنِيْت يَسْعُوي بَابَاس ن وَحْنَجِير يَنَّا-أَس: "وُمْنِغ- عَاوَن لِإِيْمَانَ يُنُو

ذِ وَقَلِيل- "خ

25 وَامِي يَزْرَا عَيْسَى زُغَاثِي تَاَزْرَن غَارَس، يُسْبَد جَن نِي أَعْفَانَ يَنَّا-أَس: "آ جَن أَرِينُونَ، أَذْهَشُورْ، تَمْرِغ شَك فَع زَايس عَمَارَس وَار ذَايس تَاذَف عَاوَد!" 26 يُسْعُوي جَن نِي، يُسْرَجِيغِي أَحْنَجِير أَطَّاس أُوَشَا يَفِغ زَايس- نُذُوْر وَحْنَجِير أَحْمِي يُمُوثَ آر وَامِي نَانَ أَطَّاس ن يُوذَانَ أَقَا يُمُوث- 27 مَاشَا عَيْسَى يَطْفُ ذَكْ وَفُوس نَس، يُسْبَد-يْث يِكَّار-

خ: 24:9 لُجْمَلَا-يَا س تَرْجَمَا حَرْفِيَا "عَاوَن شَكْ يُنُو- " تَرْجَمَا نَس ثَقْسَح س ثَمَازِيغْت- يُخَصَّصَا أْ نَفَكْرَ مَلِيحَ ذِي زَمْعَنَا نَس حَمَا أْ نَفْهَمَ نِيْشَانَ مِين يِخَسَ أَذِ يِنِي بَابَاس ن وَحْرُمُوش-أْ-

28 يُؤذِف عِيسَى غَارِ ثَدَّارْث، سَقْسَانَ-ث يَمْحَضَارِن نَس وَحُدَس نَّان-
 آس: "مَائِمِي نَشِين وَار نَزْمَر آث نَسُوْفَع؟"

29 يِرَّا حَاسِن: "نُوع وَان جَن آث نَسُوْفَعَم غَيْر س نَزَادُجِيْث-"

30 رُوْحِن سَنِّي كَيْنِ خِ ثُمُورْث نِ لَجَلِيل- عِيسَى وَار يَخَس وَرَّا ذِ يَجَن آذِ
 يَسَن آقَا-ثَن ذِين 31 مِينَزِي يَسْرَمَاذِ إِ يَمْحَضَارِن نَس- نَيَّا-آسِن: "أَذِ يَتَوَاسَلَم
 مِيس نِ بِنَاذِم غَارِ يَفَاسِن نِ يُوذَانَ- آث نَعِن، مَاشَا نَهَارِ وِيس ثَرْت-يِيَام
 مَنبَعْدِ إِ زَمُوثِ نَسِ آذِ دِ يِكَّار- " 32 مَاشَا نِثْنِي وَار فُهَيْمِنِ آوَارِ نِي، كُوذِن
 آثِ سَقْسَانَ خِ مَانَايَا-

مَانُونِ إِكِي يَدَجَانَ ذِ آمَقْرَانَ؟

33 وَوَسِينْدِ غَارِ كَفْرَنَاحُوم- وَامِي يَدَجَا ذِي ثَدَّارْثِ يَسَقْسَنَا يَمْحَضَارِن نَس:
 "مِينْخَفِ تَمْنَعِيمِ ذِكِّ وَبَرِيذِ؟" 34 سَقَارِن، مِينَزِي ذِكِّ وَبَرِيذِ تَمْنَعَانَ أَكْذِ
 وَآيَاوِيَا وَكِّ يَدَجَانَ ذِ آمَقْرَانَ ذَائِسِن-

35 يِقِيمِ، يِرَاغَا-دِ خِ ثِنْعَاشِ نِي نِ يَمْحَضَارِن يِنَّا-آسِن: "مَرَّا شَانَ يَجَن
 يَخَسِ آذِ يِيْرِي ذِ آمَزُورُو يَتَخَصَّصَا آذِ يِيْرِي ذِ أَنْكَارُو، ذِ أَخْدَامِ نِ مَارَّا-"
 36 يَسَقْرَب-دِ غَارِسِ يَجِ وَحَنْجِيرِ، يَسْبَد-يْثِ ذِي زُوسَطِ نَسِنِ يَذْرَع-آسِ،
 نَيَّا-آسِن: 37 "وَنِ غَا يَقْبِرِنِ عَلَاْحَسَابِ نَشِ شَانَ وَحَنْجِيرِ آمِ وَآ، ذِ نَشِ إِكِي

يَقْبِرْ- وَن ذَائِي غَا يَقْبِرْنَ، مَا شِي ذ نَش إِكْ يَقْبِرْ مَا شَا يَقْبِرْ وَنِي ذَائِي-د
يَسْكُنْ-"

38 نِنَّا-آس يُوحَنَّا: "آ لَمُعَلِّمٌ، نَزْرَا يَجْن يَسُوْفُوغ جُنُون س لِحْكَمَا نَش-
نَشِين نَزْرُو آث نَسْبِدَّ مِينَزِي وَار يِكُور شَا اِكِذْنغ-"

39 نِنَّا-آس عِيسَى: "وَار ث سُبِدَّام شَا- وَار يَزْمَرُ وُزْرَا ذ يَجْن اَذ يِكَّ لَمُعْجِيزَا
س لِحْكَمَا يُونُو، رُخْدَنِّي ذَغِيَا آخَافِي بِيْنِي آوَارِ ذ اَعْفَان- 40 وَنِي وَار يَدَجِي
ضد نغ، آقَا-ث اِكِذْنغ- 41 آقَا تَسْرَام رَحَقَّ- وَنِي ذَاوَم غَا يُوشِن رُكَاس ن
وَامَان رَاَحْقَاش تَذْفَارَم لَمَسِيح آقَا اَذ يَاوِي لِأَجْر نَس-"

لَايْمَان ذ رُمُعْصِيْث

42 وَنِي اِي غَا يَاوِين يَجْن زَكْ يَمَزِيَانِن-أ اِي زَائِي يِتَامْنِن غَار رُمُعْصِيْث،
حَسَن-آس اَذ شَدْن يِج ن وَزْرُو ن تُسِيْرْث غَار يِيْرِي نَس، اَث نَضْرِن ذِي
رَبْحَار- 43 مَرَا فُوس نَش يِتَسْبَاب-آش ذِي شَان رُمُعْصِيْث، قَس-يْث- اَذ
تَاذْفذ جَنْث س يِج ن وَفُوس، حَسَن-آش زِي مَرَا قِيْمِن غَارْكَ تُثَايِن يِفَاسِن
اَذ تَاذْفذ جَهَنَّمَا، غَار تُمَسِّي اِي وَار يِخْسِيْن شَا- 44 [مَانِي يِكْشَاوِن وَار
تُمْتِيْن، تُمَسِّي وَار تُخْسِي شَا-] 45 مَرَا ضَار نَش يِتَسْبَاب-آش ذِي شَان
رُمُعْصِيْث، قَس-يْث- اَذ تَاذْفذ جَنْث س يِج ن وَضَار، حَسَن-آش زِي مَرَا
قِيْمِن غَارْكَ تُثَايِن يِضَارِن اَذ تَاذْفذ جَهَنَّمَا- 46 [مَانِي يِكْشَاوِن وَار تُمْتِيْن،
تُمَسِّي وَار تُخْسِي شَا-] 47 مَرَا تُيْطُّ نَش تُسْبَاب-آش ذِي شَان رُمُعْصِيْث،

فُرع-یت۔ اذ تَأَذَفْدُ جَنَّتْ سِيجِ نِ ثِيْطٌ، حُسْنِ-أَشِ زِي مَرَا قِيْمَنْتْ غَارِكْ
 ثُنَّائِنِ ثِيْطَاوِيْنِ اذ تَأَذَفْدُ جَهَنَّمَا⁴⁸ مَانِي يَكْشَاوْنِ وَاَرِ ثَمْتِيْنِ، ثِمْسِي وَاَرِ ثَخْسِي
 شَا۔⁴⁹ مِيْنَزِي مَرَا يُوْذَانَ اذ تُوَامِدْجَحْنِ سِ ثِمْسِي۔⁵⁰ زَمْرَحِ ثُصْدَجَاحِ،
 مَاشَا مَرَا يِرُوْحِ-أَسِ لَمْدَاقِ نَسِ، مَامَشِ ذَاسِ غَا نَكْ اَدَاسِ-ث-يذ نَرْ؟ اَغَارُوْمِ
 ثِيْزِي زَمْرَحِ ذِي نَفْسِ نُوْمِ، بَرِيْمِ ذِي زَهْنَا اَكْدِ وَاِيَاوِيَا۔"

طَّلَاقِ عِلَاحْسَابِ مَامَشِ يَقَارِ سِيْدَنَا عِيْسَى

1¹ نِيْكَارِ يِرُوْحِ سَنِّي، يِيُوْضِ غَارِ جَوَايِهِ نِ يِهُوْذِيَا ذِ وِجْمَاضِ-يْنِ
 10 نِ يِعْزَارِ نِ لَأَرْدُنِ. مُوْنِ-دِ حَاسِ زِعَاشِي عَاوْذِ، يِنْدَا يِسْرَمَازِ-يِشْنِ
 اَمَشْنَاوِ زَبْدَا۔

2² قَرْبِنِ غَارِسِ شَانَ يُوْذَانَ زِي زَحْزَبِ نِ يَفْرِيْسِيْنِ حَمَا اَثِ جَرْبِنِ، نَّانِ-
 اَسِ: "مَا حَلَالِ غَارِ بِنَادِمِ اذ يَدْجَفِ اِ ثَمْعَارْثِ نَسِ؟"
 3³ يِرَا حَاسِنِ يِنَّا-اَسِنِ: "مِيْنْخَفِ كَنِيُو يُوْصَا مُوْسَى؟"
 4⁴ نَّانِ-اَسِ يَفْرِيْسِيْنِ: "مُوْسَى يَجَا اَرِيَازِ اذ يُوْشِ ثَبْرَاتِ نِ وَاْدْجَفِ اِ ثَمْعَارْثِ
 نَسِ، اَدَاسِ يَدْجَفِ۔"

5⁵ جَبَاوِبِ-يِشْنِ عِيْسَى: "يُوْرَا رُوْصِيْثِ نِي اِ كَنِيُو مِيْنَزِي وُرْ نُوْمِ يِقْسَحِ،
 6⁶ مَاشَا زَكْ وَاْمِي ثَبْدَا دُنْشَتْ يَخْرَقِ-يِشْنِ اَرِيِي اَرِيَازِ ذِ ثَمْعَارْثِ۔⁷ سُوْبِيِي
 اَرِيَازِ اذ يِجْ بَابَاسِ ذِ يِمَاسِ اذ يِمُوْنِ اَكْدِ ثَمْعَارْثِ نَسِ،⁸ اذِ ذُوْرِنِ سِ ثُنَّائِنِ

إِدْسَن ذِي جِنِّ - خ مَانَايَا وَار تِيْرِيْن بُو ذِ ثِنَانِيْن، أَذ يِرِيْن ذِي جِنِّ - 9 مِيْن يِسْمُوْن
أَرَبِّي وَار ث يِفْرَق بِنَادَم - "

10 ذِي ثِدَارْت سَقْسَانَ- ث يِمْحَضَارِن نَس عَاوْذ خ مَانَايَا - 11 ثِنَا-أَسَن:
"وَنِي غَا يِدْجُنْ إِ ثَمْعَارْت نَس يِيُوِي شَان يِشْتَن نَعْنِيْت، ثُرْنَا - 12 مَرَا
ثِدْجَف ثَمْعَارْت أَكْذ وَرِيَاز نَس ثِيُوِي يِجْن نَعْنِيْت، ثُرْنَا - "

سِيْدْنَا عِيْسَى يَتْبُرْكَ يِحْنَجِيْرِن يِمْرِيَانِن

13 وُوِيْن-د يُوْذَان شَان يِحْنَجِيْرِن ذِي يِمْرِيَانِن غَارِ عِيْسَى حَمَا أَثْن يِحَاذَا -
مَاشَا وَامِي زُرِيْن مَانَايَا يِمْحَضَارِن نَس، عَارْذَن-أَسَن - 14 يِزْرَا عِيْسَى مَانَايَا،
ئِخِيْقِي يِنَا-أَسَن: "جَم يِحْنَجِيْرِن يِمْرِيَانِن أَغَارِي-د أَسَن وَار ذَاسَن تَعَارَّادَم،
رَاحَقَّاش زُمْلُك نِ أَرَبِّي يِتِيْرِي غَارِ يِنِي يِدْجَان أَم يِنَا - 15 أَفَا تَسْرَام رَحَقَّ: لَأَبْد
إِ بِنَادَم أَذ يَامَن ذِي زُمْلُك نِ أَرَبِّي مَامَش ذَايس يِتَامَن وَحْنَجِيْر أَمْرِيَان - مَرَا
لَا، عَمَّارِص أَذ يَادَف زُمْلُك نِ أَرَبِّي - " 16 يِدْرَع-أَسَن، يِكَّا حَاسَن يِفَاسَن
نَس يِيْرْكَ-يِشْن -

أَرِيَاز إِكْثِي يِدْجَان ذِي تَاجِر

17 وَامِي يِكُوْر ذِكْ وَبَرِيْد، يُوْسَا-د غَارِس يِجْن يِتَازْر، يُوْضَا خ يِفَادَّن
زَاشَس، نِسَقْسَا-ث يِنَا-أَسَن: "آ لُمَعْلَم أَصْبَحَان، مِيْن غَا كُغْ حَمَا أَغَارِي
ثِيْرِي ثُوْذَارْت نِ زَبْدَا؟"

18 ئِنَّا-آس عَيْسَى: "مَايَمِّي ثَقَارذ نش ذ أَصْبَحَان؟ وَار يَدْجِي حَدّ ذ أَصْبَحَان
إِلَّا أَرَّبِي وَحَدَس- 19 ثَسْنَد زُوصِيَاث: وَار نَقّ، وَار زَنِّي، وَار تَاشَار، وَار شَهْد
بُو زُور، وَار شَمَث، وَقَرَّ بَابَاش ذ يَمَّاش-"

20 ئِنَّا-آس وَرِيَاز نِّي: "آلْمُعَلَّم، زَكَّ وَامِي دَجِيغ ذ آمَرِيَان تُوَقَارغ زِي مَارَا
مَانَايَا-"

21 ئِخْزَر غَارَس عَيْسَى يُودَف-آس غَار وُور نَس، ئِنَّا-آس: "ثَقِيْم-آش يَج ن
زَحَاجْث وَار ت ثَكِّيذ- رُوح زَنز مَارَا مِين غَارِك، فَرْق-يْث خ زُمَسَاكِين،
أُوشَا أَغَارِك يِيْرِي زَكَنز ذَكَّ وَجَنَّا، أَس-د أَذَابِي ثَذْفَارذ- 22 وَامِي يَسْرَا إ
مَانَايَا يَخِيْق أَطَاس، نُرُوح يَحْزَن زَاحْقَاش غَارَس أَطَاس ن وَآكْرَا-

23 ئِخْزَار غَارَسْن عَيْسَى، ئِنَّا-آسْن إ يَمْحَضَارن نَس: "مَشْحَار يَفْسَح خ
تُوجَر آذ أَذْفَن زُمْلَك ن أَرَّبِي- 24 ذَهْشَن يَمْحَضَارن نَس خ وَآوَاژ نَس-
ئِنَّا-آسْن عَاوَذ عَيْسَى: "آ ثَارُوَا يَنُو، مَشْحَار يَفْسَح وَآذَاف ذِي زُمْلَك ن
أَرَّبِي! 25 قَبْرِ إِي غَا يَآذَف يَج ن تَآجَر غَار زُمْلَك ن أَرَّبِي، قَا آذ يَآذَف يَج
ن وَرْغَم زِي ثِيْط ن تُسَيْنَفْث!"

26 تَعَجَّبْن أَطَاس، نَّان إ وَآيَاوِيَا: "خِيَار، وَكَّ يَزْمَرن آذ يَنْجَم!؟"
27 ئِخْزَر غَارَسْن عَيْسَى يِنَّا-آسْن: "مَانَايَا وَار دَاس زَمْرَن يُوذَان، مَاشَا آدَاس
يَزْمَر أَرَّبِي- كُرْشِي يَزْمَر-آس أَرَّبِي-"

28 نُنْدَق-د بُطْرُس يِنَّا-آس: "أَقَا نَشِين نَسْمَح ذِي كُرْشِي نَذْفَار-يَشَك!"

29 ئِنَّا-آس عِيسَى: "أَقَا تَسْرَام زُحَق": ون غَا يَسْمَحْن ذِي ثَدَّارْت نَس نَغ
 ذِي أَيْتَمَاس نَغ ذِي سُوَيْتَمَاس نَغ ذِي يَمَّاس ذ بَابَاس نَغ ذِي تَارُوا نَس نَغ
 ذِكْ يَمَرْجِعِيون نَس، عَلَا حَسَاب نَش أُو عَلَا حَسَاب لِإِنْجِيل، 30 أَغَارَس
 ثِيْرِي مِيَا ن تَسْقَار زِي تُودَرِين، ذ أَيْتَمَاس، ذ سُوَيْتَمَاس، ذ يَمَّاس، ذ تَارُوا
 نَس، ذ يَمَرْجِعِيون نَس- أَغَارَس يِيْرِي وَعَدَب ذِي زُوَقْت-أ، وَلَكِنْ أَغَارَس
 ثِيْرِي تُودَارْت ن زَبْدَا ذِي زَمَانِ اِي د غَا يَاسِن- 31 أَطَّاس يَدَجَان ذ يَمَزُوْرَا
 آذ دُوْرَن ذ يِنَكُوْرَا- أَطَّاس يَدَجَان ذ يِنَكُوْرَا آذ دُوْرَن ذ يَمَزُوْرَا- "

سِيْدْنَا عِيسَى يَسَاوَاژ عَاوَذ خ زَمُوْت نَس

32 أَقَا-ثَن خ وَبَرِيْد تَكْعَاذَن غَار لُقُدَس، عِيسَى أَقَا-ث زَّاث- ئِمْحَضَارَن
 نَس ذَهْشَن، يِّي ث يَذْفَارَن كُوْذَن- يِيُوِي تَنْعَاش نِي ن يَمْحَضَارَن تُوَاژَا
 نَغْنِيْت وَحَدَسَن، ئِبْدَا يَسَاوَاژ أَكِدَسَن خ مِيْن دَاس غَا يُوَقْعَن، ئِنَّا: 33 "أَقَا
 نَتَكْعَاذ غَار لُقُدَس مَانِي غَا يَتُوَاخِذَع مِيْس ن بِنَادَم اِ أَرْوِيَاس ن زَفْقُهَا ذ
 يَمَسْرَمَادَن ن شَرِيْعَا- أَخَاس حَكْمَن س زَمُوْت، أَث سَلْمَن اِ يِنِي وَار يَدَجِيْن
 ذ وَذَايْن- 34 أَخَاس ضَحْشَن، أَخَاس سُوْسَفْن، أَث وَوْثَن س وَسْعُوْن، أَث
 نَغْن- مَاشَا ذِي نَهَار وَيَس تَرْت-يِيَام آذ د يِكَاَر زِي زَمُوْت- "

طَلَب ن تَارَوَا ن زَبْدِي

35 رُوْحَن غَارَس يَعْقُوب ذ يُوحَنَّا تَارَوَا ن زَبْدِي، نَّان-آس: "آ لَمُعَلِّم،
نَخَس اَذَانَع تَكَّد مِين زَايَك غَا نَتَّار." "

36 نِنَّا-آسن: "مِين تُرْزُود اَذَاوم كُغَّ؟"

37 نَّان-آس: "اَج-انَع اَنْقِيم ذِي لَعْظَمَا نَش يَجَن خ وَفُوسِي يَجَن خ
وَزْرَمَاض نَش." "

38 نِنَّا-آسن عَيْسَى: "كَنِيو وَاَر تَسِينم مِين تَتَّارم. مَا تَزْمَرم اَذ تَسُوم زِي
زَكَاس اِي زِي غَا سُوغ نَش؟ نَع اَذ تَغْضَسَم ذِي زَعْدَاب اِي ذِي غَا
غَضْسَغ؟"

39 نَّان-آس: "وَاه، نَزْمَر-آس!"

نِنَّا-آسن: "وَاه، اَذ تَسُوم زِي زَكَاس اِي زِي غَا سُوغ، اَذ تَغْضَسَم ذِي
زَعْدَاب اِي ذِي غَا غَضْسَغ. 40 مَاشَا اَغِيمِي خ وَفُوسِي يُنُو ذ وَزْرَمَاض
يُنُو وَاَر يَدْجِي بُو ذ نَش اِي ث غَا يُوشَن- اَغِيمِي-يَا اَذ يَمُوش اِي نِي وُومي
يَتُوَاسُوجَد." "

41 وَاَمِي سَرِين عَشْرَانِي يَمْحَضَارَن، خَيْقَن خ يَعْقُوب ذ يُوحَنَّا. 42 زَرَاغَا-
يَاسَن-د عَيْسَى مَارَا اِذْسَن يِنَّا-آسن: "تَسْنَم بَلِّي اَرُوِيَاس ن ثَمُورَا حَكْمَن خ
شَعْب، بُودَان يَمْقَرَانَن نَسَن تَزْيَارَن خَاسَن. 43 مَاشَا مَانَايَا يَتَخْصَا وَاَر يَتِيْرِي
جَارَاوم- لَعَكْس، وْنِي يِرْزُون اَذ يَدُور ذ اَمْقَرَان جَارَاوم يَتَخْصَا اَذ يِيْرِي ذ

أَخْدَامَ نَوْمِ- 44 وَنِي يِرْزُونِ أَدِ يَدُورِ ذِ أَمْرُورُ جَارُومِ أَدِ يِرِّي ذِ يَسْمَعِ نِ
 مَارًا- 45 مِيسِ نِ بِنَادِمِ نَتَّا سِ يِيخَفِ نَسِّ وَارِ دِ يُوْسِي حَمَا أَدَّاسِ خَدْمِ
 يُوْدَانِ، مَاشَا حَمَا أَدَّاسِنِ يَخْدَمِ- أَدِ يَسْلَمِ تُودَارْتِ نَسِّ حَمَا أَدِ يَسْنَجَمِ أَطَّاسِ
 زَائِسِنِ-

سِيدْنَا عِيسَى يَسْكَنْفَا بَرْتِيمَاؤُسِ وَنِي يَدَجَانِ ذِ أَضْرَغَارِ

46 وَوُضِنِ غَارِ ثَنْدِينْتِ نِ أَرِيحَا- أُوْمَبَعْدِ يَفِّغِ زِي أَرِيحَا أَكْذِ يَمْحَضَارِنِ نَسِّ
 ذِ وَاطَّاسِ نِ رُغَاشِي- وَفِينِ يِيحِ نِ وَضْرَغَارِ يَقِيمِ طَارْفِ نِ وَبَرِيذِ يِتَّارِ- قَارِنِ-
 آسِ بَرْتِيمَاؤُسِ مِيسِ نِ تِيمَاؤُسِ- 47 يِتْسَرَا بَلِي عِيسَى نَاصِرِي إِكْثِ يَعْدُونِ،
 يَبْنَدَا يَسْغُويُو يِقَارِ: "آ عِيسَى مِيسِ نِ آيْثِ-دَاؤُدِ، رَحْمِ-آيِي!" 48 زِيَارِنِ خَاسِ
 أَطَّاسِ نِ يُوْدَانِ حَمَا أَدِ يَسْقَارِ، مَاشَا نَتَّا يَقِيمِ يَسْغُويُو عَادِ سِ جَهْدِ، يِقَارِ:
 "آ مِيسِ نِ آيْثِ-دَاؤُدِ، رَحْمِ-آيِي!"

49 يَبْدُ عِيسَى، يَبْنَا-آسِنِ: "زَاغَامِ-دِ خَاسِ-

زَاغَانِ-دِ خِ وَضْرَغَارِ نِي نَانِ-آسِ: "فَرِحِ، أَقَا يِتْرَاغَا-دِ خَاكِ- كَارِ!" 50 يَنْضَرِ
 خَاسِ أَخْرَطِيطِ، يَكَّارِ يِرُوحِ غَارِ عِيسَى.

51 يَسْتَقْسَا-ثِ عِيسَى يَبْنَا-آسِ: "مِينِ ثَخَسْدِ أَدَّاشِ كَغِّ؟"

يَجَاوبِ-يِثِ وَضْرَغَارِ: "آ لَمُعَلِّمِ، خُسْغِ أَدِ تَوَازِيغِ-

52 يَبْنَا-آسِ عِيسَى: "رُوحِ، لِإِيْمَانِ نَسِّ يَسْكَنْفَا-شَكِ!" ذِكِّ وَمَشَانِ يَدُورِ

يَتَوَازَا، أُوْشَا يَدْفَارِ عِيسَى ذِكِّ وَبَرِيذِ-

سِيدِنَا عِيسَى يِتَادَافِ خِ وَسُنُوسِ غَارِ لُقُدُسِ

11 ¹ وَاِمِي قَرْبِنِ غَارِ ثَنْدِينْتِ نِ لُقُدُسِ، غَارِ زَدَشُورِ نِ بِيْتِ فَاجِي دِ
 بِيْتِ عَنِيَا طَارْفِ نِ وَذَرَارِ نِ زِيْتُونِ، بِيْسَكِّ عِيسَى ثِنَايِنِ زَكِّ
 يِمَحْضَارِنِ نَسِ، ² بِيْتَا-اَسِنِ: "رُوحِمِ غَارِ دَشَارِ يِدْجَانِ زَانُومِ- حَمِي غَا
 ثَاوُضِمِ، اَذِيْبِي ثَاْفَمِ يِحِ نِ وَسُنُوسِ يِقْنِ، عَمَارْصِ وَارِ خَاسِ يِنْبِي وَرَا ذِ
 يَجْنِ قَبِرِ، فِسِيْمِ-اَسِ اَوِيْمِ-ثِ-يِدِ- ³ مَرَا يِنَا-اَوْمِ شَانِ يَجْنِ مَائِمِي تَكْمِ مَانَايَا،
 بِيْمِ-اَسِ بِيْتِ سِيْدِيْتَنَغِ- رُحْدِنِيْتِ اَكِيَوْمِ-ثِ-يِدِ يِسَكِّ ذَانِيْتَا-"
⁴ رُوحِنِ وَفِينِ اَسُنُوسِ ذَكِّ وَبِرِيْدِ يِقْنِ غَارِ ثَوَارْثِ، فِسِينِ-اَسِ- ⁵ نَانِ-
 اَسِنِ رُبْعَاضِ زَكِّ بِنِي ذِيْبِي يِيْدِنِ: "مِيْنِ تَكْمِ؟ مَائِمِي ثَفْسِيْمِ اِ وَسُنُوسِ-اَأْ؟"
⁶ جَاوِبِنِ-ثِنِ اَمَشْنَاوِ مَامَشِ ثِنِ يُوَصَّا عِيسَى- اُوَشَا جِيْنِ-ثِنِ- ⁷ وَوِيْنِ-ثِ-يِدِ
 غَارِ عِيسَى، كِيْنِ خَاسِ يَزْدَجُوْبَا نَسِنِ، بِيْتَا خَاسِ-

⁸ اَطَّاسِ نِ يُوْذَانِ شُونِ-اَسِ اَبْرِيْدِ سِ يَزْدَجُوْبَا نَسِنِ- بِنْعِيْتِ قَسْنِ زَكِّ
 يِمَرْجِعِيونِ اَفْرِيونِ نِ ثَشْجُورَا شُونِ زَايْسِنِ اَبْرِيْدِ- ⁹ بِنِي كُورِنِ زَاشِ ذِ بِنِي
 اِي ثِ يِتَذْفَارِنِ قَارِنِ:

"لِحْمَدُوْ اِ اَرَّبِيْ!

سَعْدِنِ وَنِي اِي دِ يُوْسِيْنِ سِ لِاَذِنِ نِ سِيْذِي اَرَّبِيْ-

10 سَعْدِنِ زَمْلِكِ نِ بَابَاثَنَغِ دَاوُدِ اِي دِ يُوْسِيْنِ-

لِحْمَدُوْ اِ اَرَّبِيْ يُوْعَزَانِ-

11 يُؤذِف عِيسَى غَار لُقُدْس، غَار ثَمَزِيدَا ثَمَقْرَانْت ن وُودَاين، يُخَزَر مَارَا
مِين ذِينِي. وَاَمِي د يَقْرَب وَعَشِي، يُفَع اَكذ ثَنَعَاش ن يَمْحَضَارن نَس غَار
بَيْت عَنِيَا.

ثَشَجَارْت ن تَاَزَارْت يُوزْغَن

12 ثِيوَشَا نَس فُغَن زِي بَيْت عَنِيَا، عِيسَى يَدْجُوَز. 13 نَزْرَا زِي رَكُوَاج يِج ن
ثَشَجَارْت ن تَاَزَارْت ذَايس ثِيْفَرَاي، ثَقْرَب غَارَس حَمَا آذ يِرْزُو خ تَاَزَارْت.
وَاَمِي غَارَس يِيُوَض يُوَفَا ذَايس غَيْر ثِيْفَرَاي، مِينَزِي عَاذ وَار ثِيُوِيَض رُوَقْت
ن تَاَزَارْت. 14 نِيَا-آس: "زِي سَا آز نَسَاوْنْت عَمَارْص وَار زَايم يَنْت حَدّ."
ثَمْحَضَارن نَس تَسْرَان-آس إ مِين يِنَا.

سِيذْنَا عِيسَى ذِي ثَمَزِيدَا ثَمَقْرَانْت ن وُودَاين

15 يُوُضَن غَار لُقُدْس، يُؤذِف عِيسَى غَار ثَمَزِيدَا ثَمَقْرَانْت يِنْدَا يِنَازْرَ خ
يِنِي يِسَاغَن يِرْزُوَزَان ذِي ثَمَزِيدَا. ثَقْرَب-آسَن مِيَسَاث يَصْرَاْفَن ن تَمْنِيَاث، ذ
رَكْرَاَسَا ن يِنِي يِرْزُوَزَان يَذِيرَن. 16 وَار يِتِيْجِي وَرَا ذ يِجَن آذ يِكَّ خ ثَمَزِيدَا
مَرَا غَارَس سَرْعَاث. 17 نِسْرَمَاد-يْتَن يِنَا-آسَن: "لِكِتَاب يِقَار: ثَدَارْت يِنُو آذ
تِيْرِي ذ ثَدَارْت ن ثَرَادْجِيْث إ مَارَا رَكْنُوَس، مَاشَا كَنِيُو ثَرِيْم-تث ذ يَفْرِي
ن يِخْوَانَن." 18 سَرِين-آس أَرُوِيَاَس ن رَفْقَهَا ذ يِمَسْرَمَادَن ن شَرِيْعَا، رَزُون

مَامَشْ آتْ نَعْن- كُوْذَنْ زَايسِ مِيْنِزِي مَارَا زَعَاشِي دَهْشَنْ ذَكْ وَسَرْمَاذْ نَسْ-
 19 غَارِ وَعَشِي تَفْعَنْ غَارَ بَارَا نْ تَنْدِيْنْتْ-

أَسْفَهْمْ نْ تَشَجَّارْتْ نْ تَاَزَارْتْ يُوزُغْنْ

20 غَارِ صَبَاحِ زِيْشْ، وَامِي كُوْرَنْ زَرِيْنْ تَشَجَّارْتْ نِيْ نْ تَاَزَارْتْ تُوزُغْ
 سْ يِزُوْرَانْ نَسْ- 21 تَفَكَّرْ بَطْرُسْ يِنَا-أَسْ: "أَلْمُعَلَّمْ، خَزْرَا! تَشَجَّارْتْ نِيْ نْ
 تَاَزَارْتْ إِيْ تَخْرِيْدْ تُوزُغْ-"

22 يِرَا خَاسَنْ عِيْسَى يِنَا-أَسَنْ: "أَمْنْتْ زِيْ أَرَبِّيْ! 23 أَفَا تَسْرَامْ رَحَقْ: مَرَا
 شَانَ يَجَنْ يِنَا-أَسْ إِ وَذَرَار-أْ: نَقْرَعْ مَنْضَرِ ذِيْ رَبْحَارْ، أَوْ وَارِ دَايسِ بُوْ شَكْ
 ذَكْ وُورْ نَسْ يِعْنِيْ يِتَامَنْ بَلِّيْ مِيْنْ يِنَا أَدْ يُوْقَعْ، مِيْنْ غَا يِنِيْيْ أَدْ يِيْرِيْ- 24 خْ
 مَانَايَا أَدَاوْمْ يِنِيْغْ، أَمْنْتْ أَعَارُوْمْ يِيْرِيْ مَارَا مِيْنْ غَا تَتَّارْمْ إِ أَرَبِّيْ ذِيْ تَزَادْجِيْتْ
 نُوْمْ، أَوْشَا أَعَارُوْمْ يِيْرِيْ- 25 خَمِيْ غَا تَبْدَامْ أَدْ تَزَادْجِمْ، سَمَحْتْ إِ يِنِيْيْ كِيْدُوْمْ
 يَخْضَانَ حَمَا أَدَاوْمْ يَغْفَرْ عَاوْذْ بَابَاثُوْمْ يِدْجَانَ ذَكْ وَجِنَّا دُنُوْبْ نُوْمْ- 26 [مَرَا
 وَارِ تَسْمَحْمْ إِ يُوْذَانَ، بَابَاثُوْمْ يِدْجَانَ ذَكْ وَجِنَّا وَارِ دَاوْمْ يَغْفَرْ شَا دُنُوْبْ
 نُوْمْ-]"

سُلْطَانْ سِيْدِنَا عِيْسَى

27 دُوْرَنْ غَارِ لُقْدَسْ- وَامِي يِكُوْرْ ذِيْ تَمْزِيْدَا تَمَقْرَانْتْ، وَسِيْنْ-دْ غَارِسْ
 أَرْوِيَّاسْ نْ رَفَقْهَا ذِيْ مَسْرَمَاذَنْ نْ شَرِيْعَا ذِيْ مَقْرَانَنْ نْ وَوَدَايَنْ- 28 كَارَنْ نَانَ-

آس: "زِي مَانَت سُلْطَا اِي زِي تَكْذَرَحْدَايم-أ، نِغ وَي دَاش يُوشِين سُلْطَا-يَا
اِي زِي تَكْذَرَحْدَايم-أ؟"

29 جَبَاوب-يشن، نِنَّا-آسن: "وُزَا ذ نَش اَكْنِيو سَقْسِيغ خ يَج ن ثَمَسْرَايْت،
مَرَا نَجَاوَبم-آبي، اَدَاوَم يِنِيغ وُو ذَايِي يُوشِين سُلْطَا-يَا: 30 سُلْطَا ن يَحْيِي اَد
يَطْهَار س وَاَمَان، مَا زِي اَرْبِي نِغ زَك يُوذَان؟ جَاوَبم-آبي."

31 سِيوَرَن جَارَاسَن نَّان: "مَرَا نِنَّا-آس زِي اَرْبِي، اَدَانِغ يِنِي: مَائِي وَاَر
زَايس تُومِينم؟ 32 مَا اَدَاس نِينِي زَك يُوذَان؟"

كُوذَن زِي شَعْب مِينِزِي مَارَا تَامَن بَلِي يَحْيِي ذ نَبِي. 33 اُوشَا نَّان-آس: "وَاَر
نَسِين شَا."

ثِنْدَق-د عَيْسَى يِنَّا-آسن: "اِيوَا وُزَا ذ نَش وَاَر دَاوَم قِيرِغ مَان سُلْطَا اِي زِي
خَدْمَغ."

زَمَعْنَا ن يَحْمَاسَن اِي ذِي يَدَجَا شَر

1 ثَبْدَا يَسَاوَاَر اَكْدَسَن س زَمَعَانِي، نِنَّا: "يَج ن وِرْيَاز يُو اَصِير
ذَك يَج ن وَمَرَجَع نَس. نِنْبُص-آس رَحِيص، نِكَا ذَايس ثَسِيرْت
وَضِير. نِنَّا ذَايس يَج ن تُسُومَعْت يَحْطُو. نِكَا ذَايس يَحْمَاسَن، اُوشَا يَسْفَر.
2 وَاَمِي د يِيوُص زُوقْت ن وِرْقُص ن وَضِير، نِكَاَر يَسْك يَج ن وَخَدَام غَار
يَحْمَاسَن نِي حَمَا اَدَاس-د وُشَن رَحَقَّ نَس زَك وِرْقُص ن وَمَرَجَع وَضِير.
3 مَاشَا طَفَن-ث يَحْمَاسَن، وُوشِين-ث، سَكْن-ث-يَد يَحْوَا. 4 نِكَاَر يَسْك-

12

أسن عَاوْذِ يِج ن وَخَدَّام نَعْنِيت، مَرْزَن-أَسْ عَدْن حَاس. 5 ئِكَار يِسْكَ يِج ن
 نَعْنِيت، نَعْنِ-ث. ئِسْكَ-أَسْن يِنَعْنِيت أَطَّاس، حَدَّ وُوثِين-ث حَدَّ نَعْنِ-ث.
 6 ئَقِيم-أَس مِيس يِعِيزَن وَحَدَس. غَار وَنَكَار يِسْكَ-يِث غَارَسْن يِنَّا: أَقَا أَذ
 كُوْذَن مَمِي. 7 مَاشَا يِنَحْمَاسْن نِي نَّان إ وَايَاوِيَا: أَقَا وَنِي إِي غَا يِوَرْشَن! أَث
 نَعْنِ حَمَا أَذ يِذَوْر وَمَرْجِع وَضِير نَعْنِ! 8 طَفْن-ث، نَعْنِ-ث، نَضْرَن-ث بَارَا
 إ وَمَرْجِع وَضِير. 9 إِيوَا، مِين غَا يِكَ بَاب ن وَمَرْجِع وَضِير؟ أَذ د يَاس أَذ
 يِنَعْنِ يِنَحْمَاسْن نِي، أَذ يُوش أَمَرْجِع وَضِير نِي إ يِنَعْنِيت. 10 مَا وَار ثَغْرِيم مِين
 يُوْرِين ذِي لِكِتَاب؟

أَزْرُو إِي عِيْقَن يِنَّاين،

أَذ يِيرِي ذِكْ وَمَشَان أَصْبَحَان

ذِي ثَعْمَارْت ن دَسَاس-

11 ذ سِيْذِي أَرِّي إِكْ يِكْنِ مَانَايَا،

ذ يِج ن زَحَاجْث ذ ثَمَقْرَانْت!"

12 لِحْكَام ن وُودَاين رَزُون أَذ طَفْن عِيْسِي، مَاشَا كُوْذَن زَكْ يِوْذَان. سُنْن

بَلِي يِسِيوْر س زَمَعْنَا-يَا خَاسْن. جِين-ث رُوْحَن-

ضَرِيْبَا ن قَيْصَر

13 گَارَن سَكْن غَارِس شَانَ يَفْرَسِيْنِ ذ شَانَ يُوْدَانَ زِي رَحْب ن وَزْدَجِيْد
 هِيْرُوْدُس، رُزُون آت طَفْن خ شَانَ وَآوَار نَس. 14 وَآمِي وُسِيْن-د غَارِس نَانَ-
 آس: "آ لَمُعَلَّم، نَسْن بَلِي تَقَارْد رَحَقّ. وَار تَكُوْدُذ اِ يُوْدَانَ رَاحَقَاش وَار تَكُذ
 بُو وَذَمَون. تُسْرَمَآذذ س رَحَقّ مَآمَش يَخَس أَرَبِي اَنْعِيْش. تُسْمَح شَرِيْعَا نَغ
 اَنْخَدْجَص ضَرِيْبَا اِ وَزْدَجِيْد قَيْصَر نَغ لَأ؟ مَا دَاس-ت نَخَدْجَص نَغ لَأ؟"
 15 نِسْن عِيْسَى رَخْدَع نَسْن، نَبَّآ-آسْن: "مَآيْمِي ذَآبِي تَكُم تَخَشْبُت؟ أُوِيْم-
 د يَج ن نَبِّيَاسْت ن نَقَارْت حَمَا آت زَرغ. 16 وُوِيْن-آس-ت-يد. نَبَّآ-آسْن:
 "وُوت يَزَانَ تَصَوَارْت-أ ذ يِيْسَم-أ اِي ذَآيس؟"
 نَانَ-آس: "قَا ن قَيْصَر."

17 نَبْدَق-د عِيْسَى يِنَا-آسْن: "وُشَم-آس اِ قَيْصَر مِيْن يَدَجَانَ ن قَيْصَر. وُشَم-
 آس اِ أَرَبِي مِيْن يَدَجَانَ ن أَرَبِي." أُوْشَا تُعْجَبْنَ ذَآيس-

سِيْدْنَا عِيْسَى يَتَبَشَّار خ تُوْذَارْت ن زَبْدَا

18 گَارَن وُسِيْن-د غَار عِيْسَى شَانَ يُوْدَانَ زِي رَحْب ن يَصْدُوْقِيْن (نَبِّي
 قَارَن بَلِي يُوْدَانَ وَار د تَنْكِيْرَن زِي زَمُوْت)، سَقْسَانَ-ت نَانَ-آس: 19 "آ
 لَمُعَلَّم، يُوْرَا-أَنغ مُوسَى بَلِي مَرَا شَانَ وَرِيَاز يُمُوْت، نَبَّجَا تَمْعَارْت مَاشَا وَار
 د يَجِّي بُو تَارُوَا، آت يَآوِي وَرُوس نَس، أَكِس د يَج تَارُوَا اِ وُومَاس يُمُوْتَن-

20 تُوغَا ذِين سَبْعَا ن وَاوَمَاتِن، ئِمْرَش وَمَزَوَارُو، ئِمُوث وَاَر د يَجِّي بُو تَارَوَا.
 21 يُووي-ت وِيس ثِنَاين، ئِمُوث وَاَر د يَجِّي بُو تَارَوَا. يُووي-ت وِيس تَرَاثَا
 22 اَز وِيس سَبْعَا. مُوثِن، وَاَر كِس د جِين بُو دُوْرِيْت. اَز وِنكَّار وُزَا ذ تَمْعَارْت
 نِي تَمُوث. 23 ذِي يَوْم لَقِيَا مَا حَمِي د غَا كَارِن يِنِي يَمُوثِن، وُمي غَا ثِيْرِي
 تَمْعَارْت نِي؟ رَا حَقَّاش ذ تَمْعَارْت نَسِن س سَبْعَا."

24 ئِنْدُق-د عِيْسَى يِنَا-اَسِن: "كَنِيو تَخْصِيْم رَا حَقَّاش وَاَر تَسِيْم لَكِتَاب وُزَا
 ذ جَهْد اِي غَارَس غَار اَرْبِي. 25 حَمِي د غَا كَارِن يِنِي يَمُوثِن يِرِيَا زَن ذ
 تَمْعَارِيْن وَاَر مَدْجَشِن شَا، اَذ يِرِيْن اَمَشْنَاو لَمَلَا ئِكَاث يَدْجَان ذَكْ وَجَنَّا.
 26 مَاشَا يِنِي يَمُوثِن اَذ د كَارِن زِي زَمُوث. مَا عَمَّارْص وَاَر تَعْرِيْم مِيْن
 يُوْرِيْن ذِي لَكِتَاب ن مُوسَى؟ ذِي زَقْصَا ن تَشَجَّارْت، د وَاْمِي يَسِيُوْر اَرْبِي
 اَكْذ مُوسَى يِنَا-اَس قَا نَش ذ اَرْبِي ن بَرَاهِيْم، ذ اَرْبِي ن اِسْحَق، ذ اَرْبِي

26:12 سِيْدْنَا مُوسَى تُوغَا يِرْس زَبْهَائِم ن وَذَكْوَا ز نَس قَارِن-اَس يَثْرُوْن ذ زَقْفِيَه ن مِدْيَان.
 ن نَهَار يِنْدَه زَبْهَائِم غَار صَحْرَا حَتَّا اَز مَانِي يِيُوْض غَار وَذَرَارِن اَرْبِي وُمي قَارِن حُوْرِيْب.
 ذِيْنِي اِي دَاس-د يِمْظَهَار لَمَلَا ئِكَا ن سِيْذِي اَرْبِي ذَكْ وَشَعَّازِن نَمْسِي زِي زُوْسَط ن يِج
 ن تَشَجَّارْت. بِيْزَرَا مُوسَى تَشَجَّارْت نِي ثَرْق بَرَا مَات تَشْ نَمْسِي. ئِنَّا ذِي نَفْس نَس: "اَذ
 رَا حَف حَمَا اَذ خَزْرَغ تَمَسْرَايْت-ا اِكْ يَسْدَهَاشِن. مَايْمِي تَشَجَّارْت وَاَر تَحْرَق شَا؟" وَاْمِي
 يِرُوْح ذِيْنِي بَاش اَذ يَخْزَر، تِيْزْرِي-ت سِيْذِي اَرْبِي يِرْح-اَس-د زِي زُوْسَط ن تَشَجَّارْت: "آ
 مُوسَى، آ مُوسَى. "ئِنَّا-اَس: "هَاقَا-اِي". "ئِنَّا-اَس اَرْبِي: "وَاَر تَقْرَب شَا دَانِيْتَا. كَس نَسِيْرَا
 زَكْ يِضَارِن نَش، رَا حَقَّاش اَمَشَان اِي خَف ثَبَدْذ نَتَا ذ يِج ن تَمُورْت مُقَدَّس. "اُوشَا يِنَا-
 اَس: "نَش ذ اَرْبِي ن زَجْدُوْذ نَش، اَرْبِي ن بَرَاهِيْم ذ اِسْحَق ذ يَعْقُوْب. "زَخْدَنِيْت يَسِيْدَار
 مُوسَى اَغْمُبُوْب نَس يَكْوُذ اَذ يِرَر اَرْبِي."

ن يَعْفُوبُ - 27 نِتَا-آسن: نِتَا ذِ أَرَبِّي نِ يَنِّي يَدْرَن مَاشِي نِ يَنِّي يَمُوتَن - أَقَا
ثَخْضِيمِ أَطَّاس!"

زُوصِيَّتْ ثَمَقْرَانْتْ

28 نِكَارِ يُوسَا-دِ يَجَن زَكْ يَمَسْرَمَازَن نِ شَرِيْعَا، يُسْرَا-يَاسَن تُنَاقَاشَن - يُزْرَا
بَلِّي يَجَاوب-يشَن عِيسَى مَلِيح، يُسْتَقْسَا-ث: "مَانَ زُوصِيَّتْ قَاعِ يَدَجَانِ ذِ
تَمَزَوَارُوتِ ذِي شَرِيْعَا؟"

29 نِتَا-آسِ عِيسَى: "زُوصِيَّتْ تَمَزَوَارُوتِ نِتَاث: صَنْطِثْ، آ أَيِّث-إِسْرَائِيلِ،
سِيذِي أَرَبِّي لِأَلَه نَع، سِيذِي أَرَبِّي ذِ يَجَن - 30 أَذِ تَخْضَدِ سِيذِي أَرَبِّي نَشْ
سِ مَارَا وُزْ نَشْ، سِ مَارَا أَرْوَحِ نَشْ، سِ مَارَا زَعَقَزْ نَشْ، سِ مَارَا جَهْدِ نَشْ -
31 زُوصِيَّتْ وِيسِ ثِنَاينِ، أَذِ تَخْضَدِ أَجَارِ نَشْ أَمَشْنَاوِ يَخْفِ نَشْ - وَارِ ذِيئِي
بُو شَانَ زُوصِيَّتْ كِتَارِ زِي ثِينَا -"

32 نِتَا-آسِ وَمَسْرَمَازَنِي نِ شَرِيْعَا: "مَلِيح، آ لَمُعَلَّم، مِينِ ثِينِيذِ ذِ رَحَقَّ -
سِيذِي أَرَبِّي ذِ يَجَن، وَارِ ذِيئِي وُزْرَا ذِ يَجَنِ إِلَّا نِتَا - 33 عَاوُذِ مَرَا بِنَادِمِ يَتَخَسِ
سِيذِي أَرَبِّي سِ مَارَا وُزْرَسِ ذِ زَعَقَزْ نَسِ ذِ جَهْدِ نَسِ، يَتَخَسِ أَجَارِ نَسِ
أَمَشْنَاوِ يَخْفِ نَسِ، مَانَايَا حَسَنِ زِي بِنَادِمِ مَرَا يَغْرَصِ ذِيئِيحِثِ أَتِ يَشْمُضِ
قَاعِ ذِي ثَمَسِّي نَعِ أَذِ يَقْدَمِ مَانَا كِتَارِ أَرَبِّي -"

34 ئِزْرَا عَيْسَى بَلِي آرِيَاز نِي يَجَاوب-يْت س زَفَهَامْت، ئِنْدَق-د يِنَا-آس:
 "وَار تَدَجِيذ بو ثَكْوَجذ خ زُمَّلْك ن آرِّي- " سَنِّي وَا ر يَزْعِيم وُزَا ذ يَجَن آت
 يَسْتَفْسَا عَاذ كِتَار-

لَمْسِيح ذ سِيدَس ن دَاوُد

35 أَقَا-ث عَيْسَى ذِي ثَمَزِيدَا ثَمَقْرَانْت يَسْرَمَاذ ذِينِي، ئِنْدَق-د يِنَا-آس:
 "مَائِمِي قَارن يَمْسَرَمَاذن ن شَرِيْعَا بَلِي لَمْسِيح ذ مَّيس ن دَاوُد؟" ذ 36 ئِنَا-
 آس: "دَاوُد يِنَا نَتَا س يِيخَف نَس س أَرْوَح يَقْدُسُن:

سِيدِي آرِّي يِنَا-آس إِ سِيدِي،

قِيم-د خ وَفُوسِي يِنُو،

أَرْ غَا كُغ زَعْدِيَان نَش

سَوَادَاي إِ يَضَارن نَش-

37 مَامَش غَا يِيْرِي لَمْسِيح ذ مَّيس ن دَاوُد؟ نَتَا دَاوُد يَقَار-آس إِ لَمْسِيح آ

سِيدِي-"

أَطَاس ن زَغَاشِي تَسْرَان-آس، فَرْحَن-

ذ 12:35، مَّيس ن دَاوُد' وَا ر يَدَجِي بُو ذ يَج ن مَّيس ذ صَّح ن سِيدْنَا دَاوُد، وَلَكِن نَتَا زِي
 دُورِيْت ن سِيدْنَا دَاوُد-

لُمُنَافِقِينَ

38 ئِسْرَمَاد-يشن يِنَا-آسن: "حُصَام يَخْف نُوم زڭ يَمْسَرَمَادَن ن شَرِيَعَا-
تَخْسَن آد وِيُورَن س يِسْرَهَامَن، تَخْسَن آخَاسَن سَدَجْمَن ذِي رَسَوَاق، 39 آد
قِيْمَن ذڭ يُمُوشَان يِمزُورَا ذِي ثَمزِيدَاوِين ذ رَفْرُوح- 40 تَتَن نَاجَارِين،
سَطْهَارَن-د يَخْف نَسَن تَرَادَجَان أَطَاس حَمَا آد بَانَن- يِنَا، لِحَسَاب نَسَن آد
يِيْرِي يَفْسَح أَطَاس!"

ثَاجَارْت تِيَشْ صَدَقَا كُتَار زِي تَوَاجِر

41 نَقِيْم عِيْسَى زَاث إِ صَنْدُوق ن ثَمزِيدَا ثَمَقْرَانَت- نَزْرَا مَامَش رَغَاشِي
تَكْن صَدَقَا نَسَن ذِي صَنْدُوق- أَطَاس ن تَوَاجِر تَكْن ذِيْنِي أَطَاس ن تَمْنِيَاث-
42 نُوسَا-د يِج ن ثَاجَارْت ذ رَمْسَكِينَا ثَكَّا ذِيْنِي ثَنَايِن يَصُولْدَان، يِعْنِي ثَنَايِن
فُرْنَك- 43 نَزْرَاغَا-د عِيْسَى خ يَمْحَضَارَن نَس، نِيْنَا-آسن: "أَقَا تَسْرَام رَحَقَّ:
ثَاجَارْت-أ ذ رَمْسَكِينَا ثَكَّا ذِي صَنْدُوق كُتَار زِي مِين كِيْن مَارَا يِنْعِنِيَت-
44 مِينزِي مَارَا يِنْعِنِيَت وُشِين زِي مِين حَاسَن يَزَايْدَن ذ آكْرَا، مَاشَا نَتَاث وَاحَا
ذ رَمْسَكِينَا نُوشَا مَارَا مِين نَعْرَم-"

لَعَلَّمَاث ن زَفَانَا ن دُنْشَت

- 1 **13** ¹ ئَفَّغ عِيسَى زِي ثَمَزِيدَا ثَمَقْرَانْت، ئِنَّا-آس يِج ن زَكْ يَمَحْصَارَن نَس: "آ لَمُعَلِّم، خَزَر يَزْرَا-يَا ذ رَنْبِي-يَا ذ أَصْبَحَانَ!"
- 2 ² ئَجَاوَب-يَث عِيسَى يِنَّا-آس: "تَوَاوَزِيد رَنْبِي-يَا أَصْبَحَانَ؟ وَار ذَا يَنْغِيَمِي يِج ن وَزْرُو خ وَنَغْنِيَت- مَارَا آذ يَنْهَدَم-"
- 3 ³ وَامِي يَقِيم ذَكْ وَذَرَارَن زَيْتُون زَات إِ ثَمَزِيدَا ثَمَقْرَانْت، سَفْسَانَ-ث بُطْرُس ذ يَعْقُوب ذ يُوحَنَّا ذ أَنْدْرَاوُس وَحَدْسَن نَانَ-آس: ⁴ "إِنِّي-يَانِغ، مَزْمِي غَا يَوْع مَانَايَا؟ مَانْت لَعَلَّمَا يِقَارَن بَلِّي مَارَا مَانَايَا عَزَايِن آذ يَوْع؟"
- 5 ⁵ يِرَا خَاسَن عِيسَى ئِنَّا-آسَن: "حَضَام يَخْف نَوْم حَمَا وَار كَنْبُو يَخْدَع حَد- ⁶ أَطَّاس إِي د غَا يَاسَن س بِيَسَم يِنُو آذ يِنِين ذ نَش! آذ خَدْعَن أَطَّاس ن يُوذَانَ- ⁷ خَمِي غَا ثَسْرَم خ لُحْرُوب ذ رُخْبَارَن رُحْرَب وَار تَكُوذَم شَا- لَأَبْدَا زِي مَانَايَا، مَاشَا عَاذ وَار ثَفْنِي دُنْشَت- ⁸ رُكْنَس آذ يَهْجَم خ رُكْنَس، لُمَمْلَكَا خ لُمَمْلَكَا- آذ يَوْع زَنْزَال ذَكْ وَاطَّاس ن يَمُوشَانَ، آذ بِيَرِي جُوع- مَانَايَا آذ بِيَرِي أَمَشْنَاو أَمَزَوَارُون رُحْرِيَق ن ثَمَعَارْت إِي غَا يَارُون-
- 9 ⁹ حَضَام يَخْف نَوْم! أَكَنْبُو سَلْمَن إِ لَمَحْكَمَات، أَكَنْبُو وُوشَن ذِي ثَمَزِيدَاوِين ن وُودَايِن. آذ تَبَدَّم زَات إِ لُحْكَام ذ يَزْدَجِيذَن عَلَا حَسَاب يِسَم يِنُو حَمَا أَخَافِي ثَشْهَدَم- ¹⁰ نِخْصَا آذ حَدْشَن س لِإِنْجِيل جَار مَارَا رُكْنُوس- ¹¹ أَخْمِي كَنْبُو غَا جَرَن حَمَا أَكَنْبُو سَلْمَن، وَار تَفَكْرَم شَا ذِي مِين غَا ثِينِيم- مَاشَا أَوَارَن

إِي غَا ثِينِيم ذِ أَرَبِّي إِي ذَاوَم-ثَن غَا يُوشَن ذِي تُسَاعَتِ نِّي- وَار يَدَجِي بُو
ذِ كَنِيُو إِي غَا يَسِيُوَزَن، مَاشَا ذِ أَرُوَح يِقَدُّسَن- 12 وَمَاسِ أَدِ يَسَلِّمِ وَمَاسِ إِ
زَمُوَث، بَابَاسِ أَدِ يَسَلِّمِ مَيِّس- تَارُوَا أَدِ رَاحِنِ صُدِ إِ لَوْلِدِينِ نُسَن، أَثَن نَغَن-
13 أَدِ عِيضِنِ مَارَا كَنِيُو عَلَاحَسَابِ يِسْمِ يُوُو، مَاشَا وَنِي غَا يَصْبِرَن أَرِ وَنَكَّارِ
أَدِ يَنْجَمِ-

14 خَمِي غَا تَزْرَمِ مِينِ يَدَجَانِ ذِ أَعْفَانِ أَطَّاسِ يَهْدَمِنِ 'تُبْدَا مَانِي يَخْصَا
وَار يَنْبَدِي (فَهْم، آ وَنِي يَغْرِينِ مَانَايَا!)، زُخْدَنِيَتِ يَخْصَا يِنِّي يَدَجَانِ ذِي
ثَمُورَثِ نِ يَهُودِيَا أَدِ رُوَزَنِ غَارِ يَدُورَارِ- 15 وَنِي إِي غَا يِيْرِينِ خِ ثَرْقَارِ نَسِ
يَخْصَا وَار يَهْكَوِي غَارِ ثَدَارَثِ، وَار ذَايسِ يَتِيْذِفِ شَا حَمَا أَدِ يِيْسِي شَانِ
زُحَاجَثِ- 16 وَنِي يَدَجَانِ ذِكْ وَرَمَجِ يَخْصَا وَار يَدُكُوِيْرِ غَارِ ثَدَارَثِ أَدِ
يِيْسِي تَشَامِيْرِ نَسِ- 17 يَا تَمَارَا خِ ثَمْعَارِينِ إِي غَا يِيْرِينِ سِ وَعَدِيْسِ ذِكْ
وُوسَانِ نِي، ذِ ثِينِي نَغْنِيَتِ يَسُوْطُوْضِنِ! 18 تَارَثِ إِ أَرَبِّي حَمَا وَار يَتِيْرِي مَانَايَا
ذِي زَمُشْتَا- 19 ذِي زُوْقَثِ نِي أَدِ تِيْرِي يِجِ نِ تَمَارَا إِي وَار يُوْقِيْعِنِ عَمَارْصِ
زِكْ وَامِي يَخْرَقِ أَرَبِّي دُنْشَتِ أَرِ زُخُو، أُو عَمَارْصِ أَدِ تُوْقِعِ عَاوَدِ- 20 مَزِي
سِيْذِي أَرَبِّي وَار يَسْنَقْسِ رِيَامِ نِ تَمَارَا نِي، أَدِ تِيْرِي وَار يَنْجَمِ وُزَا ذِ يَجْنِ-
خِ زَسْبَابِ نِ يِنِّي يَخْضَارِ أَرَبِّي، يُسْنَقْسِ رِيَامِ نِي-

21 مَرَا يِنَا-أُوْمِ شَانِ حَدِّ: خُزْرَمِ! أَقَا-ثِ ذَا لَمَسِيْحِ! نَغِ، أَقَا-ثِ ذِيْهَا! وَار
ثِ تَامْنَمِ شَا- 22 أَقَا أَطَّاسِ إِي دِ غَا يِظْهَارِنِ أَدِ يِنِينِ قَا نَشِ ذِ لَمَسِيْحِ نَغِ

نش زي لَأَنبِيَا، مَاشَا س يَحْرِيْقَن. أَذْ كُنْ لُمُعْجِرَاتْ ذ رَعَجَابِ حَمَا أَذْ
خَذَعْنَ يُوْذَانَ، مَعْلِيْكَ زَمْرَن إِزِي خَذَعْنَ وُرَا ذ يَنِّي يَخْضَارَ اَرَّبِي. 23 غَارُوم
كَنِيو! اَقَا عَزْمَع-اوم خ مَارَا مَانَايَا قَبْرَ مَا ذ يُوْقَع-

24 مَنْبَعْدِ اِ تَمَارَا ن رِيَّام نِّي،
تُفُوْشْتْ اَذْ تَدُوْرَ ذْ تَادْجِسْتْ،
تَرْبِرِي وَا ر تِيْشْ بُو تَفَاوْثْ،
25 تَيْرَانَ اَذْ د وُضَانَ زَكْ وَجَنَّا،
يَنِّي يَجْهَدْنَ ذَكْ وَجَنَّا
اَثْن يَسْنَهْزْ اَرَّبِي-

26 رُخْدَنِيْتِ اِي غَا زَرْنَ مِيْس ن بِنَادَمْ خَمِي د غَا يَهُوَا ذَكْ وَسِيْنُو س
لَعَضَمَا ذ جَهْدَنْس يَمْغَارَن. 27 اَذْ د يَسْكَ اَرَّبِي لَمَلَايْكَاتْ نَسْ غَار اَرْبَعَا
يُمُوْشَانَ ن تُمُوْرْتْ مَانِيْس د يِتْكَ وَسَمِيْضْ: شَرَقْ ذ لَعْرَبْ ذ لَجْنُوْبْ ذ
شَمَالْ- اَذْ د يَسْمُوْن يَنِّي يَخْضَارَ زِي رَاْحَدَنْ دُنْشْتْ اَر رَاْحَدَنْ وَجَنَّا-
28 رَمْدَمْ رَمْعَنَا زِي تَشَجَارْتْ ن تَاَزَارْتْ- غَيْرَ اَذْ مَغْرَن رَفْرُوْعْ نَسْ اَذْ تَكْ
ثِيْفَرَايْ، شَسْم بَلِيْ اَنْبَدُو يَقْرَبْ-د. 29 اَمْنِيْ، وُرَا ذ كَنِيو، خَمِي غَا تَرْزَمْ مَارَا
مَانَايْنِيْ اِي غَا يُوْقَعْنَ، شَسْم بَلِيْ يُوْدَسْ-د، اَقَا-تْ قِبَاتَشْ اِ تُوَارْتْ- 30 اَقَا
تَسْرَام رَحَقْ: وَا ر تَمْتِيْن يُوْذَانَ ن زُوْقْتْ-ا اَر غَا يُوْقَعْ مَارَا مَانَايَا- 31 اَذْ يَكْسْ
وَجَنَّا ذ تُمُوْرْتْ، مَاشَا اَوَاژ يَنُو وَا ر يِتْكَسْ عَمَارْصْ-

32 مَاشَا نَهَار نِّي نَعِ نَسَاعَت نِّي، وَار ثَن يَسِينِ وُزَا ذِ يَجَن، لَا لَمَلَايَكَاث
ذَكَّ وَجَتَا، لَا مَيِس. بَابَا وَحَدَسِ اِي يَسَن. 33 حَضَاث يَخَفِ نَوْم، بَرِيم
عَلَابَال مِينِزِي وَار ثَسِينِم مَزْمِي دِ غَا تَاس زُوقْت نِّي.

34 اَمَشْنَاو يَج ن وَرِيَاز يَخَس اَذِ يَسَفَر، بَجَا ثَدَارْت نَس، يُوَشَا-اَسَن سُلْطَا
اِ يَخَدَامَن نَس، كَز يَجَن ذِ رَحْدَمْت نَس. يُوَصَا اَعَسَّاس نِ ثَوَارْت اَذِ يَقِيم
اَذِ يَحْضَا. 35 بَرِيم عَلَابَال، وَار ثَسِينِم مَزْمِي دِ غَا يَاس بَاب نِ ثَدَارْت، مَا
اَكْ وَعَشِّي نَعِ غَار زُوسَط نِ دَجِيرْت نَعِ حَمِي غَا يَدَن وَيَازِيض نَعِ غَار
زَفَجَر، 36 حَمَا وَار دِ يَتِيَس عَلَاغَفَلَا اَكْتِيُو يَافِ ثَطُّصَم! 37 مِينِ ذَاوَم قَارَغ،
قَارَغ-ت اِ مَارَا: بَرِيم عَلَابَال."

بَج نِ ثَمْعَارْت تَذَهَن سِيدْنَا عِيَسِي سِ وَامَان نِ لُورْد

1 نَقِيم-اَس يَوْمَاين اِ رَعِيد اَمَقْرَان نِ وُودَاين ذِ رَعِيد وُمي قَارَن
14 رَعِيد نِ ثَفْضِيرْت. اَرُوِيَاَس نِ رَفْقَهَا ذِ يَمَسْرَمَاذَن نِ شَرِيْعَا رَزُون
مَامَش اَذِ طَفَن عِيَسِي سِ ثَحْرَايْمَشْت اَث نَعِن. 2 نَّان جَارَاَسَن: "نِتْخَصَا
وَار ثِ نَتَطَّفِ ذِي رَعِيدِ حَمَا وَار تَوَقِيْع لَفُوضَا ذِي شَعْب."

3 عِيَسِي اَقَا-ثِ ذِي ثَنْدِينْت نِ بِيْتِ عَنِيَا ذِي ثَدَارْت نِ سِمَعَان بُو-جَدَام.
وَامِي يَقِيمِ ذِينِي يِتْت، ثَقْرَب-دِ غَارَس يَج نِ ثَمْعَارْتِ غَارَسِ ثَزِيَّاتِ نِ وَامَانِ
نِ لُورْدِ صَفَان، بَغْرَانِ سِ وَاطَّاس. ثَرْزَم-يْت، اُوشَا ثَفْرَغ-اَس-تِ خِ وَزْدَجِيْفِ
نَس. 4 شَا زَايَسَن يِقَس-اَسَن رَحَاَز نَّان جَارَاَسَن: "مَائِمِي اَضِيْع نِ وَامَانِ ا"

ن لَوْرْد؟⁵ يُرِي مَنَزَن كِتَار زِي تَرْت-مِيَا ن ثِيَّاسِين ن نَقَارْت، أَذ مُوشَنْت
تَمْنِيَاث نِي إِ زُمْسَاكِين!" أَوْشَا مَعْيَابَن أَكِدَس-

⁶ نِيْنَا-أَسَن عَيْسَى: "أَجْم-تث! مَايَمِي ت نَسْخِيَّاقِم؟ أَقَا مِين ذَابِي نَكَا
يَصْبَاح-⁷ زُمْسَاكِين أَقَا-ثَن أَكِدُوم زَبْدَا- مَزْمِي مَا ثَخْسَم، تَزْمَرَم أَذَائِسَن
تَكْم زُخِير- مَاشَا نَش وَار كِدُوم تَغِيمِغ شَا إِ زَبْدَا،⁸ نَكَا مِين حَاس-
تَذَهَن دَات يُونُوس وَامَان ن لَوْرُض، تَسُوجَد-أَبِي إِ تَنْضَرْت يُونُوس-⁹ أَقَا تَسْرَام
زُحَق: مَانِي مَا يَبُوض لِأَنْجِيل ذِي دُنْشْت أَمَن تَكْمَر، أَذ عَاوَدَن خ مِين نَكَا
تَمْعَارْت-أَحْمَا أَذَائِسَن فَكْرَن يُونُوس-"

¹⁰ رُوح يَهُودَا إِسْخَرِيُوطِي، أُو نَتَا زِي تَنْعَاش ن أَرُوسْل، غَار أَرُويَاس ن
زَفْقَهَا، حَمَا أَذَائِسَن يَزْنَز عَيْسَى-¹¹ سَرِين مَانَايَا فَرْحَن، وَعَدَن-ث أَذَائِسَن
وُشَن ثِيَّاسِين ن نَقَارْت- يَزُور لُفْرَصَا مَامَش ت غَا يَزْنَز-

أَمْنَسِي ن زَعِيدَ أَمَقْرَان ن وُودَايِن

¹² نَهَارَ أَمَزُورُو زِي زَعِيدَ ن تَفْضِيرْت، نَهَارِإِي ذِي غَرَصَن يَزْمَارَن، نَان-
أَس يَمْحَضَارَن نَس: "مَانِي ثَخْسَدَ أَ نَرَا ح أَذَائِسَن نَسُوجَدَ أَمْنَسِي ن زَعِيد؟"
¹³ نِسْكَ ثُنَايِن زَكَّ يَمْحَضَارَن نَس يِنَا-أَسَن: "رُوحَم غَار ثَنْدِينْت، أَكُوم
يَمْرَقَا يَج ن وَرِيَاز يِنْسِي أَقْنُوش ن وَامَان، ذَفَارَم-ث-¹⁴ مَانِي مَا يُونُوسْ،
نِيم-أَس إِ بَاب ن ثَدَارْت نِي، أَقَا يِنَا-أَش لُمَعْلَم: مَانِي يَدَجَا وَخَام يُونُوسِإِي
ذِي غَا عَيْدُغ أَك يَمْحَضَارَن يُونُوس؟¹⁵ أَكْنِيو يَاوِي غَار يَج ن تَعُورَفَات ذ

تَمَقْرَانَت تَشُو، تَوُجْد- ذِيئِي إِي دَانغ غَا تَسُوْجْدَم- " 16 رُوْحَن يَمَحْضَارَن نَس، وُذْفَن غَار تَنْدِيْنَت، وُفِيْن نِيْشَان اَمَشْتَاو مَامَش دَاسَن يَتَا- اُوشَا سُوْجْدَن اَمَنَسِي ن زَعِيْد-

17 وَاْمِي د تِيْوُض تَمَدِيْث، يُوْسَا-د عِيْسَى اَكْذ تَنْعَاش ن اَرُوْسُل نَس-
18 قِيْمَن تَتَن، يَتَا-اَسَن عِيْسَى: "اَقَا تَسَرَام رَحَق": بَجَن زَايُوْم يَتَا اَكْذِي اَذَابِي يَزَنز-

19 خِيْقَن يَمَحْضَارَن، تَسَقْسَان-ث بَج بَج: "يَاش وَار يَدْجِي بُو ذ نَش؟"
20 يَرَا خَاسَن عِيْسَى يَتَا-اَسَن: "بَجَن زِي كَنِيُو زِي تَنْعَاش اِدُوْم، وَنِي إِي كِذِي يَسِيْسَنن ذِي طَبْصِي- 21 مِيْس ن بِنَاذَم اَدَاس يُوْقَع عَلاَحْسَاب مَامَش خَاس يُوْرَا ذِي لَكْتَاب، مَاشَا يَا رَفْضِيْحَت ن وَنِي إِي ث غَا يَزَنزَن! مَزِي وَار يَخْرِيْق اِرِي حَسَن-اَس-

22 وَاْمِي عَاذ تَتَن، يِيْسِي اَغْرُوْم يَشْكُر اَرْبِي، يَزَا اَغْرُوْم نِي يَفْرَق-اَسَن-ث، يَتَا: "يَسِيْم-ث، وَ اِگ يَدْجَان ذ دَات يُو- 23 يِيْسِي زُكَاس يَشْكُر اَرْبِي، يُوْشَا-اَسَن-ث، سُوِيْن زَايَس مَارَا اِدَسَن- 24 يَتَا-اَسَن: "زُكَاس-اَ ذ يَدَامَن زَن زَعَاھْذ، يَدَامَن يُوْ اِي غَا اَزْرَن عَلاَحْسَاب اَطَّاس ن يُوْدَان- 25 اَقَا تَسَرَام رَحَق: زِي سَا اَر تَسَاوْنَت وَار سَسْغ زَكْ وَامَان-اَ وَضِيْر حَتَا اَر نَهَار نِي إِي ثَن غَا سُوْغ زِي جَدِيْد ذِي زَمْلُك ن اَرْبِي- 26 غَنْجَن يَزْرِي ن زَعِيْد اُوشَا فَعْن رُوْحَن غَار وَذَرَار ن زِيْتُوْن.

عِيسَى يَسَاوَارِخَ وَنَكَرَ نَ بَطْرُسْ

27 ئِنَّا-آسَن عِيسَى اِ يَمْحَضَارَن نَس: "أَذَابِي تَسْمَحَم مَارًا إِدُوم، مِينِرِي
يَقَار لِكِتَاب:

أَذُ وُوعَ وَنِي يِرَاسَن،

ئُحُورِيِن كُرُ يَجَن مَانِي غَا يِرُور. س

28 مَاشَا خَمِي دَ غَا كَارَغَ زِي رُمُوثَ، أَذَاومَ يِرُوَارَغَ غَارَ ثُمُورَثَ نَ لَجَلِيلَ- "

29 ئِنَّا-آسَ بَطْرُسْ: "وَآخَا ذَايشَ غَا سَمَحَن مَارًا، نَشَ وَارَ ذَايشَ سَمَحَغَ

شَا- "

30 يِرَا خَاسَ عِيسَى يِنَّا-آسَ: "أَقَا تَسْرِيَدَ رَحَقَّ: دُجِيْرَثَ-أَقْبَرِ اِي غَا يَدَّنَ

وَيَازِيضَ ثُنَايِنَ نَ ثُوَارَاثِيِنَ، أَذَابِي تَنكَرَدَ ثُرَاثَا نَ ثُوَارَاثِيِنَ- "

31 ئِنَّا-آسَ بَطْرُسَ أَطَاسَ نَ ثُوَارَاثِيِنَ: "وَارَ شَ نَكِيْرَغَ وَآخَا اِي غَا سَنَغَ

اَكِشَ مَنَغَ- "أَمُو اِي نَانَ مَارًا يَمْحَضَارَن- "

سِيذْنَا عِيسَى يِتْرَادَجَا ذَكَّ وَذَرَارَ نَ زِيْتُون

32 يُوسَا-دَ عِيسَى اَكذَ يَمْحَضَارَن نَسَ غَارَ يَجَ نَ وَمَشَانَ قَارَن-آسَ

'كْتَسِمَانِي'، ئِنَّا-آسَن: "قِيْمَمَ ذَا، نَشَ أَذَ رَاغَعَ أَذَ زَادَجَغَ- " 33 يِيُوِي اَكِسَ

بَطْرُسْ ذِ يَعْقُوبْ ذِ يُوحَنَّا، أَوْشَا يَنْخَرْعْ يَخِيْقْ. 34 ئِنَّا-آسن: "ؤَزْ يُنُو عَزَّايْنِ
 آذِ يْدُوَقْرَسْ وَحَزَّانْ- قِيْمَمْ ذَا تَفَّاقَمْ- " 35 بَعْدَ خَاسَنِ شَوَّايْتِ، يَرْكَعْ، ئِنْتَّارِ
 أَرْبِي يِنَّا: "مَرَّا يَمْكَنْ، سَنْجَمْ-أَبِي زِي رُوقْتْ-أ." 36 عَاوَذِ يِنَّا: "آبَابَا، شَكْ
 كَرْشِي تَرْمَرْد-آسْ، سَبْعَدْ خَافِي زُكَاسْ-أَنْ رَعَدَابْ- مَاشِي مَآمَشْ خَسْغْ
 نَشْ، لَّا! مَآمَشْ يَخَسْ رَحَاصْرَ نَشْ شَكْ-"

37 ئِدُوْرْ غَارَسَنْ يُوفِي-شَنْ طُصَنْ، ئِنَّا-آسْ إِ بَطْرُسْ: "مَا تَطُّصْدْ، أَسِمَعَانْ؟
 وَارْ تَرْمَرْدْ آذِ تَفَّاقْدِ يَجْ نَ نَسَاعَتْ؟ 38 تَرْيَمْ عَلَّابَالْ تَرَّادْجَمْ حَمَّا وَارْ تِيْدَفَمْ
 ذِي رَمَحَّايْنِ- وُزْ نَ بِنَادَمْ يَخَسْ آذِ يَكْ مِيْنِ يَدْجَانْ ذِ أَصْبَحَّانْ، مَاشَا نَتَّا
 يَضْعَفْ- " 39 بَعْدَ خَاسَنِ عَاوَذِ، ئِنْتَّارِ أَرْبِي أَمَشَّانَاوْ آمَزَوَّارُوْ- 40 ئِدُوْرْد-عَاوَذِ
 غَارَسَنْ، يُوفِي-شَنْ طُصَنْ رَاحَقَّاشْ ئِعْزَبْ خَاسَنْ يِضْصُ أَوْ وَارْ وُفِيْنِ مِيْنَزِي
 ثَ غَا جَاوَبَنْ- 41 ئِدُوْرْد-غَارَسَنْ وِيَسْ تَرْتْ-مَرَّاثْ، ئِنَّا-آسن: "عَاذْ تَطُّصْمْ،
 تَرْيَحْمْ؟ بَرَكَّا! تُوَوْضْ-دِ رُوقْتْ إِ يِ ذِي غَا يِتَّوَّاسَلَّمْ مِيْسْ نَ بِنَادَمْ غَارِ يِفَّاسَنْ
 نَ يِنِّي يَعْصَانْ- 42 كَّارْمْ أَّ نُؤِيُورْمْ، وَنِي إِ يِ ذَايِي غَا يِرَّزَنْ أَقَا يُودَسْ-د-"

وُذَّايْنِ ذِ يِرُّومَانِيْنِ تَطُّفَنْ سِيْدَنَّا عِيْسَى

43 عِيْسَى يَالَهْ عَاذِ يِسَّاوَّازْ، يُوَوْضْ-دِ يَهُودَا، يِجَنْ زِي ثَنْعَاشْ نِي نَ ارُّوَسْلِ
 نَسْ- يُوُويْ-دِ أَكِسْ رَغَّاشِي، ئُوْدَّانْ يِسِيْنِ رَسِيُوفْ ذِ يِدُّبُوْرَنْ، سَكَنْ-شَنْ-دِ
 ارُّويَّاسْ نَ رَفَّقَهَا ذِ يَمَسَّرَمَّاذَنْ نَ شَرِيْعَا ذِ يَمَقَّرَّانَنْ نَ وُودَّايْنِ- 44 تُوُوعَا يُوُوشَا-

آسن يَهُودَا اِي ث غَا يَزْنَن يِج ن لَعَلَمَا، ئِنَّا-آسن: "وَنِي خَف غَا سَدَجَمَغ
ذ وني اِي ثَرْزُوم- طُفم-ث، أُويم-ث يَحْضَا." "

45 رُخْدَنِيَت يَقْرَب يَهُودَا غَار عِيسَى يِنَّا-آس: "آ سِيدِي." "أُوشَا يَسْدَجَم
خَاس- 46 سَرْسَن خَاس يِفَاسَن نَسَن، طُفَن-ث- 47 ئِجَن زَكَّ يِنِي دِين
يَدَجَان، ئِجَبْد-د سَيَف، يُووثَا يَسْمَغ ن آرَاس ن رَفْقَهَا يِقَس-آس آمَرْوَغ-

48 ئِنَّا-آسن عِيسَى: "مَا تَغِير-أوم قَانَش ذ لَمَجْرِم وَاَمِي تِسِيم رَسِيُوف
ذ يَدُبُوزَن حَمَا آدَايِي تَطُفم؟ 49 تُوغَا تَبْرِيغ اَكْدُوم مَكْر نَهَار ذِي تَمَزِيدَا
تَمَقْرَانَت، سَرْمَادَغ، وَار ذَايِي تَطُفم- مَاشَا مَارَا مَانَايَا يُوَقَع حَمَا آذ يَكْمَر
مِين يُورِين ذِي لَكُتُوب- " 50 أُوشَا سَمَحَن ذَايس مَارَا رُورَن-

51 يَذْفَار-يِث يِج ن وَحْنَجِير، خَاس تَشَامِير وَاهَا- أُوشَا طُفَن-ث، 52 مَاشَا
يُرُور-آسن بَرَا تَشَامِير نَس ذِ آعْرِيَان-

سِيدْنَا عِيسَى زَات اِ لِحْكَام ن وُودَاين

53 وُويِن عِيسَى غَار آرَاس ن رَفْقَهَا- مُونَن اَكِس مَارَا آرُويَاس ن رَفْقَهَا،
ذ يَمَقْرَانَن ن وُودَاين، ذ يَمَسْرَمَازَن ن شَرِيَعَا- 54 يَذْفَار-يِث بَطْرُس زِي
رَكَّوَج، يُودَف غَار زَمْرَاح ن ثَدَارْت ن آرَاس ن رَفْقَهَا- ئَقِيم اَك يَخْدَامَن
يَزْغَار غَار ثَمْسِي- 55 آرُويَاس ن رَفْقَهَا ذ مَارَا جَمَاعَث ن لِحْكَام ن وُودَاين
رُورَن شَهَادَث ضَد اِ عِيسَى حَمَا آث نَعَن، مَاشَا وَار وُفِين شَا- 56 أَطَاس اِي
خَاس شَهْدَن زُور، مَاشَا غَارَسَن تَنَاقُض ذِي شَهَادَث نَسَن- 57 كَارَن رِبْعَاض

شَهْدَن حَاس زُور نَّان: 58 "نَسْرَا-يَاس يِقَّار: اذ هذمغ تَمَزِيدَا-يَا تَمَقْرَانتِ اِي
 بَنان يُوذَان س يَفَاسَن. ذِي ثُرْت-يَّام اذ بَنِيغ يَج ن تَمَزِيدَا وَا ر ت بَنِين يُوذَان
 س يَفَاسَن." 59 مَاشَا عَاوَذ غَارَسَن تَنافُض ذِي شَهَادَت نَسَن. 60 بِيكَّار اَرَّايِس
 ن رَفُقْهََا ذِي رُوسَط ن جَمَاعَت يَسَقْسَا عِيسَى يَنَّا-اَس: "مَا وَا ر تَجِيوِييد
 زِي شَان ن رُحَاجَت؟ مِين حَاش شَهْدَن يُوذَان-ا؟" 61 بِيَقِيم عِيسَى يَسَقَّار،
 وَا ر يَنِّي وَالُو. نَسَقْسَا-ت عَاوَذ اَرَّايِس ن رَفُقْهََا، يَنَّا-اَس: "مَا شَك ذ لَمَسِيح
 مَّيس ن اَرَّبِّي؟"

62 يَنَّا-اَس عِيسَى: "واه، ذ نَش. اذ تَزْرَم مَّيس ن بَنادِم يَقِيم خ وُفُوسِي ن
 اَرَّبِّي اِكْ يَزْمَرَن اِ كُرْشِي، اَث تَزْرَم عَاوَذ يَهْوَا-د اَك وَسِينُو وِجَنَّا." 63
 اَرَّايِس نِّي ن رَفُقْهََا يَغْرَص اَرُوض نَس س وِخِيَق، يَنَّا-اَسَن: "وَا ر نَحْدِيج
 بُو رَشْهُوَذ! 64 ما نَسْرِيْم-اَس؟ بَقَّار اَوَاز وَا ر يَحْرِيْن خ سِيذِي اَرَّبِّي! مِين ذَاوَم
 يَنْظَهَارَن؟" مَارَّا حَكْمَن حَاس بَلِّي نَسْدَاهْدَج رَمُوث.
 65 اَوْشَا بَدَان رُبَعَاض زَايَسَن شُوسُوفَن حَاس. رَحْفَن-اَس خ وِغْمَبُوب نَس
 شَان-ت، قَّارَن-اَس: اِيوَا حَقَّ، اَنَّبِي؟ وُويِن-ت-يَد يَعْساَسَن وُوثِيْن-ت س
 يَسَقِّيْرَن.

بَطْرُس يَنْكِر سِيدْنَا عَيْسَى

66 بَطْرُس يَّقِيم ذِي زَمْرَاح. ثُوَسَا-د غَارَس يَج ن ثُخْدَانْت ن آرَايس ن رَفْقَهَا، 67 ثَرِي-ث يَزْغَار غَار ثَمْسِي، ثُخَزَار ذَايس مَلِيح ثَنَا-آس: "زَا ذ شِك تِيْرِيذ اَكْذ عَيْسَى زِي نَّاصِرَا." 68 يَنْكِر بَطْرُس يَنَا-آس: "وَار ذَام فَهِيْمَع شَا، وَار سِّيْنَع شَا مِيْنَخَف ثُسَاوَارْذ!" نِكَّار بَطْرُس يَرُوْح طَارْف ن ثُوَارْث ن زَمْرَاح. [رُخْدْنِيْت يَدَّن وُيَازِيض].

69 ثَرِي-ث ثُخْدَانْت نِي، ثَنَا-آسْن اِيْن يَحْضَارَن: "أَرِيَاز-أ زَايسَن." 70 نِنْكِر بَطْرُس عَاوْذ. وُْمَبْعَد شَوَايْت نَّان يِيْن يَحْضَارَن: "نِيْشَان، شِك زَايسَن. شِك زِي لَجَلِيل."

71 أُوْشَا يِيْنْدَا يَتَحَرَّم يَخَف نَس يَتَجَادَجَا يِقَّار-آسَن: "نَش وَار سِّيْنَع شَا أَرِيَاز-أ اِي خَف ثُسَاوَارْم!" 72 رُخْدْنِيْت يَدَّن وَيَازِيض ثُوَارْآ وَيَس ثُنَايِن-ئِفْكَر بَطْرُس مِيْن ذَاَس يَنَا عَيْسَى: قَبْر اِي غَا يَدَّن وَيَازِيض ثُنَايِن ن ثُوَارْآيِن اَدَايِي ثَنْكَرْذ تَرَاثَا ن ثُوَارْآيِن. وَاْمِي يَفْكَرْذِي مَانَايَا يِيْنْدَا يِتْرُو.

تاوین سیدنا عیسیٰ غار لحاکم بیلاطس

15 ¹ وامي یصباح زحار، مومن اړویاس ن رفقها ذ یمقرانن ن ووذاین
ذ یمسرماذن ن شریعا، ذ مارا جماعت ن لحکام نس، شدن
عیسیٰ وون-ث اټ سلمن ا لحاکم اړومانی وومي قارن بیلاطس-
² ئسقسا-ث بیلاطس ینا-اس: "شک، ما ذ اړدجید ن ووذاین؟"
ئجواب-یث ینا-اس: "ئید-ت شک-"³ اړویاس ن رفقها تششان زایس
اطاس-

⁴ ئنا-اس بیلاطس عاوذ: "ما وار تجویبید شا؟ خزر مین خاک تششان!"
⁵ ئنعجب بیلاطس وامي وار خاسن د یاری شا عیسیٰ-
⁶ ذی مکز زعید امقران یسمح بیلاطس یج ومحبوس زگ وني یخس
شعب-⁷ ئج ن ومحبوس قارن-اس باراباس، کین-ث ذی زحس اکذ
شان ن لمجرمین مینزری نغین شان یجن ذی زفوصا-⁸ ئکعد زغاشی غار
بیلاطس، بدان تارن زایس اداسن یگ مین یتگ ذی لعادا نس-
⁹ ئسقسا-ئن بیلاطس ینا-اسن: "ما تخسم اداوم سمحغ ا وزدجید ن
ووذاین؟"¹⁰ توغا یسن بیلاطس بلی اړویاس ن رفقها سلمن-اس عیسیٰ
زاحقش حسدن-ث-¹¹ اړویاس ن رفقها قربن اړدجیف ا زغاشی حما
اداسن یسمح ا باراباس-¹² ئسقسا-ائن عاوذ بیلاطس ینا-اسن: "مین تخسم
اذ کغ ا وني وومي تقارم قانتا ذ اړدجید ن ووذاین؟"

13 سَنَكَارَن تُوغُوِيْثَ عَاوَدَ قَّارَن: "صَلْب-يْت!"

14 ئِنَّا-اَسَن بِيلاطُس: "مَاغَار؟ مَانَ تُوغُوْفَنَّا اِكَّ يَكَّا وَايِنِتا؟"

مَاشَا رَنِين سَنَكَارَن تُوغُوِيْثَ س جَهْدَ قَّارَن: "صَلْب-يْت!"

15 بِيلاطُس يِسْعَفَ رُغَاشِي. يِرْخُو-يَاسَن-د اِ بَارَا بَاس اُوشَا وُوثِين عِيسَى س

وَسْعُون يِسْلَم-يْت اَث صَلْبِن. 16 وُوين-ث رُعَسَكَارَ غَارَ ذَاخِرَ، غَارَ زَمْرَاح

ن رُقْصَارَن لِحَاكَم، رَاغَان-د خ مَارَا رُعَسَكَار. 17 كُيْن خَاس اَسْرَهَام ذ

اَزْكَوَاغ، ش مُوَذَن يَج ن تَّاج ن يِسْتَانَن، كُيْن-اَس-ث خ وَزْدَجِيْف نَس-

18 بَذَان سَدَجَامَن خَاس قَّارَن-اَس، سَلَام أَي اَزْدَجِيْد ن وُودَايِن. 19 شَان-

ث غَار وَزْدَجِيْف نَس س يَج ن وَغَانِيْم، شُوْسُوْفَن خَاس، تَرَكَاعَن-اَس،

تَسَجَّادَن-اَس-

تَاوِين سِيذَنَّا عِيسَى حَمَا اَث صَلْبِن

20 وَايِي كَمْرَن زَكَّ وُبوْصَارَ خَاس، كُسن-اَس اَسْرَهَام نِي اَزْكَوَاغ، كُيْن-

اَس اَرُوْض نَس اُوشَا سُوْفَعَن-ث اَث صَلْبِن-

21 ئِج ن وَرِيَاز يَكَّا-د زِي رُكَامُپُو يِعْدُو سَنِي. كُيْن خَاس رُعَسَكَارَ صَلْبِن

س بَزَز حَمَا اَث يِرْبُو. اَرِيَاز نِي زِي لُقْرِيْنَا، قَّارَن-اَس سِمْعَان بَابَاس ن اِسْكَندَر

ذ رُوْفُس-

22 وُوِين عَيْسَى غَارِ يِج ن وَمَشَان قَارَن-أَس ، كُؤْكَوْطَا' (زَمَعْنَا ن بِيَسْم-أ: أَمَشَان ن جُمَجُمَا). 23 وُشِين-أَس أَمَان وَضِيْر خَلَطْن أَكْذ يِج ن دَوَا قَارَن-أَس مُوْر، مَاشَا يُوْكِي أَثْن يِسُو- 24 صَلْبْن-ث، فَرْقَن أَرْوُض نَس جَارَاسَن-كَّيْن لُقْرَعَا حَمَا كُر يِجْن مِين غَا يِيْسِي- 25 تُوْغَا-ت ذ تَسَعَا ن صَبَاح وَامِي ث صَلْبْن- 26 غَار وَزْدَجِيْف نَس دِيْنِي يِج ن تَرْوِيْحَت تُوْرَا ذَايس مِيْنخَف ث نَعِيْن: وََا ذ أَرْذَجِيْد ن وَوُذَايْن- 27 صَلْبْن أَكِس ثُنَايْن يِشْفَارَن، ئِجْن خ وَفُوْسِي يِجْن خ وَزْرَمَاض نَس- 28 [أُو يِكَمَّر مِين يُوْرِيْن ذِي لِكِتَاب: حَسْبَن-ث زِي لُمَجْرَمِيْن-]

29 يُوْذَان سَنِّي تَكَان تُوْكَارَن-ث نَهْزَان حَاس أَرْذَجِيْف، قَارَن-أَس: "مَا ذ شَك إِكْ يَهْدْمَن ثَمَزِيْدَا ثَمَقْرَانْت ثَبِيْد-ت ذِي ثُرْت-يِيَام! 30 نَجَا يِخَف نَش، هُوَا-د زِي صَلِيْب!"

31 وُزَا ذ أَرْوِيَاس ن زَفْقَهَا ذ يَمَسْرَمَازْن ن شَرِيْعَا تَبُوْصَرْن حَاس عَاوْذ، قَارَن إِوَايَاوِيَا: "بِسْنَجْم يِنْعِيْت، مَاشَا وَار يِزْمَرْ أَدْ يِسْنَجْم يِخَف نَس! 32 هُوَا-د، آ لَمَسِيْح، آي أَرْذَجِيْد ن بَنِي إِسْرَائِيْل رَحُوْزِي صَلِيْب، حَمَا أ نَخْرَر أَرْزَايِك نَامَن!" عَاوْذ زَوْرَن-ث لُمَجْرَمِيْن نِي إِي كِس صَلْبْن-

سِيْدْنَا عَيْسَى يَمُوْث

33 غَار وَزِيْن ن نَهَار، نَهُوَا-د ثَاْدَجِسْت خ ثَمُوْرْت أَمَن ثَكْمَرْ أَرْ وَامِي ذ ثُرَاثَا وَعَشِي- 34 غَار ثُرَاثَا يِسْعُوِي عَيْسَى س جَهْد يِنَا: " إِيلُوِي، إِيلُوِي،

لَمَّا سَبَأْتَانِي؟" زَمَعْنَا نَ وَآوَارَ: " يَا أَرَبِّي، يَا أَرَبِّي، مَا عَارَ ذَابِي ثَجِيد؟"
 35 سَرِين-أَسَ زَبَعَا ضَزَكُ بَيْنَ يَحْضَارَنَ ذِي نَان: "أَقَا يُتْرَاغَا إِي نَبِي إِي لِيَّاس."
 36 زُحْدَنِيَّتْ يَرْوَحُ يِتَارَزَّرَ يَجَنَّ زَائِسَن، يِنْسِي يَجُ سَبُونَحَا، يُسُوف-يَت س
 وَآمَانَ وَضِيْرَ ذِ يَسْمَامَن، يُكِّي-ت خ يَج ن وَغَانِيْم، يُوشَا-أَسَ آذِ يَسُو. يُنَّا:
 "جَم-ث، أُنْزَر مَا دِ يَاس نَبِي إِي لِيَّاس آث-يَدِ يَسْهُوَا!"
 37 يُسْعُوِي عِيْسَى يَج ن تُغُوِيَّتْ ثَجْهَدُ أَوْشَا يُمُوث. 38 يُقَارِصُ أَرْوَاق ن
 ثَمَزِيْدَا ثَمَقْرَانَتْ خِ ثُنَانِيْن، زَكُ وَجَنَّا أَرُ ثُمُورْت. 39 يُج ن وَعَسْكَارِي ذِ
 أَمَقْرَانَ نَ أَرْوَمَانُوسَ بِيْدَ ذِيْنِ زَائِسَ يَزْرَا زَمُوثَ إِكْ يَكَّا عِيْسَى، يُنَّا: "ذِي
 لِحَقِيْقَا أَثْرَاس-أُ ذِ مِيْسَ نَ أَرَبِّي." 40 ذِيْنِ شَان نَ ثَمْعَارِيْنِ خَزْرَنْت-يَدِ زِي
 زَكُوَاج، ذَائِسَنْتْ مَرِيْمَ ثَمَكْدَالِيْث، ذِ سَالُومِي، ذِ مَرِيْمَ يِمَاسَ نَ يَعْقُوبَ
 أَمَزِيَانَ ذِ يُوسِيْس- 41 نِثْنِيْتِي تُوْغَا ذِفَارَن-ث، تُسَخَّارَنْتْ حَاسَ وَامِي يَدْجَا
 ذِي ثُمُورْت لَجَلِيْل- حَضَارَنْتْ عَاوْذَ أَكِيْسَ أَطَاسَ نَ ثَمْعَارِيْنِ نَغْنِيْتِ زِي ثِي
 كِيْسَ يِتْكَعَّادَنَ غَارَ لُقْدَس-.

نَطْرَن سِيْدْنَا عِيْسَى

42 نَهَار نِي سُوْجَاذَنَ إِ نَهَارَنَ سَبْت نَ لِعِبَادَا- وَامِي دِ يَبُوضَ وَعَشِي،
 43 يُوسَا-دِ يَج ن وَرِيَازَ قَارَن-أَسَ يُوسَف، زِي دُشَارَنَ أَرِيْمَاتِيَا- نَتَا ذِ يَج
 ن وَرِيَازَ مُهْمَ جَارِ جَمَاعَثَ نَ لِحُكَّامَ نَ وُؤْذَانِيْن، عَاوْذَ يِتْرَحَابَ زِي زُمْلُك
 نَ أَرَبِّي- يُزْعَمُ يُؤْذَفُ غَارَ بِيْلَاطُسَ، يُتَار-أَسَ دَات نَ عِيْسَى- 44 نِذْهَشَ

بِيَلَاطُسَ وَآمِي يَسْرَا عَيْسَى يُمُوثَ ذَغِيَا. بِيَزَاغَا-د خ وَعَسْكَارِي نِي آمُقْرَان
 يَسْتَقْسَا-ث: مَا يُمُوثَ مَا عَاذ؟⁴⁵ وَآمِي يَسْن بِيَلَاطُسَ زَكَّ وَعَسْكَارِي نِي
 بَلِي يُمُوثَ، يُسَلِّمَ دَاتَ نَ عَيْسَى إِ يُوْسُفَ. ⁴⁶ يُسْعَا-د يُوْسُفَ رَشْفَنَ،
 يُسْهَوَا-د دَاتَ نَسَ، ص بِيَكْفَنَ-يَت س رَشْفَنَ. بِيَسْرَسَ-يَت ذَكَّ يَج ن وَنَضْرَ
 يَغْزِينَ ذَكَّ وَزْرُوَ آمَ بِيَفْرِي. بِيَرَا يَج ن وَزْرُوَ خ وَقْمُومَ ن وَنَضْرَ. ⁴⁷ مَرِيَمَ
 ثَمَكْدَالِيثَ ذ مَرِيَمَ يَمَّاسَ ن يُوْسَيْسَ خَزْرَنْتَ مَانِي بِنَضْرَ.

سِيذْنَا عَيْسَى يِكَّار-د زِي زُمُوثَ

16 ¹ وَآمِي يَغْدُو نَهَارَ نَ سَبْتِ، مَرِيَمَ ثَمَكْدَالِيثَ ذ مَرِيَمَ يَمَّاسَ ن
 يَعْقُوبَ ذ سَالُومِي سَغِينَتَ لِعَطْرَ، وَوِينَتَ-ث-يَدِ آدَاسَ ذَهْنَتَ.
² ذِي نَهَارِ آمَزْوَارُوَ نَ سَيْمَانَا، زِي شَ آكَّ وَبِيِنَ نَ نَفُوشَتَ، وَبِيِنَتَ-يَدِ غَارِ
 وَنَضْرَ نَسَ. ³ سَاوَارَنْتَ جَارَاسَنْتَ قَارَنْتَ: "وي ذَانَعَا غَا يَكْسَنَ آزْرُوَ خ
 وَقْمُومَ نَ وَنَدْرَ؟" ⁴ وَآمِي خَزْرَنْتَ، تَوَارَنْتَ آزْرُوَ يَتَوَاكْسَ، وَآخَا ذَ آمُقْرَانِ
 آطَاسَ. ⁵ وَذَفْنَتَ غَارِ بِيَفْرِي نَ وَنَضْرَ نِي، زُرِينَتَ يَج وَحَنْجِيرَ خَ جَّهَا
 ثَفُوسِيَسْتَ يَقِيَمَ، بِيَكَّا آرُوضَ ذَ آشْمَزَارِ أُوْشَا ذَهْنَتَ.
⁶ بِنَا-آسَنْتَ: "وَارَ ذَهْنَتَ شَا! ثُرُزُونَتَ خَ عَيْسَى نَاصِرِي يَتَوَاصِلْبِنَ، بِيَكَّارِ
 زِي زُمُوثَ، وَارَ ذَا يَدَجِي شَا. هَاقَا آمَشَانِ مَانِي تُوغَاثَ سِرْسَنَ. ⁷ رُوحَنْتَ
 رُخُوَ غَارِ يَمَحْضَارِنَ نَسَ ذَ بَطْرُسَ بِيِنَتَ-آسَنَ: عَيْسَى آذِ يِرَاحَ رُخُوَ غَارِ

ثُمُورْت ن لَجَلِيل اَكْنِيو يَرْجَا ذِيْنِي. ذِيْنِي اِي ث غَا ثَرْم اَمَشْنَاو مَامَش
 ذَاوَم يَنَّا. " 8 اُوْشَا فُغْنَت-يِد زَك وَنَضِر رُوْرَت-يِد سَنِّي، بَدَانَت تُرْجِيْحِيْنَت
 ذَهْشَنَت اَطَّاس، وَار عَاوْذَنَت مَانَايَا وُزَا اِ يَجَن مِيْنَزِي كُوْذَنَت.

سِيْدْنَا عِيْسَى يَتَوَارْفَع غَار وَجَنَّا

9 {وَامِي عِيْسَى يِكَّار-د زِي زَمُوْت زِيْش نَهَار اَمَزَوَارُو ن سِيْمَانَا، ئِمْظَهَّار-د
 اَمَزَوَارُو اِ مَرِيْم تَمَكْدَالِيْث اِ يِ زِي يَسُوْفَع سَبْعَا ن جُنُوْن. 10 تُرُوْح اَذ تَسِيُوْض
 رَخْبَار اِ يِنِّي تُوْغَا يِدْجَان اَك عِيْسَى، تُوْفِي-ثَن حَزَنن تُرُوْن. 11 وَامِي ذَاَسَن
 ثَنَا قَا زَرِيْغ-ث يِدَّر، وَار ت وُْمِيْنن شَا.

12 اُوْمْبَعْد اِ مَانَايَا يِظَهَّار-اَسَن-د س يِج ن صَفْت نَغِيْت اِ ثَنَّا يِن زَايَسَن اُو
 نَشِي كُوْرَن غَار زُكَامِيُو. 13 وَامِي د ذُوْرَن، عَاوْذَن رَخْبَار اِ يِنَغِيْت، وَار ثَن
 وُْمِيْنن شَا.

14 اَر وَنَكَّار وَامِي قِيْمَن تَنن حِطَّاش ن اَرُوْسُل نَس، ئِظَهَّار-اَسَن-د يِعِيْب-
 يَشَن مِيْنَزِي لِاِيْمَان نَسَن ذ وَقَلِيْل ذ وُوْر نَسَن يِقْسَح. اُو عَاوْذ وَار وُْمِيْنن يِنِّي
 ث يَزْرِيْن وَامِي د يِكَّار زِي زَمُوْت.

15 نِنَّا-اَسَن: "رُوْحَم غَار مَارَا دُنَشَت، حَدْثَم س لِانْجِيْل اِ مَارَا يُوْذَان.
 16 وَنِّي اِي غَا يَامَنن اَذ يِظَهَّار س وَامَان اَذ يِنْجَم- وَنِّي وَار يِتِيْمَنن شَا اَذ
 يِتَوَاحِكَم. 17 ذ ثِيْنَا ذ لَعَالَمَات اِي د غَا ظَهَّارَنَت اَكْذ يِنِّي يِتَامَنن: اَقَّا نَشِي
 اَذ سُوْفَعَن جُنُوْن س لِحِكْمَا يَنُو، اَذ سِيُوْرَن س يِرْسَاوْن ذ جَزِيْد. 18 اَذ

يُسِين يَفِغْرَان س يَفَاسْن نَسْن- مَرَا سَوِين مِين يَنْقَان، وَار ثن يَصْرِي شَا-
 أَذ سَرْسَن يَفَاسْن نَسْن خ يَمَهْرَاش أَذ كَنْفَان-"

19 وَامِي كِسَن يَسِّيُورَ عَيْسَى سِيدِيْتَنَغ، نِتَوَارْفَع غَار وَجَنَّا، نَقِيم خ وَفُوسِي
 ن أَرِّي- 20 نَثِي فُغْن حُدْثَن ذِي مَكْرُ امْشَان، سِيدِيْتَنَغ أَقَا- ث أَكِسَن،
 نَسْطَهَار-د زَحَقَّ ن وَاوَار نَس س لَعَلَمَات إِي ث يَذْفَارَن- }